

PETRI D'ORVILLE,

JURISCONSULTI,

P O Ë M A T A.

EC PH R A S I S
T I T U L I.

Aonidum vindex, clava metuendus, ad Orcum
Proterret triplicem Parcam, dum turba Sororum
Ad Pindum vatem ducunt, utserta recepit
Phoebea porrecta manu, Venus aurea tranat
Caerula, Cycneum Pueris comitantibus axem,
Gratatura viro partum decus, Ima tabella
Disciplinarum genios ad marmora sistit
A busto rapti titulum signantia libri.



PETRI D'ORVILLE,
JURISCONSULTI,
P O Ë M A T A.



AMSTELÆDAMI,
Apud ADRIANUM WOR, & Haeredes GERARDI
ONDER DE LINDEN. MDCCXL.

Monink's
Bibliothek
to's Hager.

VIRIS EXIMIIS
QUI
PETRO D'ORVILLE,
FRATRI,
PARENTAVERUNT,
S. D. P.
JAC. PHIL. D'ORVILLE.

D*ulces alumni ter puellarum trium,
Et Apollinarium orgiorum praesules;
Quos non Athenis culta Pallas Atticis
Negarit accensere civibus suis:
Cererique Eleusin sacra, legiferae Deae,
Sanctos epoptas inter ultro adsciverit:
Ad vos Iambus hic pede propere viam
Intendit, o amica vere pectora,
Spectata quorum rebus in duris fides,
Sinuque munus haud quidem ingratum gerit,
Defertque vobis sic lubens merentibus:
Sed tristius mihi & madens fletu meo.
Namque aegritudo nostra quamquam plurimum
Vestris recepit allocutionibus*

Solatii, stridensque vulnus, dextera
Medente fotum, jam cicatricem trahit,
Ipsumque tempus, quod domat tandem omnia,
Stimulos doloris obterit lapsu levi,
Simul libellos hos tamen sumsi manu,
Auctoris illico admonentur pectora,
Cor ingemiscit & recrudesceat dolor,
Udisque ocellis frustra imago pristina
Obvertitur virique fratrisque optimi.
Quin codicis quum singulos versus tuor,
Tot fomites doloris ardescunt novi,
Iterumque qualis in recente funere
Duros Deos incuso, Clothunque asperam
Fratrem reposco tempus ante debitum
Florem sub aevi praecoci datum neci:
Fratrem gemellum, mensium non orbitis
Nataliumque fortuitis casibus,
Sed quem voluntas una, votaue paria,
Fidesque, & animus sorte quavis consill
Opisque promptus, & illa fratrum gratia,
Quae regna caeli ut occupavit Jupiter,
Pulso parente, rarior comparuit,
Atque omnis instituta vitae junxerant:
At sanctus ille virginum in primis amor,
Amoena Pindi quae vireta personant,
Arta jugarat sic utrimque copula,
Ut ita gemelli vix ligati Castores,
Lucem parati mutuam priva nece

Im.

Impertiisse, ovoque eodem profati.
 Et vos, quibuscum, passa dum fuit Atropos,
 Sodalitatis jura sancte exercuit,
 Et vos, Poëtam vena quis beatior,
 Incognitum licet ore, dudum de nota
 Meliore commendarat, arcanus dolor
 Haec conspiciat dona pertentaverit,
 Quare benignam detis indulgentiam
 Infirmiore corde fuis questibus,
 Fratrique talis morte fratris non suo.
 Respiſco jam, maremque spiritum excitans
 Non amplius fatigo crudeles Deas.
 Alceſtin olim fortis Alcmenae puer
 Orco rapinam pactione lugubri
 Jam traditam, perhibetur invicta manu
 Hujus tyranni vindicasse a vinculis,
 Et reddidisse conjugis salvam toro.
 Quid juvit! iterum mensibus labentibus,
 Annisque, fato a certiore subditam,
 Admete, flecti conjugem, frustra invocans
 Non audientis jam gravem clavam Herculis.
 Tu, Musa, sola non merentibus mori,
 Jam luce quamquam destitutis hac, viris
 Vitam redonas, seculorum lapsibus
 Non terminandam, deque Tartaro evocas
 Latrante frustra livido inferum cane.
 Cuicumque dia contingere munera
 Parnasidum, purosque apes Heliconiae

*In ora contulerè nascenti favos,
Hunc fama penna non solubili vehet,
Per regna vasto disparata Nereo,
Magnasque utrique subditas urbes polo,
Quacumque Titan, instruens praecordia,
Subtile crasso lumen admiscet luto.
Quid flemus ultra, & plangimus muliebriter,
Hac nifus arte qui nigrum Lethes lacum
Emergit, & recidivus in novum jubar
Phoenicis instar surgit e suo rogo!
An non Lacaena saepe mater filium
Siccis recepit fortis unicum genis
Scuto reclinem, mille plagis pectora
Consauciatum: quippe quas acceperat,
Dum Graeciae cervicibus Persas graves
Magnanimus arcet, atque palmam patriae,
Sibique quaerit, prodigus vitae, decus!
Quis credat etenim mortuum, quem gloria,
Virtute parta, oblivione liberat,
Meritaque curto pleniora seculo
In ore memorum civium dant vivere!
Torpente si quis diffluens ab otio
Transigit aevum, subditus libidini,
Ventrisque servus, turpis instar belluae
Rimantis unco sordidum rostro lutum,
Nihil ausus homine, portio cui contigit
Caelestis aurae, cive vel dignum bono,
Is quum supremum claudit & senex diem,*

Om-

Omnis moritur, aut ne semel vixit quidem.
Amicus ille vester & frater meus
Hoc cavit olim: quem lucri quidem potens
Cunis ab ipsis destinaverat sibi
Fidum clientem filius Majae ac Jovis:
Ut quippe natum jam diu cara in domo
Ad leniter sonantis Amstelae vada,
Cyllenio qua tura mille foci cremant:
Tamen aggerendae cura non sic laminae,
Opumque nullis eximenda opibus fames
Sibi mancipare potuit ullo tempore,
Ne demeret plerumque de solido die
Partem, dicendam cultui Mentis Bonae:
Sive indoles hunc sponte movit impetum
Feleciior, seu cura patris optimi
Per disciplinas rectiores mollia
Corroborandi liberorum pectora:
Sive ex utroque fonte manavit latex,
Rivusque justi sic cucurrit alvei.
Doctrina certe gnava si qua deficit,
Bene nata nullo vim suam exserunt modo.
Nec ipse praedicare desuit patris
Animum benignum, qui putavit non satis
Docere natum, rem quibus datur viis
Parere ac tueri parva: sed sumtus nihil
Curans, nec obsecutus exemplo patrum,
Qui liberalius & canes & equos alunt,
Domosque celsas instruant, quam liberos,

Ipsum magistris excolendum tradidit,
 Promis earum perperitis artium,
 Quae prosperas ornare res, in asperis
 Praebere refugium & queant solatium,
 In otio negotium ingenuum ferant,
 Spissasque grata diluant curas vice,
 Alant juventam & imbuant prudentia,
 Senibusque tardos ire non sinant dies,
 Et nationes deditas his cultibus
 A barbararum facce gentium eximant.
 Magister Hoogstratanus illi contigit
 Talis, catus blanda arte frugi mentium
 Feliciora provocare semina,
 Ac nobili scientiae succendere
 Erectiores indoles cupidine:
 Adversa plane corda paedagogicae
 Gerens catervae, quae scholastico madens
 Pingui, liquores Hippocrenes limpidos
 Numquam sitivit, & per Arcadum horrida
 Spineta ducens ac paludes faetidas
 Juvenes ab ipso limine Aonidum fugat.
 At ille dudum juga Cithaeronis gradu
 Superare suetus arduo, tenerum pedem
 Eodem alumnus calle sensim poneret,
 Hortatus est; non, arbitror, scaeva mala:
 Livor fremat, ringatur Ignorantia.
 Nam si quis adeo obtusa gestat pectora,
 Ut dulce quid, vel utile Camenae ferant,

Igno-

Ignoret, ac proinde temnat haec sacra,
 Midae propago, patria Boeotius,
 Nec non Minervae crassioris affecla,
 Aucepsve honorum, quos, male acceptos, gerat
 Pejus, Deaeve deditus Pecuniae,
 Ad se trahenti cuncta, cujus incubet
 Fulvis acervis, ceu draco, nocte ac die,
 Genio putamus hos relinquendos suo,
 Nec praemiorum, quae sacris vatum comis
 Sunt destinata, iudices admittimus.
 Non horum Arion piscibus notae lyrae
 Delectet aures obferatas cantibus:
 Nec ipse dura tangat Orpheus pectora,
 Quamquam feras & saxa rigidasque ilices,
 Quin obstinatum precibus inferum Jovem
 Movisse fertur carminis dulcedine.
 Idoneos vos sumserim magis arbitros,
 Paucosque vestrae laudis aemulos, viri,
 Quos Cynthus sacrario admisit suo,
 Ac tradidit Poëticae mysteria.
 Censere vestrum est, quo Camenarum pede
 Accesserit laureta: num de fontibus
 Potarit istis, unde vates ebrui
 • Phoebos loquuntur digna, purisque auribus:
 Nec vos recuset ipse censores sibi.
 Quod si lapillos, sicut augur fore,
 Refundit urna candidos, nec ultimum
 Adsignat in poëtico locum choro,

Fru-

*Frustra recessus vallium ac silentia
Ruris quieti postulent dehinc sibi
Victura vates condituri carmina.
Nam siue lenis spiritus Favonii
Ad tuta portus truderet curvas rates:
Seu fluctibus trux intonaret Africus,
Merces profundo comminatus spargere,
Curasque & inter ille crebros turbines
Negotiorum, quos frequens ciet forum,
Tranquillus egit instar Halcyonis dies,
Impune nidos educantis in salo,
Musamque raro sivit obticescere.
Quin & severae Palladis colens sacrum,
Non pauca chartis contulit gnavus suis.
Unde instruatur eruditorum penus,
Sive Italarum gaudeant cupediis,
Seu ferculis trahantur Argolicis magis.
Quae si futura sisteret luci dies,
Oliua lauru mixta frontem cinxerit.
Verum quid aequo demoror vos longius
Limen sub ipsum, nec paratas ad dapes
Mota saliva comis admitto statim!
Dicenda verbis comprehendam jam tribus,
Quae scire quodam vos mea refert modo.
Non cuncta fratris scriniis recondita,
Et publicata ne quidem prius omnia,
Promenda duxi: paene quae lusit puer,
Vel poeniteret literis nunc tradere,*

Si

*Si pectus in me noverim fratris pium,
Vel si qua juris esse mos privi jubet;
Huic inferenda carminum corpusculo
Abjudicavi. Non mihi torrens aquas
Limoque & ulvis turbidas volvens placet:
Sed qui toros fons obstrepat per herbidos,
Lymphasque manat lucidas magis vitro.
Quis iste mos perversus, an dicam scelus,
Piaculumque manibus Deis grave!
Famam virorum jure quaesitam optimo,
Scriptisque fultam laude dignis postera,
Demoliendi, siue quis male sedulus,
Seu spe lucelli turpis impulsus, foras
Monumenta Musis trudit indignantibus,
Egena limae non, sed incudis novae
Auctoribus, si viverent, fatentibus,
Lucique numquam destinata publicae!
Quod crimen, etsi vindicare non solet
Praetor severus, atque leges negligunt,
Violare pacem quae sepulorum vetant,
Quicumque dignum statuat infami nota,
Themidi litarit, atque mecum fecerit.
Longe faceffant ista seculi incommoda,
Lugentibus prognata turba Gratiis.
Si rite functus esse vobis censear
Fratris memoriam consecrandi partibus,
Stellis videbor admoveere verticem,
Phoebique patris abstulisse calculum.*

Ad

A D

CLARISSIMUM VIRUM
JACOBUM PHILIPPUM DORVILLIUM

ob ~~inde~~ Carminum elegantis Poëtae

PETRI DORVILLII,

Ejus Fratris,

FRANCISCI GALLUPPI

Ἐπίγραμμα.

Heu! fratrem defles, Batavi lux altera coeli,
Dorvilli, heu! animae dimidiumque tuae!
Heu fratrem defles, quo non felicior alter
Excoluit Phoebum, Pieridumque chorum!
Carmina at illius profers in luminis oras,
Lethaeosque vetas muta subire lacus.
Ille Atropon ridens, & inexorabile fatum
Jam meliore sui parte superstes erit.
Graecia, quid jactas alterna morte redemptos?
Hoc simul est fratres vivere posse duos.

A D

A D

Eundem Eruditissimum Virum.

T Hreicio vates cecinit qui blandius Orpheo
Dorvilius subiit tam cito mortis iter!
Cur tulit hoc Phoebus? cur sustinere Camenae?
Cur ausa est Lachesis praecipitare colum?
Nunc amor extincti nomen tuus ornat & auget,
Et volitare facit docta per ora virum,
Jamque peragrabunt terras monumenta repositas,
Quis fuerat Batavi spesque decusque soli.

FRANCISCUS VALLETTA NEAPOL.

••

A D

A D
VIRUM CLARISSIMUM
JACOBUM PHILIPPUM D'ORVILLE,
J. U. D.

*Humanitatis Studiorum in Illustri Amstelae-
damensium Athenaeo Professore, defuncti
Fratris Carmina edentem.*

Q Uae mihi derapto tua Fratре, Vir optime, venit
Litera, non siccis est mihi lecta genis.
Indulsi lacrimis. Neque adhuc invenit acerbus
Se dolor. Adsiduis fletibus ora madent.
Heu quam dura data est homini lex! Nascimur, & nos
Debemur certae, cunctaque nostra, neci.
Non solum manet urna senem, sed & ipsa juvenus
Labitur: infantes dant alimenta rogis.
Saepe flet ossa viri, cui nuper nupserat, uxor:
Morte vel hanc subita vir periisse dolet.
Portitor insignes exspectat Avernus & imos.
Nox eadem fontes immeritosque premet.
Vive pius: pietas morti non adferet ullam,
Grata quidem Superis sit licet illa, moram.
Occupat innocuos leti vis aspera mores,
Virtuti semper Styx inimica fuit.
Inscia mens fuci, metuens peccare, nec ulla
Labe notata, feri victima Ditis erit.

Nec

Nec quicquam coluisse bonas tibi proderit artes.
Tela per has etiam mortis iniqua volant.
Saevit in egregios, non exoranda, poëtas:
Atra sacerdotes & tibi, Phoebæ, rapit.
Nunc ubi, quos Latium dedit, aut quos Graecia, vates?
Effugere umbriferam num potuere ratem?
Nunc ubi, tu quorum Manes venerabere semper,
Amstela, tot Batavi nomina clara soli?
Francius occubuit, Phoebæ laus magna: nec illo,
Hoogstratane, minor carminis arte, jaces.
Occidit & meritis & Musa major utroque
Broukhufius, patriæ gloria prima suæ.
Vivere sed Pyllos dignus Dorvillius annos,
Ille tuum, Critice, lumen honorque tuus,
Si prece, vel lacrimis potuissent Fata moveri,
Ante diem furva non tegetetur humo.
Non gravis hic ulli, non ulli obnoxius unquam,
Exemplum niveæ simplicitatis erat.
Mansuram doctæ famam tribuere Sorores.
Hæc puerum monitis erudiere suis.
Quamvis ingeniis ævi, me iudice, prisca
Aequandus vena carminibusque foret,
Non tamen est animus per dotes ire Poëtæ,
Tanta dedit studii qui documenta sui.
Acta sed, & laudes quorum, sine vate, laterent,
Hos dicat Clarius, perpetuetque, chorus.
Resque domi, gestæque foris, celebrantur Avorum,
Commoda qui patriæ præposuere suis.

Nec quaerunt, nec egent blando praecone Poëtae,
Est quibus aeternum Musâ datura decus.
Mors abolere nequit nomen memorabile vatum,
Fama quibus crevit carmine, crevit honor.
Carminibus Frater vivet tuus. Illa legentur,
Qui colet Aonidum numina, donec erit.
Carmina, fraternae monumenta perennia Musae,
Et pietatis erunt tot monumenta tuae.
Scilicet extincti, quae viscera sparsa jacebant,
Colligis, & Famae (sic meruere) dicas.
O utinam, quot amara Petro rapit Atropos, annos
Adponat melior Parca, Philippe, tibi.
Sitque tibi propior Deus, & se praebeat omni
Tempore: det facili spe potiora manu.
Sic annos alacer peragas Fratrisque tuosque:
Sic volitent curae docta per ora tuae.

ABRAH. ARN. VAN TOLL.

PETRI



PETRI D'ORVILLE
ELEGIARUM
LIBER PRIMUS.

CRITICE
AD
VIRUM CELEBERRIMUM
PETRUM BURMANNUM.

E Cqua sacras doctis etiamnum tempora curis?
Ecquid adhuc Musæ, quo tenearis, habent?
An modo divitias, lucrosaue pensa sequentem,
Te tædet steriles excoluisse Deas?
His inculabas, memini, Vir maxime, nuper,
Nostraque purpureus tinxerat ora rubor.
Dî melius; corpusque cinis prius occupet ater,
Quam ferar Aonidas deseruisse meas.

A

Nunc

Nunc quoque, ephemeridas quoties mihi ponere fas est,
 Thespiadum lactus grata vireta peto.
 Quoque minus dubites, quamquam, rudis ipse Camenae
 Conscius, artifices tardor adire manus,
 En mihi perpetuum Phoebi testantia cultum
 Pegaseo nuper carmina nata specu.
 Sit modo fas vigili quid detraxisse labori:
 Lusibus & nostris tempora parva vacent.
 Fallimur? an studiis tamen est mea Musa severis,
 Et, Burmanne, tuis non aliena sacris.
 Quidquid erit, tenui modulatos pectine versus
 Accipe, qua Fratris carmina fronte soles.
 Hoc mihi contingat. tetigisse videbor Olympum
 Vertice, Castalio vel placuisse Deo.
 Jam nunc insolitae veniunt in carmina vires,
 Surgit & a nutu Musa probata tuo.

TEmpore per terras quodam celeberrima Grajas,
 Et patrio Critice nomine, Nympha fuit.
 Sive cati sit Atlantiadae dignissima credi,
 Sive Jovis potius Mnemosynesque genus.
 Hanc neque ludentes niveis sub matribus agni,
 Aut viridi pendens rupe capella juvat.
 Non canibus lustrat comitantibus avia fixa,
 Non pharetra ex humeris, aut fera tela sonant.
 Non legere it florum discrimina mille per agros,
 Innexura suis ferta decora cornis.
 Nec choreae faciles inter placere Napaeas.
 Capripedes Satyros & procul esse jubet.

Ne-

Negligit & formam, quamvis dignissima cura
Illa foret. Pretium mens sibi majus habet.
Mentis amat cultum, placet hanc ornare per artes
Seu, Pimplei, tuas, sive, Minerva, tuas.
Ergo animo vastum celeri percurrit Olympum,
Stellarum varias noscere lacta vias.
Et modo telluris subiens penetrale jacentis
Eruit in caeco quae latuere sinu.
Nunc peragrans terram, formasque situsque locorum,
Aequoraque, & memori flumina corde notat.
Nunc soles annique moras ab origine rerum
Digerit, utque fluant ordine secla videt.
Fataque vestigat populorum, fataque regum,
Quae sacra, quos cultus instituere Deum
Estque Machaonias quando devertit in artes,
Ad Themidos quando se quoque scita refert:
Prima sed eloquio venit indulgere voluptas.
Hoc facit ad mores, ingeniumque suum.
Largaque facundiae delectat copia Suadae,
Mellaque, quae dulci semper ab ore fluunt.
Ergo tecta sibi, vario splendentia topho
Antra legit, Pindi non procul antra jugo;
Unde Heliconiadum vocales visere lucos
Possit, & Aonio fonte levare sitim.
Sic Cumaea specus coluit sub rupe Sibylla,
In foliis servans carmina plena Deum.
Saepe tamen visa est homines adiisse, coronae
Palladiae dotes explicitura suas.
Nempe fuit felix aevi sors ista prioris,
Vatibus antiquis si sit habenda fides,

Quum genus humanum manifesto in lumine Nymphae,
Desertoque Tonans viferet ipse polo.
Hic aliquis Criticae sacras optavit in artes
Admitti, facilem rite precatus opem.
Cui, quod dignus erat, vel quod non invida Diva,
Dicitur has leges ore dedisse sacro.
Militiae cupies quisquis dare nomina nostrae,
Haec fluere ex animo ne mea dicta sinas.
Sin minus, invidiam pro laude merebere certam:
Te decora ampla manent, si mea iussa facis.
Nec tamen est animus monitis comprehendere nostris
Omnia. plura dies, usus & ipse dabit.
Crede mihi, ancipitis plena est haec alea casus:
Suppositosque ignes cana favilla tegit.
Dormitare tibi quoties credetur Homerus,
Forte tamen vigili mente peregit epos.
Laude sua numquam libeat fraudare merentes.
Censore quoties egeris, aequus age.
Sed neque suppliciis Phalarin mireris ovanem:
Nec quemquam, facinus cui levis error erit.
In veniam pronus, causas bonus arbiter omnes
Excute, si minui nomine culpa queat.
Tu maculam, casu si pulcra notaverit ora,
Aufer Paconiae sedulus artis ope.
Ergo nec veteris cariosa volumina dextrae
Sit cauto nimius consuluisse labor.
Haec tibi sint praesto. nostri maris aequor aranti
Haec Helice naves, haec Cynosura regat.
Haec, modo quid peccet, doceant, distantis ab ore
Si qua male excepit, praeteriitve manus:

Quid

LIBER PRIMUS.

5

Quid modo in exesis delinquat adultera chartis;
Visaque docta sibi dextera, docta parum.
Hinc caussas reperisse mali, luxataque membra
Non vulgare puta restituisse decus.
Si tamen in facili morbo, plagave patente,
Auxilii videas inde venire nihil,
Ductibus insistens pravae, conabere, dextrae,
Commoda ab ingenio subdere verba tuo.
Sed caveas, moneo, male ne videaris abuti
Mentis inexhaustae luxuriante penu.
Ingenium frenis, virtus est magna, coercere.
Nec cerebri obtrudas somnia vana mihi.
Lumine nam veri nisi commendabilis ipso
Conjectura mihi nulla placere potest.
Nec tibi sit non posse malum sanare pudori.
Indicium morbi praemia certa manent.
Quum veterum mores aliquid, ritusque latentes,
Nocte vel obscura secula remota tegent,
Strenuus assidua scrutabere singula cura,
A tenebris possis si retulisse diem.
Omnia mutandi rapiet si dira libido,
Hei mihi! quot strages, quantaque damna dabis.
Exagitet numquam talis vesania mentem.
Hanc fuge, calcato ceu quis ab angue fugit.
Pieridum potius protectis civibus ornet
Conservatrices querna corona fores.
Non tamen & metues stolidae conamina turbae;
Quin jubeo, merito prostituisse joco.
Ingenio tum vela tuo licet omnia pandas.
Et vento & remis tum tua navis eat.

Ocyus indoctos de culmine dejice Pindi,
 Aonioque scabrum de grege pelle pecus.
 Jam mihi fac pereant, genus intolerabile, fuci,
 Gnavaque apis tuto mella labore legat.
 Hic quoque, qui plumis alienis graculus audax
 En nitet, & vana pectora laude tumet,
 Furtivae exutus spoliis fulgentibus alae,
 Ad proprias multo suste fugetur aves.
 Autolycis obsessa feris sacra saxa videre
 An potes? ultrici nec rapis arma manu?
 Talibus a monitis remeantem forte per agros
 Vertice de bifido vidit Apollo Deam.
 Ac Cyrrha delapsus adit, dotesque requirit,
 Dum niveum cupido lumine corpus obit.
 Nulla mora; incaluit, formamque & amabile pectus
 Arsit, uti Daphnen arserat ante suam.
 O quoties citharam sumsit, qualesque placerent
 Auribus exactis edidit ore sonos:
 Compositasve parum percussit pollice chordas
 Experiens, judex an foret aequa satis:
 Nec timuit culpam deprensus sponte fateri,
 Veraque mirari judicis ora suae.
 Saucius ardores quoties ah! carmine, amanti
 Nomine sub ficto, retulit ipse suos!
 Carmine, quo possit mollescere torva leaena,
 Et ponat tumidi quamlibet ira maris.
 Ipsa quidem nullos aestus per pectora sentit,
 Et lenta cupidos excipit aure modos.
 Ut decuit tamen hos, nil non laudabile cernens,
 Comprobat, insidias nescit at esse suas.

Quum

LIBER PRIMUS.

7

Quum Deus exultans secum, Jam vincimus, inquit.

Ominor, in thalamos ibit, catque, meos.

Quid moror? expectat, fiam confessus amator.

Heu! tacitus votis obsto quid ipse meis?

Talia sperabat prius in Peneide Nympha,

Quum miser auguriis excidit ille suis.

Atque ita, Ne fingi credas hos, Vita, calores,

Si nescis, animi flamma ea vera mei.

Urimur, utque diu clausus magis aestuat ignis,

Vix capiunt nimias pectora nostra faces.

Non dubito ante tuos, O formosissima rerum,

Ecce Deus supplex procubuisse pedes.

Tantum ne placeam minus, ut sum fassus amantem,

Quam modo, cara, tibi me placuisse liquet.

Nunc pariter cantusque meos, flammisque fideles

Incipe iudicio, Nympha, probare tuo.

Ne dubita. turpi non compellaris amore.

Quin petimus sancti nil nisi jura tori.

Sic quasvis habitem tecum, dulcissima, terras.

Sed potius mecum culmina nostra petas.

Ipse ego te lauru fragrantia visere Tempe,

Parnasique dabo sceptrum tenere iugo.

His regina locis veneranda, novemque sedebis

Diva inter doctas doctior ipsa Deas.

Quid caput avertis? tibi num facundia visa est

Pro domino pejus, quam modo, nostra loqui?

Ut tamen hoc ita sit, certe promissa probare,

Quacque tibi porto ditia dona potes.

Utque nihil portem, rutilus placuisse capillus,

Ac juvenile potest semper in ore decus.

A 4

Sper-

Spernimur ah! video, spretusque ego perdere frustra
Sustineo furdis mollia verba Notis.
Talia dicentem subita formidine fugit,
Agnæ velut ravis obvia facta lupis.
Quo fugisse tamen? nam pes neque sentibus aspris,
Spiritus aut longis cursibus aptus adest.
Jamque instans Phoebus, Frustra fugis, improba, clamat.
Ecce mea es, nostra te teneoque manu.
Et tenuit. pallor simul inficit ora retentæ.
Et genibus, toto Nymphaque corde tremit.
At, licet igne calens, trepidanti Cynthius inquit,
Pone age sollicitum pectore, pone metum.
Nunc quoque te precibus, meritisque ego flectere conor.
A Phoebæ tibi vis nulla timenda tuo.
Quod tibi dem puri documentum majus amoris!
De me quod pignus certius ipsa petas!
Vocibus his paullum ex magno collecta pavore
Mens rediit Nymphae, sed tamen usque pavet.
Sic pelagi non omnis abit murmurque tumorque,
Ventorum quamvis jam posuere minae.
Quid faciat? castum metuit violare pudorem,
Et periisse, truci si neget ore, putat.
An simulet? male ne simulatum prodât amorem
Ipsa, timet. verum stat simulare tamen.
Osque simul finxit, fictoque quid annuit ore,
Invitisque genis oscula passa rapi est.
Hoc satis in praesens sinat esse, precatur amantem,
Nec sperare tamen postmodo plura vetat.
At spe Phoebus ovans, Jam nunc, Styx audiat ipsa,
Inter, ait, Divas prima colere novem,

Dicta

Dicta fides sequitur. Criticen juga sancta receptant:

Sacraque cultrici non caruere manu.

Tunc rata se tutam manifesto denegat ore

Foedera, & illuso gaudia vana Deo.

Sceptra tamen retinet Stygia data teste palude,

Oblataeque preces, farraque tusque juvant.

Saepe quidem Phoebus, crudelem pone rigorem,

Saepe, tui, dixit, pectus amantis ama.

Ast ubi blanditiis frangi praecordia nullis,

Seque etiam sperni post sua dona videt;

Destitit ingratis, sic fertur, amare, palamque

Deserit. at tacito vulnera corde premit.

Ac ducis exemplum simul omnis Musa secuta

Neglectae Critices limina nulla colit.

Non tulit hoc, Phoeboque dolet Musisque jacere :

Et furiae spretam, tristis & ira subit.

Saepe repentino veluti lymphata furore

Fingit in Aonio turpia multa Deo :

Aut culpat formaeque decus, flavosque capillos,

Commeritaeve nihil plectra canora lyrae.

Saepe invisa fovens animo fastidia, tersum

Ipsis Pierisin carpere gaudet opus.

Mutat & in saevam modo mite tyrannida regnum,

Eque pia fieri visa cruenta Dea est.

Atque ardens odio, cultorum incauta suorum

Corda subit, stimulis exagitatque novis.

Ac consultant praeccepta nocentia tradit,

Nil metuens dotes prostituisse suas.

Tunc, ait, in chartis haeres sine fine peresis ?

Crimen & has ingens deseruisse putas ?

A 5

In-

Ingenium septo, nescis, includis iniquo.
Me miseram! in nomen semita ut arta patet!
At tibi jam per nos aperitur maxima laudum
Area, & ad famam qua via lata ferat.
Tempus ad hoc vana pietatis imagine luso
Exhibita est timida cauta medela manu.
Crede mihi ætatis revereri scripta vetustæ
Vana superstitio est, ingenioque nocet.
O ne decipiant multæ te nomina famæ,
Pluribus & seclis continuatus honos.
Lyncis at hic oculis utendum: nullus & error
Infamem effugiat, censor acute, notam.
Tu timidos curare malum sine mollibus herbis,
Ignis, ferrum, animos condecuere mares.
Membranas veteres alii, ceu litora, fervent,
Qui metuunt medio credere vela freto:
Sit tibi fas aura divinæ fidere mentis.
Hac duce nec fluctus nec fera faxa time.
Non medicina malo cuivis præsentior ulla est.
Certior artifici gloria nulla venit.
Talibus atque aliis nimirum impellere dictis
Sueverat in pejus pectora prona virum.
At mala quot furiis manarunt quantaque ab istis!
Damna quot Aonifin turba proterva dedit!
Carnificem quoties sanis dare vulnera vidi,
Quæ medici tota vix levet arte manus!
Vel flammis segetes periere ob inutile gramen,
Quod non difficilis tolleret inde labor.
Quid referam duræ censoria verbera linguae,
Quum patrius Livî sordet in ore sonus!

Crispus & historiae leges novisse negatur !
Et Tacitus tenebris horret ab ipse suis !
Quum tua, Pellaei juvenis clarissime praeco,
Pagina culparum mille peracta rea est !
Quin etiam Pithûs Cicero pater ipse Latinae
Verba, sed a rerum pondere nuda, crepat.
Quodque nefas, sacris non legibus abstinet unguis;
Sentit & impuras litera dia manus.
Nil adeo sanctum liquit veneranda vetustas,
Sacrilegi dextram repulit unde timor.
Sed tamen in veteres grassari haec turba poëtas
Maluit, Aonios laedere nata viros.
Ilias ipsa mihi testis tua, maxime vatum,
Carminis heroi ponere iussit decus.
Ergo, Maconide, quanto sapientior ille ;
Qui statuit frondes caedere falce tuas,
In totidemque libros artavit carmina Trojae,
Per quot signa suum Cynthus explet iter !
Pastoresque tui, terrae laus prima Sicanæ,
Simichida, crimen rusticitatis habent.
Et tamen hic Suadae, si diis placet, arbiter unus,
Pars labem eloquii sana vocare solet,
Thaïdaque & Phrynen duos locat inter agrestes,
Et calamistratis stipat ovile viris.
Hoc tua testantur coelestia carmina, Flacce,
Carmina inhumanis dilacerata modis.
Tu versus positu variaras ipse, niteret
Alter ut alterius proximitate magis.
Floribus hinc illinc lectis ita virgo decorem
Conciliat textu versicolore novum.

Di-

Distinguit triplici legionem ita milite ductor,
 Destituat captum ne labefacta locum.
 Quid juvat? en critica turbat peregrinus in arte
 Ordinibus validam tiro phalanga suis.
 Rusticus en, plexam Phoebos monstrante, corollas
 Sustinet indocta dissecuisse manu.
 Haud fecus Argolico jacuerunt litore quondam
 Hippolyti fractis membra cruenta rotis.
 At si quid gelida sentit Venusinus in umbra,
 Famaque Lethaeos transilit ista lacus,
 Infano capiti pro tam crudelibus ausis
 Dira Lycambeo carmina more canit.
 Rodere quod Musam petulanti dente Maronis,
 Despicere ingenium sustinuitque viri,
 A caliga dictus Fatui sibi Caesar inustam
 Retulit ab justa posteritate notam.
 Ecce tuos alius tamen, o divine Poëta,
 Audet ut exiles insimulare modos,
 Nugacesque vocans, & majestatis egentes,
 Vix se, vix Bavium posse decere putat.
 Nunc ego quid memorem, non quidquam ut sanior alter,
 Ille pudor seculi ludibriumque sui,
 Praetulit Argivae, stupefacta Pallade, Suadae,
 Praetulit eloquio, Roma diserta, tuo,
 Illineret levibus quidquid plebs Francica chartis,
 Sermonis patrii plebs studiosa nimis?
 Sic etiam, longas cui mox Deus addidit aures,
 Stultitiae testes ut sine fine forent,
 Sustinuit, Tmolos victorem judice, Phocbum
 Arcadio Pani postposuisse Midas.

Illius an mirer praecordia pingua, cujus
Judicio Ascraci carmina vatis hebent,
Et modo cum Scythicis nivibus de frigore certant,
Aut capite annosae nata videntur anus;
Pascensem pecudes quamvis Helicone sub alto
Dignata alloquiis Calliopea suis,
Ac viridi e lauru baculum coeleste canenti,
Fatidicam mentem, melleaque ora dedit?
Num magis indigner, quum non imitabilis ulli
Dircaeae Cliûs vapulat ipsa chelys:
Pulcraque crudeli mutilatus membra securi
Teius heu! luget corpora trunca senex?
At contra insolitas alius stupet arbore frondes,
Insitaque audaci poma aliena manu.
Ille dolet fracto versus incedere talo,
Carmina mensuram nec capere ipsa suam.
Alter in exilium Syllis projecta cruentis
Ingenii moeret pignora cara sui.
Parva queror: mentis vesania summa procacis
En superat, seclis vix habitura parem:
En nota, non unum, pariter strictura sed omnes,
Quot prior auctores protulit ulla dies.
Excipe nam cursus Ithaci, Trojanaque bella,
Herodoti Musis scripta dicata novem:
Excipe sermones Flacci, Plautique lepores,
Virgilii segetes cum Corydone suo:
Excipe cum paucis Plinî mirabile textum,
Naturae gremio cuncta foventis opus:
Cetera, cenforem helleboro purgate furentem,
Non sua mentita nomina fronte gerunt:

Cetera sunt, blaterat, commenta recentibus ævis;
Arte scelestorum structa doloque virum.
Zoile, magna tuæ, at vetus est infamia culpæ;
Expleta & numeris jam tua poena suis;
Sin minus, at cesses liceat paullisper, ut horum
Infames subeant nomina dira vices;
Per quos Invidia Critice Momoque creata,
Dignaque Tartareos creditur ire lacus.
At te, Phoebe, gravi liquet indoluissè furore;
Consilii que olim poenituissè tui.
Diceris o quoties medicas tentassè per artes,
Pristina si possit mens rediissè Deæ.
Nec frustra; siquidem cessere potentibus herbis;
Phoebeaque animi sunt mala victa manu.
Ut rediit ad se, rabidi monumenta furoris
Quam maris optavit mergere possè vadis!
Quam sibi, quos habuit furiarum iracque ministros;
Cultores odio jure fuere mali!
Quod potuit, meritis ingentibus obruit ista,
Nec levibus nisi est damna piare bonis.
Sive ad Scaligeros modo se, doctosque Valesos
Contulerit; Critici nomina quanta chori.
Sive Casaubonio sacratam pectore sedem,
Vel mox Salmasii mente capace locet.
Teve Italis mystam, Victori, legerit oris,
Teve, Urfine, sibi, teve, Faërne, sibi.
Artificive manu fingat Stanleia corda,
Qua geniis magnis terra Britannia favet.
Reinesive aciem fuerit mirata, sagacem
In lapide incisas explicuissè notas:

Quo

Quo prius, adgressus duras superare falebras,
Tramite Gruterus nomina clara tulit.
Seu magis antistes placuit Gronovius artis,
Lucentemque viro prætulit ipsa facem.
Vel dedit auspicium, patriae dum finibus orae
Barbariem forti pellis, Erasme, manu.
Alite seu divam fausto coluere volentem
Grotius, omne tuum, Delphica terra, decus:
Et pater Heinsius, Critica tam laude ferendus,
Quam celeberrima Graja, Romuleaque lyra:
Heinsiusque nihil proles cessura parenti,
Vulnere confossis vatibus una salus:
Broukhuisiusque, malis terror flagrumque Vacerris,
Unicus & docti Graevius orbis amor.
Provida quotque viros delectu Diva sagaci
Artibus instituit, praeposuitque sacris.
Quorum pars memori conservavere nepoti
Scripta vetustorum jam peritura virum:
Pars, acie mentis vigilem comitante laborem,
Luce serenarunt secula prisca nova.
Pars prolem adseruere, nothis dubiisque repulsis,
Cuilibet auctori per rata signa suam.
Pars quoque Musarum segetes populantia monstra
Adgressi Herculeae perdomuere manu.
At mihi perpetuum salvete heroa propago,
Quos merito aeternus lumine vestit honor.
Tuque o Diva mihi salve, nova cura Sororum,
Rursus amor Phoebi deliciae tui.
Tu, Burmanne, adeo salve, recidiva perennant
Vindice quo Criticae fama decusque Deae.

Nem-

Nempe sacerdotem successoremque petivit
Jam pridem heroum te sibi jure virum.
Ac tibi Diva favens dixit, bene gnara futuri,
Adsertor veteris tu mihi laudis eris.
Nam tibi continget mentis virtutibus altae
Arte mea insignes equiparare viros:
Opprobriumque, usus sapienter munere nostro,
Omne piis demes, invidiamque sacris:
Ausaeque contundes turbae scelerata profanae,
Vindice contorquens spicula certa manu.
Quin mihi Mystarum nova te seges auspice surget,
Formata in cultus pectora rite meos.
O faciant nentes mortalia fila Sorores,
Gaudeat ut longum flamine Diva suo.



PETRI D'ORVILLE
ELEGIARUM
LIBER SECUNDUS.

ELEGIA I.

Villae Paternae Desiderium.

JAm satis assidui me detinuere labores;
Sive Atlantiade, five Minerva tui;
Jam satis invisae strepitus urbisque tumultus
Optata requie me vetuere frui:
Dum mihi sic longae ducuntur tempora Brumae,
Dum mihi sic teritur Veris amica dies.
Ac nunc Ver rursum properavit condere vultus,
Pro quibus aetivi fideris ardor adest.
Nec dum frugiferos mihi visere contigit agros,
Commoda nec placidi ruris amoena sequi.
At jam continuos stat tandem abruptere curas;
Sollicitosque urbis deseruisse lares.
Paullum & ephemeris in jussis tabulisque valere,
Tranquillo refides ducere rure dies.
Silva sub Harlemae confurgens moenibus urbis,
Accubat ad ripas, Sparne jocosae, tuas:
Clara frequentato Nymphis Satyrisque recessu:
Sed magis, ô Witt, carmine clara tuo.

B

Haud

Haud procul Heemstedii tollunt se nominis arces,
 Sparnus regnatæ sceptræ ubi sumit aquae.
 Et tæretî nassæ, & venatibus apta jugofis,
 Et, modo dum pluviis non caret, ora ferax.
 Temperies coeli, recreare salubribus auris
 Membra catenato fessâ labore potens;
 Atque aditus facilis, seu cymba, sive citatis
 Fiat iter mannis, dos quoque magna loci.
 Hic gens Amstelidûm, cupiens seponere curas,
 Villarum serie continuavit humum.
 Ultimaque has inter non fertur Villa Paterna,
 Quæ sua de Viridi nomina Valle tenet.
 O requies, nôstri o lenimen dulce laboris,
 O merito votis Villa petita meis!
 Illa quidem vastos non se diffundit in agros:
 Contemnenda tamen nec brevitate sua est.
 At paullum, placidis adeo secessibus apta,
 Devia, quò rara fert via trita rota.
 Oppida magnâ colat, si cui strepitusque, fragorque,
 Et placeat tantum semita plebe frequens.
 Non hic Oebaliis consurgunt atria saxi:
 Membra vel urbanus cetera luxus habet.
 At spatiôsa satis, veniat si crebrior hospes,
 Paganosque decent qualia tecta lares.
 Occidua de parte domûs pomaria vernant:
 Temperat Eoas silva venusta faces.
 Fructibus ad plenum pomaria fida gerendis:
 Sint pyra, seu malum, seu genus omne nucum.
 Seu natum Ponto cerasum, & lanugine pruna
 Mollia, & Armeniis poma relata plagis.

Uva:

Uvaeque decertans Tyriac cum murice conchae,
Moraque sanguineis nunc quoque rubra notis.
Multaque praeterea, quae non Amaryllis amaret
Immerito, & velles, tu Galatea, tibi.
Atqui pace tua, quamvis proventibus, Horto
Pomifer, uberibus jure placere potes:
Se mihi vel sterili lucus commendat ab umbra
Non minus, & crebris frondea tesqua viis.
Hic ubi, flammigeros quamquam sol incitat axes,
Semper oberrantem frigora grata juvant.
Hic ubi consociant umbracula fagus, & ingens
Aesculus, & magno quercus amata Jovi.
Ac tiliae molles, & frondis populus albae,
Populus Alcidae grata corona comis.
Nec patula ulmus abest, neque abest tibi sacra, Gradive,
Fraxinus, & quas non hic numerare vacat.
Hinc solem ad medium viridans se molliter effert
Collis, & in summo parva diacta jugo:
Parva quidem, sed prospectu non parva patente,
Ac domino, paucis hospitibusque satis.
Quam juvat! ad pastum seu mane cuniculus exit,
Seu juga defessis sol ubi demit equis,
Et memini, qui pro pastu sua fata cupito
Istis invenit, me feriente, locis.
Quam juvat hic lusus exercentemque choreas
Cernere monticolam per juga summa gregem!
Aut e contiguis umbris audire volucres,
Cantibus accendunt quae nemus omne suis.
Nec minus interea oblectat, quae colle sub imo
Adpositam per aquam plurima ludit anas:

B 2

Quae-

Quaeque frequens illuc fœvit properasse columba
 Cannabis ad notas, pabula grata, dapes.
 At si magna, boves, possunt armenta juvare
 Forte magis, procul hinc pascua lacta virent:
 Quo me deducit tiliis celeberrimus ordo,
 Deliciisque novis angulus iste placet.
 Nam nemo aquatis spatiis facit ulmus & alnus;
 Vibrantis radios sideris instar inest.
 Hinc modo specto greges, tondent dum gramina campi,
 Vel revocant pastum rursus in ora cibum:
 Bisque die sub septa ferunt turgentia lacte
 Ubra, quae palmis gnava colona premat.
 Harlemius, fremitu confurgens saepe marino,
 Luminibus sistit se lacus inde meis:
 Nec mihi nocturnis semotior officit auris;
 Fercula sed percas mittit opima suas.
 Hinc quoque velivolos datur observare phaselos,
 Qui procul hinc Sparni lubrica dorsa secant.
 Culminaque Heemstedius tollit fumantia pagus.
 Arx etiam arboreis emicat alta comis.
 Laeva quidem regio steriles ostentat arenas:
 Ac filice & musco vix juga tecta suo:
 At tamen haec spectans nil curo tonsile buxum,
 Quique novo celat more lapillus humum.
 Aptius hoc cultu decoretur Adonidos hortus:
 Alcinoi his simulet scaena vireta modis.
 Vos licet oblectet pictorum pergula vana:
 At Natura mihi simplicitate placet.
 O quis ad Heemstedii ducat me florida Tempe!
 Ad loca, perpetuum quae colit alma quies!

O quis

O quis me urbano strepitu curaue remotum
Deuehat in saltus, ora beata, tuos!
Eia age, currus, ades, velocibus acte caballis;
Eia age speratis me cito siste jugis.

ELEGIA II.

AD AMICOS.

Ut suum ipsis Nonis Octobribus natalem celebrent.

HUc dulces properate mei, properate Sodales,
Festaue solempni dicite uerba die.
Hæc est illa dies, ortus quæ conscia nostri
Vitales auras ducere prima dedit.
Hæc celebranda uenit: circumdate tempora fertis;
Mox flores capiti Bruma negabit iners.
Natalique, comam nardo fragrante madentes,
Libemus ueteris pocula terna meri.
Et semper redeat felix, meliorque, precemur,
Intacta semper candidiorque nive.
Mox totidem in Bromii ducamus patris honorem,
Formoso Charitum mox totidemque choro;
Mox Phoebo; & turbae ter pocula terna nouenæ.
Cum populo numerus conuenit iste suo.
Ordine mox omni posito, mixtimque bibamus:
Et magnum cyathos sit numerare nefas.

B 3

Sint

Sint procul a nobis & cura & ruga senilis :
Non facit ad luces illa vel illa sacras.
Neptunus ratibus, si quid meditabitur Auster,
Sponte dabit dubias ire redire vias.
Ac si forte Cilix merces captabit opimas,
Cymodoce Cilicas sub vada caeca vehet.
Nunc decet, & fas est, dulci maduisse Lyaeo,
Et terram facili ter pepulisse pede:
Nunc blandos audire jocos, audire lepores,
Nunc placidos risus innocuosque sales:
Nunc sua non dubio profiteri gaudia vultu:
Carminibus totam nunc resonare domum.
Carmina, fraterno debes quae, Frater, amori,
Aonio multum Frater amate Deo.
Quaeque Hogenbergi, quaeque O dilecte Sibersma,
Et debes socio, Jane jocose, tuo:
Tuque, Oudendorpi, doctarum cura Sororum,
Et tu spes clari maxima, Honerte, patris.
Carmina debentur: genialia carmina, Amici,
Reddite natali debita quisque meo.
Sic Heliconiades veniant in vota Puellae:
Praestet & Aoniam Cynthius ipse lyram.
Sic quoque possitis longae per tempora vitae
Ducere felices, & sine nube dies.

ELEGIA III.

IN OBITUM

Celeberrimi Doctissimique Viri

HADRIANI RELANDI.

ITe plac lacrimae, vocesque doloribus aptae;
 Si quando, querulus nunc sit in ore sonus.
 Horrida pro citharis cantet tuba flebile lactis.
 Legitimi luctus causa, Relande, jaces.
 Nempe jaces, Vir magne, & te quoque fata tulerunt
 Invida, nec tantum pertinuere nefas.
 Nec tibi quid prodest sacras per Pallados artes
 Egregium stellis inferuisse caput:
 Limina nec canae nondum tetigisse senectae.
 Infelix justam raptus es ante diem.
 Nestoream, si quem, decuit te vivere vitam;
 Te Phrygii, si quem, tempora longa senis.
 Improbis sub mediis nunc te Nex abripit annis.
 Et quisquam lacrimis abstinuisse queat?
 Ille oculis nati spectaret funera siccis,
 Ille sui patris, conjugis ille suae.
 Adspice, convulsis Ultrajectina capillis
 Ut sedeat Pallas, funero moesta viri;
 Ut gemat, ut latus ululatus impleat auras,
 Nec valeat lacrimas continuisse genis.

B 4

Et

Et merito. praecclara fui nam fama Lycei,
Ac columen validum, dum fuit, ille fuit.
Quid referam, doctum sibi quis devinxerit orbem
Saepius, aeternis edita scripta notis?
Quidve illi Latium patuisse, quid Hellada totam,
Atque Oriens quidquid dives ubique tenet?
Carmina quid referam, quae doctas posse Sorores,
Quae dicas Clarium posse decere Deum?
Nunc quoque, si qua fides, vultu miserabilis aegro
Flere necem vatis dicitur ille sui.
Qualiter in cari doluit vix funere nati,
Curribus exciderat quum miser ille suis.
Huic comitem in planctus se dat partemque doloris
Pieris indignas quaeque notata genas.
Proque lyra moestis pulsant sua pectora palmis,
Dilantantque sinus, dilantantque comas.
Nec minor in terris luctus grassatur ubique:
Sollicitos gemitus angulus omnis habet.
Flet circum infelix misera cum conjuge proles,
Illa patrem carum, sed vocat illa virum.
Discipuli rapto plorant sua damna magistro:
Consortes operis fata cruenta gemunt.
Et quacumque focis adolentur tura Minervae;
Quisque velut privo funere mysta dolet.
Seque pater Rhenus, corpus ne spectet inane,
Ipse suis aucta fletibus abdit aqua.
Nec tamen iste dolor tantum vicina pererrat,
Quamlibet extremas occupat ille plagas.
Luget Iber, moesto luget cum Teutone Gallus;
Et latices potat qui, Tiberine, tuos:

Cum

Cum Parthis quoque luget Arabs, Medusque, Syrusque.

Implerat meritis solis utramque domum.

Scilicet usque adeo fera mors dominatur ubique,

Et nihil infausta non petit illa manu.

Illa malos justosque rapit discrimine nullo,

Illa casas humiles celsaque tecta subit.

Ingenii at bene quod mancant monumenta feracis,

Et nequeant ullis illa perire rogis.

Vivitur, aeternos his & duratur in annos:

Postque suos cineres quis superesse potest.

His etiam, quotquot venient ex ordine, vives,

Secula, nec totus, magne Relande, cadis.

Dum tellus, dum pontus erit, dum lucidus aether,

Cynthiaque in niveis conspicietur equis,

Et Titan radiis fulgebit cinctus acutis,

Semper erit toto nomen in orbe tuum.

Quid gaudes, spoliis quid, Mors laetaris in istis?

Vana, tenes minimum, corpus & ossa, viri.

Parte sui duras fugit meliore catenas:

Jam maria & terras sub pede spectat ovans.

Perque poli exultans formosas ambulat arces,

Delicias animo vix capiente novas.

Atque illic liberque malis, curaue solutus

Cum summo gaudet vivere posse Deo.

Interea extremos illi solvamus honores,

Demus & exequias, debita dona, pias.

Non tamen Oebalio tumulus de marmore surgat:

Vel solido titulos aere columna canat.

Hacc alius speret. longe monumenta reliquit

De se victuris nobiliora notis.

Et quo jam massæ peregrinaque marmora nobis ?

Constituât tumulum pectore quisque suo.

Manibus inferias illic solvisse quotannis,

Et stata more pio sacra tulisse juvet ;

Solemniq; juvet gemitu renovare dolorem,

Verbaque funerea dicere digna die.

Accedant lacrimæ foedata per ora ruentes.

Hæ vini, hæ laticis, lactis & instar erunt.

Et decet, & meritas portabimus annua ad umbras

Dona. fave sacris Vir modo magne tuis.

ELEGIA IV.

AD FRATREM

JAC. PHIL. D'ORVILLE

De Sua Vivendi Ratione.

STat vetus & spissis densissima silva tenebris,

Undique gramineo cespite vernat humus.

Rivulus in medio vitreis argenteus undis :

Nympharum, Frater, dixeris esse domum.

Hic, ut eram vacuus curaque metuque, vagabar :

Nec tamen ex toto desidiosus eram.

Namque inerant manibus vatum genialia scripta,

Pectoraque adflarant numine nostra suo,

Quum

Quum subito vidi, vel me vidisse putavi,
Adstare ante oculos corpora bina meos.
Non facies humana illis, & lucida nimbo
Tempora, mortali formaque major erat.
Implebantque locum spirantes vertice odores
Ambrosii. licuit noscere adeste Deas.
Primaque per vacuum coeli delapsa Poësis
E cultu nobis fit manifesta suo.
Candida vestis erat, nullo fucata colore;
Credibile est puri pectoris esse notam.
Ridebant vario fluitantes flore capilli:
Dextrae onus incurvae tinnula fila lyrae.
Lacvaeque cum plectro gestabat laurea sarta;
Serta poëtarum circuitura caput.
Mercatura simul sublimi fronte severa
Venerat, ornatu conspicienda suo.
Armillas manibus, dederatque monilia collo,
Cingebat rutilas gemmea vitta comas:
Quodque erat in laeva, sceptrum regale decebat,
Dexteraque adgesta lance tenebat opes.
Atque ait illa prior; Malefane quid arida Pindi
Non profecturo saxa labore colis!
Utilius nostram tu provolveris ad aram;
Cui nemo incassum turæ dona dedit.
Hinc tibi opes crescent, merces hinc fœnore magno
Ditabunt dominum, me faciente, suum:
Argentique tibi portabunt pondera & auri
Gemmifero naves Gangis ab usque sinu.
Quid juvat in veterum curam disperdere scriptis?
Valvere quid Grajos nocte dieque Sophos?

Sci-

Scilicet altarum follers prudentia rerum,
Et dos ingenii quaeritur inde tibi.
Quidquid erit, melius dabit ista pecunia sola;
Sola sub arbitrio continet ista suo.
Tu mihi da Battum, & magnas simul adjice gazas;
Si velit, eloquio Tullius alter erit.
Et quantum nummi, tantum sapientia crescet:
Provida mens veniet divitiisque comes.
Tum multos etiam poteris numerare sodales,
Confluet ad plenam densa caterva domum,
Turbaque adulatrix blando sermone vocabunt
Te regemque suum, te dominumque suum.
At tibi quae poterunt doctae bona ferre Sorores?
Ingrato dederis cur tua tura foco?
Num facit ad victum carmen? num carminis artes
Reddere cultori magna talenta solent?
Nimirum hinc vates tot, paupertate premente,
Vix aegre vitam sustinuerunt suam.
Forte petis famam, totumque hinc posse per orbem
Casurum numquam nomen habere putas.
Falleris, & nescis; jam sunt sine laude Camenae,
Jamque bono vati nullus habetur honos.
Tu sis vel Sophocli, vel magno aequandus Homero,
Andinis cedat nec tua Musa modis;
Forfitan, egregio qui carmina facta labore
Ex meritis celebrent, unus & alter erunt.
Si tibi mens avida est laudis, praebemus illam;
Junctaque divitiis nomina magna feres.
Solis ab occasu, solis nosceris ad ortum:
Nulla erit in mundo nescia terra tui.

De

De te longinquae gentes, populi que loquentur,
Et tales repetent ore frequente sonos:
Hic etiam extremis fecit commercia terris,
Per dubias mercem nave vehente vias.
Haec tibi cuncta dabo. quota pars tamen illa futuri?
Et sunt, quum dixi plurima, plura super.
His compone, licet, praestant quam carmina famam.
Et tamen excepta laude quid illa ferunt?
Hac fies patria paucis vix notus in ora.
Scilicet hoc hoc est, cur operosus eris.
Desierat. Coepitque simul divina Poësis,
Et tales roseo solvit ab ore modos.
Ne, quaeso, incautas, juvenis, tibi fascinet aures;
Turgida dum largas polliceatur opes.
Sunt mea non magnae, fateor, sacra cognita turbae:
Non tamen hinc fuerim despicienda tibi.
Nescis cur adamas, sit cur in honore smaragdus,
Cur petrium baccis grande, quod ante, manet?
Quis jam sceptrum velit posthac onerosa tenere,
Si pariter cunctis regibus esse datur?
Aut paucis si mixta rosis spineta videbis,
Illane tu dices anteferenda rosis?
Sis dives, Croesum sic ut superaveris ipsum;
Aurataque tibi profluat Hermus aqua:
Quid jam quaesitum fuerit, nisi cura perennis:
Quae tua discruciet pectora mille modis?
Quumque gravi ventos audis stridore tonantes,
Ad miseras curras ore tremante preces,
Ne fiant avido laceratis praeda carinis
Assyriae merces Sidoniaeque mari.

At,

At, puto, non paucos felix numerabis amicos;
 Poscet amicitiam plurima turba tuam.
Sic erit: at quum se Sortis mutaverit aura,
 Liquerit & sedes improba Diva suas;
Omnis turba retro cedit male fida, nec ullus,
 Qui te soletur, forsán amicus erit.
Tunc quanto melius nullos habuisse sodales,
 Cernere quam cunctos tam cito terga dare!
Adde quod, ipsa licet cupiat promissa benigne
 Solvere, non, nisi jam Sorte volente, potest.
Quumque nihil dubia Sortis fallacius aura,
 Aura in fallaci spes tua semper erit.
Tutius at quanto tu munera nostra tenebis,
 In quae fata nihil lubrica juris habent!
Pellere Nasonem potuit Fors invida Roma,
 Ingenio nocuit Caesaris ira nihil.
Omnia quum rapuit, cur non quoque carminis artem?
 Imperio major res erat illa suo.
Usque Tomitanas illa comitatus ad oras,
 Per terrae tractus, per freta longa, fuit.
Carmina sunt testes Ponto deducta sinistro,
 Carmina judiciis usque colenda meis.
Nec me despicias, quod sim non perfida, quodque
 Cultori maneam semper amica meo,
Parvaeque non inopis dedigner testá subire,
 Nec metuam caecae fulmina saeva Deae.
Non tamen ut nolim nisi pauperis esse sodalis,
 Mitibus aut fatis ut comes ire negem.
Te mihi, te testor, Caesar Germanice, cujus
 Admisi illustres ad mea sacra manus.

Nos

Nos damus ingenium, defint si cetera nobis,
 Nomina non unquam nos moritura damus,
 Carminaque, aeternae munus praestantia famae,
 Solaque funereos effugitura rogos.
 Ah! mihi quam stolide sapientia quaeritur aere,
 A diis quae melius parta labore venit.
 Ah! levis est nimium, nimis est ea fama caduca,
 Quam tibi gaza ferat non minus ipsa levis.
 Haec tamen ausa suis nostras componere dotes,
 Quas nunquam poterit perdere tempus edax?
 Millia tot quis nunc vel nomine noverit ipso,
 Qui celebres multa merce fuere prius?
 Nunc etiam terras laus pauperis implet Homeri;
 Nec jam Battidae fama sepulta jacet,
 Inque suo vivit Thebanus carmine cyenus,
 Et pater argutae Teius ille lyrae.
 Alta Sophocleis Clio subnixa cothurnis
 Nunc quoque grandifona pulpita voce quatit.
 Doctus Aristophanes, Aetaci gloria focci,
 Nunc quoque Mopsopios perfricat arte senes.
 Nunquam erit, ut teneri moriatur Musa Propertii,
 Heroive Maro maxima fama pedis.
 Ut nova floret adhuc Venusino gratia vati!
 Nam periit nomen, culte Tibulle, tuum?
 Inspice majorum pariter monumenta tuorum,
 Inspice quos vates terra Batava tulit.
 Donec lascivum referet Verona Catullum,
 Ostendet cunas Haga, Secunde, tuas.
 Ganda dedit patrem, natum Leidana Minerva
 Heinsiadem, nostri lumina bina chori.

Atque eadem, Phoebi simul & Mavortis alumnos,
Dousiadas fovit mater amica sinu.
Grotiaden Delphi referent, si jure putemus
Mortali tantum surgere stirpe virum.
Te Franci, te, Broukhufi, par nobile vatum,
Ya pater cives jactat habere suos.
Quosque referre mora est: penna metuentes resolvi
Per populos quorum nomina fama vehit.
Crede mihi, est aliquid mortem sic vincere posse,
Spemque sibi tantam semper habere ratam.
Desierant ambae; veniam, pacemque rogavi,
Attonito referens talia verba sono:
Tu spondes famam, tu nomina clara, Poësi,
Tu mihi fatalem spernere posse diem:
Ac tu divitias mihi, Mercatura, potentes;
Utraque sunt animo munera grata meo.
Mens labat in dubio: nam nec contemnere tutum,
Nec legere est. onus hoc, nec minus illud habet.
Huic ego parvero; metuo mihi ne sit iniqua
Altera. plusque juvant, quam juvat una, duae.
Saepe tamen geminos Coelestes una recepit
Ara; marisque Deus cum Jove dona tulit.
Cur non sic etiam mihi numina bina colantur,
Accipiantque meas utraque Diva preces?
Annuerunt ambae, ac veniae mihi signa dederunt.
Currat per geminas nunc rota nostra vias.

ELEGIA V.

A D

JANUM GRAEFLANDIUM,

e gravi morbo convalescentem.

O Desiderium doctarum, Jane, Sororum,
 O Juvenis, Clarii maxima cura Dei!
 Seu natura facit, nascentibus insita nobis
 Paene eadem, studii consimilisque labor,
 Sive amor, in longos crevit qui fortiter annos;
 Conspirant miris pectora nostra modis.
 Aegrotō similis dudum pigra membra trahebam:
 Corpore languebat mens tamen ipsa magis.
 Non veteres me jam vates lustrare juvabat,
 Itala quos tellus, Graccia quosve tulit.
 Non mihi Maconii, non grata Camena Maronis?
 Nec poterant numeri, Naso, placere tui.
 Causa nec inventa est, nullo cur vulnere latus,
 Tam male tranquillo pectore semper eram.
 Somnia terrebant etiam. Nam visus adire
 Sum mihi Pierii templa sacrata jugi.
 Omnia erant illic gemitu plena, omnia luctu;
 Implebat sacros multa querela locos.
 Per nemus Aonium non fistula dulce sonabat,
 Mutaque erant citharae, mutaeque fila lyrae.
 Illic, tristitiam sparsis testata capillis,
 Plangebat miseros turba canora sinus.

C

Vila:

Visâque Melpomene sic fundere flebile carmen,
Et facere ad Phoebum talia verba suum.
Phoebe, pater vatum, numerosi carminis auctor,
Virginei numen, praesidiumque, chori:
Herba omnis subjecta tibi, medicusque vocaris,
Qua caput aequorea tollis & abdis aqua.
Si te quid lacrimae, si quid suspiria tangunt,
Curaque jam nostri si qua relicta tibi est:
Ipse vides, heu! heu! vicino ducere vatem
Vix animam leto, duraque multa pati:
Ipse vides, qui cuncta vides, pater alme, tuoque
Cultori medicam, nam potes, adfer opem.
Finierat. Subitoque sopor languentibus alis
Me fugit, incertum, quem fera Parca petat:
Nec tamen haud dudum latuit, cui fata parentur:
Somnia ponderibus nec caruere suis.
En jam fama venit tristis, tantosque dolores
Jam mihi qui portent, unus & alter adest.
Ille tuus praedulcis amor, Graeculandus ille,
Dixerunt, tibi jam non rediturus abit.
Non magis, aut certe haud multo magis, aequora mota
Esse puto, venti quum fera bella parant,
Quam, simulac nostras tanti percussierat aures
Fama mali, attonito pectore motus erat.
Mentis inops erro, totusque in imagine damni,
Euias ut demens, per loca cuncta feror.
Ut vero invenit sese dolor; an tua possem,
Tentavi, precibus flectere fata meis.
Evadat, dixi; fuerim ceu morte receptus
Ipse, tibi gratus munera, Phoebe, feram:

Adj-

Adjiciam carmen: **REDIVIVO PETRUS AMICO.**
 O fiam voti jam reus, opto, pii!
 Interea haud aliter doleo, quam nupta fidelis,
 Crudeli rapto conjuge morte, dolet.
 Non mihi jucundum lectissima vina saporem;
 Non epulae dulces conciliare queunt.
 Atque aliquis dixit; spectacula laeta videnda:
 Quid tibi nunc moesto pallidus ore color?
 Scilicet ipse feram depulsa gaudia cura,
 Luminibus ludos adspiciamque meis:
 Altera pars nostri miseranda tabe liquefcet
 Illius ante oculos nil nisi funus erit!
 Non ita. Tristitiae lubet indulgere, trahoque
 Per lacrimas morbi tempora dura tui.
 Perque ea non ullam juro sensisse quietem,
 Ruperunt variis quam nisi visa modis:
 O! quoties noctu tua me turbavit imago
 Tristis, & ut gelidis manibus esse solet!
 Saepius in fletum solvor, lacrimasque profundo,
 Ac video guttis humida strata meis.
 Excitor ut somno: Mecum, felicia, clamo,
 Omina, Graeflandi, sint, precor, ista tibi:
 Saepe cadunt etenim nostri in contraria somni,
 Visaque laticiam tristitia ferre solent.
 Saepe etiam in somnis tecum loquor; ipse videris
 Alternis gaudens reddere verba sonis.
 Nec soliti lusus defunt, nec fabula grata,
 Ac sale conspersi, sed sine felle, joci.
 Omine lactatus confurgo: nec mora, Jano,
 Haec quoque sint, dico, prospera signa meo.

Non etenim semper fallunt praesagia noctis;
 Saepè sed eventus illa habuere suos.
 Ast bene succedit. nostro, puto, Phoebus amori
 Consulit, & vacuas noluit esse preces.
 Jamque ferunt gratum medicamina docta levamen,
 Herbaque speratam jam quoque praestat opem.
 Jam minus exurit sicco febris igne medullas,
 Jamque vices variat, jam furor omnis abit.
 Diffugiunt omnes, febri fugiente, dolores,
 Et dant lactitiae cura metusque locum.
 Jam vigor & veteres redeunt in corpora vires,
 Nascitur & rursus vivus in ore color.
 Sed, mihi quod superest, communia gaudia, Jane;
 Ut carpam, Phoebæ nunc sua dona feram.

ELEGIA VI.

AD FRATREM

JAC. PHIL. D'ORVILLE,

In Britanniam proficiscentem.

Non satis est igitur, quod te tua Leida frequenter
 Eripiat nobis, detineatque diu:
 Nec nisi jam toto venias huc rarus in anno,
 Nec nisi per paucos conspiciare dies.
 Ibis enim, atque alibi, nunc certe debita nobis,
 Tempora traduces, & procul orbe tuo;

Vise-

Vifere femotos trans coerulea longa Britannos
Certus, & ancipites follicitare vias.
Nec te cura tuae patriae noſtrique moratur,
Nec male ſecuris aequora aranda vadis.
At mihi, nescio quae, ſingebam gaudia demens,
Gaudia per celeres diripienda Notos.
Et mihi dicebam: Jam Leidae rurfus ab oris
Noſtra aderit Frater gloria, noſter amor;
Speratoſque diu vultus ſpectare licbit,
Delitiisſque meis, illius ore, frui.
Nec properata nimis rumpet via gaudia rurfus:
Implebit juſtam temporis ille moram.
Serus Leidanas iterum contendet Athenas,
Ut reddat ſtudiis ſe, velut ante, ſuis.
Et modo complexus animo meditabar amicos;
Et modo dilectis oſcula danda genis;
Et modo, quae facerem, dulciſſima verba parabam;
Fetiivoſque inter Bacchica dona jocos.
Talia, me miſerum! ſed non ventura, fovebam;
Nutribamque meo vota caduca ſinu.
Ah! quoties blandis hortabar tempora dictis!
Ah! quoties Phoebi ſtare querebar equos!
At tibi nunc quoties ventosque undasque timebo!
Tuque mihi trepidi cauſſa pavoris eris!
I tamen, I felix, quoniam tam certus abire es:
Nullaque perturbet foeda volucris iter.
Corvus ab aurora fauſtum tibi concinat omen.
Colluſtrent placidum ſidera dextra polum.
Dum curras, Eurus ſpiret tibi ſolus in alto:
Hic agat ad portus coerulea prona ſuos:

Impleat hic modico turgentia carbasa vento.
Cetera turba suo carcere clausa fremat.
Hoc jubeas, oro, vinclis qui flamina fraenas,
Imperioque domas, Aeole magne, tuo.
Tuque adeo, Theti glauca, fave, cursumque secunda.
Quoque magis faveas, est pia causa viae.
Nam neque vanus amor rerum, stultusque, novarum
Impulit, aut illic desidiosus aget:
Nec foedi quaestus scelerata mente petuntur:
Deserit aut patriam transfuga turpis humum.
Ibit, ut invisat, quibus ora Britannia superbit,
Non leviter claros Palladis arte viros;
Lustret &, antiqui decus ostentantia secli,
Tot Latiac, Grajac tot monimenta rei;
Et quae praeterea studiis sunt apta juvandis,
Atque animum possint excoluisse suum.
Est & Frater ibi, multis haud visus in annis.
Hic quoque non cursus ultima causa fuit.
Et quis non, blandis fratrem circumdet ut ulnis,
Sponte velit terrae ferre marisque mala?
O quam, si liceat, pinum conscendere eandem
Nunc possem, dubias nec timuisse vias;
Et tecum cari Fratris complexibus iisdem
Haerere, inque vicem basia ferre pia.
Haec olim nobis. at te jam nil moror ultra.
Propositaque imple coepta decora viae.
Hunc, Neptune, precor, pacatum mitte per aequor;
Sic tinguat madidam bos tibi multus humum:
Dimidiumque animae conserva mitis in illo,
Inque uno fratres perdere parce duos.

Et

Et tibi, si pereat, procul absint omina verbis,
Dedecus aeternum, nec leve crimen erit.
At si servaris, pariter quod Delius ipse,
Et pro vate suo Calliopea rogat,
Servatus, Neptune, tibi sua munera solvet,
Proque tuo ductu non male gratus erit;
Picriaque lyra vocalia carmina reddet;
Parcus & in laudes non erit ille tuas.
Ipse ego, si quid id est, suspendam rite tabellam;
Quae referat memori talia dicta nota:
PRO VITA DUBIIS SERVATA FRATRIS AB UNDIS;
HAEC PETRUS AEQUOREO DEBITA DONA DEO.
Tu modo servando, quoniam nec iniqua rogaris,
Pande piis titulis, carminibusque viam.

ELEGIA VII.

IN NUPTIIS

JACOBI TIEWELEN & JOANNAE
ELISABETHAE van der HAGEN.

Qualis ab undoso servatus navita ponto,
Qui patrios portus sospite puppe subit,
Gestibus & lacto prodens sua gaudia vultu,
Exsolvit reduci debita vota Jovi.
Aut qualis sol, coeruleis cum nubibus exit,
De puro spargit pulcrius orbe jubar.

Talis, post gemitus lamentaque pulsa, refulges
Lactitiam fassis, Sponse beate, genis.
Et frustra celare sinu tua gaudia tentes:
Si cupias, nequeunt gaudia magna regi.
Quin voti damnatus ovas; quo nil tibi majus
Miserit aetherea Jupiter ipse domo.
Namque haec illa dies, qua, fortunate Jacobe,
Fulcra tui scandet cara Joanna tori.
Cara Joanna; Joanna tuis dignissima curis:
Unica fax animi cara Joanna tui.
Seu faciem spectes, deceat Cythereïda qualis;
Judicium Paridis sit subitura licet:
Seu nivei rapiant casto sub pectore mores,
Vix novere quibus secula prisca pares.
O ter felicem, cui contigit ista bonorum
Turba, comas myrto dum ligat aequus Amor.
Fallimur! an nitido descendere gaudet Olympo
Casta Venus, Charitum consociata choro:
Ambrosiosque almo spirans de vertice odores,
Deque rosis sternit, de violisque, torum!
Sic est. Pulcer Hymen genialia lumina quassat,
Ipsaque adest lactis pronuba Juno sacris.
Hinc tibi praedico, neque ero tibi vanus aruspex;
Conjugium felix, nec sine prole torum.
Hoc tuus ipse Pater probat, hoc Materque Sororque
Jure tuae; & plausus & bona verba ferunt.
Hoc Sponsae Genitor, quem Christi oracla docentem
Deperit urbs omnis, depereatque diu:
Hoc Soror; hoc Frater, docti vestigia patris
Qui non disparibus passibus usque premat.

At

At vos jam cupidi, quid enim cessatis! amantes
Tendite, Amor quo vos, quo vocat almus Hymen.

ELEGIA VIII.

Praestantissimo & Nobilissimo Juveni,

JANO GRAEFLANDIO,

Cum summos in utroque jure honores consequeretur.

EN tibi, Graeclandi, toties optata, refulget,
Quaque sinat Livor, candida tota, dies.
At neque tu vitam potuisti ducere inertem,
Desidiaque piger praemia vana sequi.
Nec Livor tantis animi virtutibus unquam,
Dotibus aut raris non comes ire valet.
Nunc etiam magis ille fremat; tibi, Jane, parari
Promeritis summis praemia digna videns.
Nam Themis ipsa, tui quam non latuere labores;
Et vigiles noctes, assiduique dies,
Quaeque animo penitus sedit pulcerrima virtus,
Et niveus candor, justitiaeque sitis;
Ipsa Themis rutilo delabitur, adspice, coelo,
Inque manu palmam, fertaque grata gerit;
Quis te, quem mystas inter dignatur habere,
Muneret, & sacram cingat amica comam.

Huic se Pierides, huic se vocalis Apollo
Adjungunt comites, nec bona Pallas abest :
Teque suum decorant certatim quisquis alumnum ;
Hi laurus, oleae frondibus illa suae.
Tu modo delatos merito cape gratus honores,
Quaeque tibi dantur munera, dignus habe.
Hoc etenim, ah ! nimium properata morte peremti,
Magnanimi poscunt ossa verenda Patris :
Ossa Patris poscunt, Tyrio quem murice tectum
Amstelii fasces non decuere semel :
Quo raptο populus flevit, flevitque senatus,
Quorum pars ingens, dum fuit, ipse fuit.
Hoc Fratres, titulis jam pars & honoribus aucta
Unde nitet, proles digna parente suo ;
Dilectaeque pia poscunt cum Matre Sorores :
Ac decus, & stirpis gloria magna tuae. .
Hoc, quorum tu saepe salus columenque futurus,
Et viduae sperant, sollicitique rei.
Hoc focii, modo si quid id est, & turba tuorum
Omnis amicorum te simul ore rogant.
Non tamen haec moneo, veluti dubitabilis in te
Sit virtus, stimulis indigeasque meis.
At, quamvis opus est tibi, Jane, hortamine nullo,
Saepe licet celeri subdere calcar equo.
Ergo age, coepisti qualis, gnavissime, perge,
Neve operis primo limine siste gradum.
Sic Themis aqua tuis semper conatibus adsit :
Sic, bene quem tuleris, & bene cedat honor :
Sic partum modo, Jane, novum decus usque sequatur :
Sic celebrent nomen secula cuncta tuum.

E L E-

ELEGIA IX.

AD FRATREM

JAC. PHIL. D'ORVILLE.

AT melius jubeam Parnassia sacra valere;
 Et studia, atque artes, docta Minerva, tuas:
 Majugenaque sequar totus jam fordida castra,
 Suevit ubi miseras quaerere avarus opes:
 Ne mihi sit pravos toties audire susurros,
 Stultitiae peragor quis ego turpe reus.
 Ne toties clament: Res desine, desine vanas;
 Nil profecturi pone laboris opus.
 Quo tibi enim veterum pervolvere scripta virorum?
 Quo tibi, quid doceant ille vel ille sophus?
 Quid Latiam prodest, Grajam quid discere linguam,
 Dumque bene ediscas, tempora cara teri?
 His etiamne potes census augere paternos
 Artibus? his fundos amplificare tuos?
 Congestoque auri late rutilantis acervo
 Praeclarus populi vivere in ore tui?
 Falleris; his nulli tibi conciliantur honores.
 Falleris; his nullas, stulte, parabis opes.
 Tu Janum celebrare, citas numerare Kalendas;
 Foenore tu nummos discere locare tuos.
 Hoc etiam studium est. ea poscit cura laborem;
 At non qui careat fructibus ipse suis.
 Fertilis hic ager est; cum foenore credita reddit.
 Solus, si sapias, ille colendus crit.

Er-

Ergo ego, cum toto Musis Helicone relictis,
Non nisi sollicitas quaerere cogar opes?
Inter ephemeridas semper tabulasque morabor,
Haeque mihi noctes, eripientque dies?
Nec posthac doctas visam Tritonidos arces?
Nec posthac bifidum, cantor Apollo, jugum?
Dii melius! nec sint unquam mala murmura tanti,
Ut Musae dicam; Tempus in omne vale.
Sed, quamvis nobis Cyllenia castra terantur,
Et sequar innocuas pectore purus opes,
Non ideo, Jove Nata, tuas tibi turpiter horas,
Aut ferar Aonisin praeripuisse suas.
Nam juvat, &, fallunt nisi me mea vota, juvabit
Semper, Palladiis invigilare sacris.
At ter felices, me iudice, terque beati,
Et quoties non est dinumerare mihi,
Quis liceat placide, procul a clamoribus istis,
Artibus ingenuis tempora cuncta dare.
Et modo in Ausoniis doctrinam quaerere chartis,
Et modo reliquiis, Cecropi terra, tuis.
Vos igitur rerum causas didicisse latentes,
Ac varios motus, ingeniumque juvat.
Quid faciat campos, faciat revirescere silvas;
Cur haec herba ferat, cur fuget illa necem:
Cur mare cum socia inferius tellure refedit,
Adpetiit summum cum levis aethra locum:
Unde graves tonitrus, comitataque fulmina nimbis:
Flamina quid: terrae qui sit & unde tremor:
Volvitur astrifero si sol contrarius axi:
Quid variet vultus, candida luna, tuos.

Quas-

Quasque alias rerum species natura ministrat,
Nomina vel quarum noscere nuda labor.
Aut vobis latam curae est percurrere terram,
Sol cadit aequoreis, quaque refurgit, aquis.
Quae freta, qui positus illic spatiumque locorum,
Qui fluvii & montes multiplicesque viae.
Quot gentes habitant variae: quot regna, quot urbes,
Seu superant, seu jam deperiere mora,
Nec minus & prisca ritus evolvitis aevi,
Et casus veterum, fortiaque acta virum.
Seu lubet ad faciles animo devertere curas,
Et vacuum studio pectus habere gravi:
Nunc vos delectant Demosthenis ora disertae,
Ora vel Hyblaeo dulcia melle magis:
Nunc, toties quo Roma fuit stupefacta tonante,
Detinet eloquii Tullius ille decus.
Nunc docti vobis vates, gens dia, leguntur;
Threiciusque Orpheus, Maconiusque senex:
Et cum quo, pecudes pascente in vallibus Aescrae,
Est dignata suo Pieris ore loqui;
Cui sacrae viridem laurus decerpere rimum,
Et cum praeteritis scire futura dedit.
Vel duce quo segetes melius crevere Latinae,
Troiaque Hesperiiis sacra recepta focis.
Perpetuove canens mutatas Naso figuras
Carminum, Cecropiis nil minor ipse viris.
Ipsi nunc aliquid Musis & Apolline dignum
Conditis, a docto quod queat ore legi.
Haec & plura etiam fas est contingere vobis.
Invida sed fatis quae querat astra meis?

At

At quoties sperata tamen mihi copia detur,
 Pegasidum lactus limina sacra petam.
 Vos, precor, o tantum placidas praebete canenti,
 Quae colitis Pindi culmina celsa, Deae:
 Et date carminibus curam lenire forenssem,
 Aut si quid duri tristior hora ferat.
 Improba despiciam laevae sic murmura famae,
 Judice quum populo stultus inersque vocor.
 Stultus inersque vocer, populo sed iudice stulto,
 Et si cui crasso pectora ficta luto.
 At vos, Picrias quibus est accedere laurus
 Semper, & Aonio fonte levare sitim,
 Me finite ad vestram faciles adiisse coronam,
 Palladiosque viros inter habere locum.
 Tuque agedum, firma, rerum carissime, Frater,
 Cui spretis opibus sola Minerva placet,
 Ne nos abripiat lucri malefuada cupido,
 Exemplo & monitis mollia corda tuis.

E L E G I A X.

Reverendo Eruditissimoque Viro

THEODORO HOOGENBERG,

Quum Ecclesiae Zeistensis pastor electus esset.


MUſarum praedulcis amor, Phoebique voluptas,
 Raraque Palladii laus, Theodore, chori:

Gra-

Gratulor eventus tibi vota tulisse cupitos;
 Gratulor ingenio parta theatra tuo:
 Pastorisque datam fidi, pia munera, sortem,
 Tollit ubi in coelum nobile Zeiſta caput.
 Maſte novis animis: vocat huc te Chriſtus, & iſtud
 Mando meum curae, dixit, ovile tuae.
 Felicem turbam! quae te, Theodore, docente
 Altiſoni diſcet jura verenda Dei.
 Sive ſacras leges, ſive huic oracula pandas,
 Numine contacti quae cecinere viri.
 Quid! quum vindictamque Dei, mortemque paratam
 Peccatis doceas, Tartareoſque lacus!
 Quid! quum lenitas iras, vitamque receptam,
 Et partum, Chriſti dante cruore, polum!
 Poſtquam amor ille patris ſuperi, pro ſontibus inſons,
 E cruce devota crimina noſtra luit;
 Jam probra, jam prius heu! ſervilia verbera paſſus;
 Rex licet ille, Deo natus, & ipſe Deus.
 Tunc, ſimulac moreſque malos & crimina dira
 Corripis, admiſſi me piget uſque mei.
 Tunc ſimulac ſanctae collaudas praemia vitae,
 Nil aeque in terris ac juvat eſſe pium.
 At quos non madidos oculosque ſinusque notavi;
 Te lacrimas verbis eliciente tuis!
 Scilicet haec vis illa, tuaeque potentia ſuadac eſt.
 Hac mollis animos, hac fera corda domas.
 Maſculaque huic pietas, & juncta modeſtia morum,
 Qui caſtis monitis convenienter eunt.
 Plurane ſubjiciam, quĩs tu laudabilis exiſtas?
 Me tuus at prohibet plura referre pudor.

Nem-

Nempe vetas fieri praeconia, sint tibi quamvis
 Debita. virtutes deprimis ipse tuas.
 At fineres: tum quo decet ore sonare juvaret
 Et genii dotes & bona magna tui:
 Et vigiles curas, indefessumque vigorem;
 Cumque his doctrinae nobilioris opes.
 Carmina laudarem Musis & Apolline digna,
 Seu Batavam pulsas, Ausoniamve lyram.
 Multaque, quae taciti tibi nunc gratamur; id unum
 Nam certe nobis non vetuisse potes.
 Quin ita tu pergas. Sic votis omnia cedant,
 Teque ultra semper provechat ipse Deus.



PETRI

PETRI D'ORVILLE
ELEGIARUM
LIBERTERTIUS.

ELEGIA I.

LAUS HIEMIS.

ET quisquam, ut pigrae, faciat convicia Brumae,
Frondeb & tristem, graminibusque, vocet?
Nec nisi damnosam pecori remeare, virisque;
Adventuque putet laedere cuncta suo?
Atque adeo vellet, toto rarissima in aevo,
Illius, aut nullo tempore, regna forent?
Fallitur ah! nescitque Deos mala quanta precetur;
Quanta per haec nescit vota pericla petat.
Abstineat, moneo, tam pravis vocibus uti;
Atque Hiemis discat commoda magna pati.
Nam neque, quod silvas foliis, quod gramine campos
Nudat, & hoc nullus tempore flavet ager,
Nullaque foecundos spectas curvantia ramos
Pondere poma suo, debuit esse nocens.
Hoc nisi enim faciat, jam rustice, pone ligones,
Cum rigido falces vomere pone suas.
Nec frustra valido tentes proscindere aratro,
Pectinis & raro verrere dente solum;

D

Nec

Nec frustra vācuo jubeas cessare novali,
Postmodo quod duplici foenore reddat ager;
Nec frustra arboribus nimias perstrinxeris umbras,
Exiguo ut damno commoda magna ferant.
Jam tibi, jam nullis marcebunt inessibus arva,
Ac sterilis nullis frugibus arbor erit.
Omnia, foeta prius, miraberis arida facta;
Omnia continuo victa labore mori.
At fractas reparat vires, gratasque quietis
Praebet Hiems agris, arboribusque, vices.
Sic solitas partes si somnus obire negarit,
Heu! de tot populis quam modo nullus erit!
Hoc sine, corporibus frustra damus otia fessis,
Ponimus & molli membra levanda toro:
Hoc sine, vita modo non est durabilis ullo;
Deficit, &, somno non renovante, perit.
Atque ita quas somnus partes mortalibus aegris
Praestat; eas plantis, Brumaque praestat agris.
Neve suos ventos illi, sua frigora culpae
Verteris, immixtam grandinibusve nivem.
Singula nam, volumus nisi si manifesta negare;
Multiplici terras utilitate juvant.
Frigora, quis nescit, vitiatas aetheris auras
Purgant, & flatus, Eure serene, tui.
Frigore, ne foetus, surgunt quo tempore, rodant,
Intereunt mures & genus omne nocens.
At ne, dum nimium est, teneram quoque laedere possit
Frigus humum; munus nix subit alta suum.
Hacque tegente manent terrae sola tuta, frutexque
Despicit horrendi vimque minasque gelu.

Quin

Quin etiam frigus, ne spes sit vana coloni,
Et foetus validos, pomaque firma facit.
Hinc videas, quoties nimium sua frigora Bruma
Temperat, & nimium mollia regna gerit;
Ut vix poma queant post ulli obfistere noxae,
Quamlibet & minimo frigore tacta cadant.
Nec satis est Brumae, quamvis satis esse liceret,
Curriculo secum tot bona ferre suo;
Ni quoque distribuatur totum nova dona per annum,
Sentiat auxilium tempus & omne suum.
Illa, quod aestivos possis tolerare calores:
Quod non deficias ignibus, illa facit.
Neque sine frigoribus tellus habitabilis esset;
Et nihil ex omni, quidquid ubique, foret.
Fac tamen haec toto tempestas exulet anno,
Cum ventisque suis, frigoribusque suis.
Nunc tibi jucundi quam longe tempora veris?
Nunc caput autumnus palmitibus cinctus ubi est?
Omnia erunt Aestas, urentes omnia soles:
Veris & Autumnus non locus ullus erit.
Utraque frigoribus debent sua tempora; Brumae
Muneribus veniunt utraque grata suae.
Neve tamen credas horum modo damna venire
Flenda tibi. majus, quod querar, ecce, malum est.
Me miserum! incumbet quam terris agmine pleno
Horrida morborum, nec remoranda, cohors!
Nam nimis postquam flammis exarserit aër,
Concipit ignito mille venena sinu:
Hinc mox innumeris temeratas pestibus auras
Naribus incautis heu! sibi quisque trahit.

Heu! sibi quisque trahit, mortique arentia pandit
Guttur a sponte sua: namque edit ossa vapor.
Cernere jam videor passim pecudesque virosque,
Consumptos misera corpora tabe, mori.
Nec quidquam succique juvant herbaeque medentes:
Ipsa jacet nimis ars superata malis.
Vixque Charon solus numerosas trajicit umbras,
Vixque gregi tanto sufficit una ratis.
Flumina perpetuis decrescent omnia flammis,
Jamque brevi siccus tempore campus erunt.
Rhenus & Eridanus, cumque Indo Nilus & Ister,
Absumtasque gemet Naias omnis aquas.
Aequoris ipse Deus, fatis concessa, dolebit
Imperii fieri sceptrum minora sui.
Addideris, gremio quae commoda plura benigno,
Duram hominum sortem commiserata, ferat.
Nunc pariter Risus, pariter venere Lepores,
Non aliis natus temporibusque Jocus.
Scilicet ad structos ignes coëre, rudesque
Primum homines latebras deferuere suas.
Illic coeperunt rabidos deponere mores,
Exuere & mentes asperitate fera.
Illic coeperunt sociis sermonibus uti,
Illic communi consuluisse bono.
Quale sodalitiis, quale esset nomen amoris,
Rumor ad accensos fert patuisse focos.
Nec non cana Fides, nec non & foedera sancta
Sunt illo primum, crede, reperta loco.
Pax quoque, qua terris nihil est jucundius usquam,
Illic cultores coepit habere suos.

Nam

Nam saevam rabiem, pacisque obstantia bella
Artibus, e regno jussit abesse suo.
Tunc neque fatifero Mavors stat torvus in ense,
Cogitat Idalio sed nova furta toro.
Tunc neque terribilis circumdat moenia miles,
Ferratosque globos machina saeva rotat.
Tunc nullos audis campo lituosve, tubasve,
Nec strictas acies nec fera castra vides.
Tunc metus omnis abest: tunc, si quae forte relictæ,
Divitias tutas, parce colone, tenes.
Tunc mediis requies sentitur pacis in armis,
Hostis & ipse suo tutus ab hoste manet.
Cum terris pax astra tenet: mortalia corda
Horrissoni turbant murmura nulla poli.
Flammea non rutilo geminantur fulgura coelo:
Non feriunt miseras fulmina missa domos.
Tunc tumidas paullum deponere Jupiter iras,
Et cum coelicolis gaudet inire dapes.
Tempora quid referam placidi jam tuta soporis,
Nec per praecipites somnia rupta dies?
Nunc fera invisos Tithonia surgit ad axes,
Et vocat ad soliti fera laboris onus.
Hoc gaudes, opera fossor confecte diurna,
Et manibus parcas qui tibi quaeris opes.
Hoc gaudes, quicumque tua vir junctæ puella,
Ac quaecumque tuo junctæ puella viro.
Hoc gaudes, odioque tibi, tua munera, lux est,
Phoebe, sinu quoties te tenet uda Thetis.
Nunc te crediderim Brumas optare perennes,
Continuasque nives, continuumque gelu.

D 3

Nec

Nec magis est aptum, quis credat! tempus amori:
Ad Pueri faciunt frigora dura faces.
O quoties alicui, glacie dum currit in ipsa,
Argentes artus urere coepit amor.
Ille ignes mirans subitos, putat esse citati
Corporis, aut Brumae deficientis opus.
Et se, nescio cui, jactare incepit amicae,
Ac meliore suos arte movere pedes.
Inde domum repetens tandem sua vulnera sensit,
Et doluit Paphia frigora victa face.
Quid nunc ad vigiles convivium lacta lucernas?
Quid narrem placitas nocte juvante dapes?
Quid focus assiduo, memorem, dum frigora vincit
Igne, patris Bromii pocula grata magis.
Quis curas illic animo non ponit amaras,
Pectore nec toto gaudia plena capit?
Quis non ad strepitum illic vocisque lyraeque
Festivis gestit se recreare choris?
Nunc iterum, aestivi cessant quae mensibus anni,
Plausibus effusis festa theatra sonant.
Nunc celebres adeunt & mas & foemina ludos,
Atque oculi rursus, quo teneantur, habent.
Haec & plura tibi non parce Bruma ministrat;
Et partem utilitas deliciaeque tenent.
His tamen auditis numquid mens mansit iniqua,
Quisquis es, ut nolis absoluisse ream?
Quin Phalarin credam, quamvis rigidumque trucemque,
Quin, Busrin, tuas frangere posse minas.
At, puto, jam parces, si non es durior illis,
Criminis infontem commaculasse nota.

Sic

Sic gelidos semper ventos, sic frigora grata
Icarii possis fidere habere canis.
Sic quoties veniat, veniat tibi Bruma benigna,
Et felix agris, arboribusque tuis.

ELEGIA II.

FRATRI DILECTISSIMO

JAC. PHIL. D'ORVILLE,

Quum Juris utriusque Doctor crearetur.

O salve Themidi, Frater, novus addite mysta;
O amor, o animae pars pretiosa meae!
Nunc mihi Pegaseo cuperem de fonte liquores,
Nunc venam facilem, consimilemque tuae!
Ut me jucundo comitari haec gaudia plectro
Juverit, huncque tuum concelebrare diem!
Ille dies tuus est: Themidis quo rite refulges
Inter sacratos, jam sacer ipse, choros.
Ille dies tuus est: & voce & carmine dignus,
Festivaque cani, sed meliore, lyra.
At me nec placido nascentem lumine vidit
Melpomene, cunas ducere iussa meas:
Nec dedit e viridi sceptrum mihi nobile lauru,
Carminave edocuit vallibus, Aspera, tuis.
Haec tua fortuna est: mihi non nisi paupere vena
Languida proveniunt carmina, si qua tamen.

D 4

Quid

Quid faciam? tacuisse quidem mihi prima voluntas;
Sed fraternus amor, sed pia jura vetant.
Quidquid erunt igitur, non aegre haec munera nostra,
Versiculos tenues, suscipe; quidquid erunt.
Carmina delatos Fratri gratantia honores,
Et meritas palmas, egregiumque decus:
Carmina sinceri testantia foedus amoris,
Pignoraque ingenii, carmina, certa pii.
Quid tamen hic referam virtutes pectoris altas,
Atque animi dotes, & bona magna, tui?
Haec alii: haec referat doctrinae pulcra cupido,
Inque bonas artes non satiandus amor:
Quique die, & multa vigilati nocte labores;
Nec merita e lauru sola corona tibi.
Nam quamvis alii possit satis esse videri,
Et, si vera loquar, possit id esse satis,
Non humiles versus, at nobile fundere carmen,
Et meruisse suis Delia fecta comis:
Tu tamen, haud uno quidquam contemptus honore,
Innectis crines duplici fronde tuos.
Hinc Phoebea tibi laurus non sola placebat,
Adjiceret palmam ni Themis ipsa suam.
Maeste animo, maeste, o Frater, virtutibus istis!
Scena tui dotes pectoris ampla manet.
Seu libet intrepida viduas defendere lingua,
Pro causa infantum justa vel arma paras:
Seu rigidis scelerum verbis urgere ministros,
Seu blando miseros ore levare reos:
Sive operam, & vigiles patriae impendisse labores
Mens tibi, si quando publica cura vocat.

At

At vos, si sapitis, miseri viduaeque, reique,
 Orbatus gemino quique parente doles,
 Huic agite, huic vestros tuto committite casus,
 Juraque in ambiguo vestra tenere foro.
 Non est, qui causas ignava prodere voce,
 Flectere vel pravo jura favore velit.
 Non hoc promittit pietas, non ardor honesti;
 Non hoc mens, puro candida lacte magis:
 Gnavaque sedulitas, studiumque insigne sciendi,
 Atque indefessi pectoris ille vigor.
 Ominor en. Nec avis certe hoc mihi praescia dixit:
 Est ratio volucrum pennaque voxque mihi.
 Ominor en. Campo tibi quae, jam magna, sub imo
 Gloria consurgit, postmodo major erit.
 Major erit certe, veniat modo serior aetas,
 Nominaque in terris non moritura dabit.

ELEGIA III.

GRATULATIO

Ad Cl. Virum

DAVIDEM HOOGSTRATANUM.

AUrta si Superos mortalibus otia solos
 Credimus, & tantum suppeditare bonum;
 Praesentem quis non habeat te, Pollio, Divum,
 Quo capit haec vates commoda dante tuus?

D 5

Com-

Commoda, si gemmas; quibus haud potiora dedisses.

Usque adeo Clariis otia grata viris.

Nec mirum. ferimus nam quorum sacra Poëtae,

Otia Pierides, otia Phoebus amant.

Otia quae vaturn mentes coelestibus aptant

Motibus, Aonio corda agitante Deo.

Inde Deo pleni jam non humana loquuntur,

- Ac, licet ore suo, non sua verba canunt.

Sive aliquem aeterna donant per carmina fama,

Lethaeisque cavent mergere nomen aquis:

Sive aliquem mensis faciunt accumbere Divum,

Plena ubi nectareo pocula rore fluunt.

Quid? non his ducibus perrupit Tartara virtus

Herculis? his patrii scandit in astra poli?

Quid? non & quondam coelestia tecta petenti

Hi junxere tibi, Romule, Martis equos.

Quin hos credibile est tigres domuisse feroces,

Bacche, tibi, fugeres ut Phlegethontis aquas.

Nec Pollux aliter cum Castore in aethera vecti,

Nunc dubiis nautis fidera dextra micant.

Non aliter pius Aeneas, in sede receptus

Aetherea, pretium pro pietate tulit.

Quosque referre mora est: celebrat sed nomina tellus,

Ingentesque animas celsus Olympus habet.

Felices! quibus extensa per secula fama

Sacra poetarum vivere lingua dabit.

Sic quoque tu vives, mea nec praefagia fallent;

Sic vives vatis, Pollio, voce tui.

Pollio, non illo, qui nomine dictus eodem;

Nunc etiam Latiae lausque decusque togae,

Pol-

Pollio, Romani mensuram consulis implens,
Hunc licet Andinus concelebrarit olor.
Nam bene facta tuus tanto canet ore poeta,
Ut sibi testis Iber, testis & Indus eat:
Et cum finitimis alio sub sole jacentes
Municipia tollant laude sub astra manum:
Urbis & Amsteliae dum terras fama replebit,
Dum pater Ya suas in mare volvet aquas,
Te Maecenatem noscat, patriaeque parentem,
Ac crebros fasces postera turba legat.
Multaque praeterea, tenui non carmine nobis
Dicenda, aut levibus contemneranda sonis.
Te vero ante alios, o Hoogstratane, beatum,
Haec cui contigerit, consule dante, quies!
In studiis tibi enim, quae maxima vota, licebit
Posthac integros composuisse dies,
Castaliae quantumque libet sub stagna morari,
Deliciisque tuis, monte Helicone, frui.
Ver ubi perpetuum bene olenti gramine campos
Vestit, & innumeris floribus ornat humum.
Laurea silva nemus fragrantibus efficit umbris:
Myrtus Acidaliae vernat amica Deae.
Frigus abest; placidi nisi quod facit aura Favonii:
Sideris Icarii nec tamen ardor adest.
Innumerae volucres per ramos dulces queruntur:
Sola sed Ismarium non gemit ales Ityn:
At centum pluresque sonant citharacque lyraeque;
Semper & Arcadio buxus amata Deo:
Laetaque Permessi, Phoebus ducente, caterva
Exercent faciles per nova prata choros;

Dum-

Dumque choros celebrant, & vocibus aëra mulcent,
Exulat e toto cura maligna loco.

Nimirum haec inter tu tempora nobilis otii
Nunc condes, festos semper agesque dies.

Et modo Pierii cantus auditor in antro
Ad caput undantis lene jacebis aquae:

Et modo non humili plectro meditabere magni
Consulis, ut fas est, ipse perenne decus.

Hoc fremat, & nolit quisquis sit Zoilus iste,
Qui mala perpetuo pectora felle madet.

At non is nolit, cui res se consule digna
Visa est, Palladium demeruisse virum.

Se Maro, se Flaccus jaçtent licet, ille superbus
Maecenate suo, Caesare at ille suo;

Non est invidas, o fortunate, quod illis,
Maecenas quamquam nec tibi Caesar adest;

Ille tuus sed adest magnum tibi Pollio numen,
Ille tibi amborum scilicet instar habet.

O quoties, dicens, Deus haec Deus otia fecit,
Illi libabis pocula plena mero.

Nec tibi parva dedit; nec, si vis plura, negabit.
Non tua plura tamen mens bene grata rogat.

Sed tamen iste dies illuxerit, auguror, olim,
Nil exoptanti quo tibi plura dabit.

Sic faveat meritis venturum laudibus aevum
Consulis, ac numeris, culte poëta, tuis.

ELEGIA IV.

V. C.

FRANCISCO OUDENDORPIO,

Scholarum apud Neomagenfes Rectori inaugurato.

O ita fim felix; ita vatibus haufte vetuftis
 Reftinguat noftram Pegafis unda fitim!
 Atque ita, per multum quae condo operofa laborem,
 Carmina cum Phoebos Mufa perire vetent!
 Ut toto tibi corde novos gratamur honores:
 Ut tua funt magna gaudia parte mea.
 Nec magis exilui privis fuccelfibus olim,
 Quam cum fama tui venit, Amice, boni.
 Nec mora: mente pia, quoniam non voce licebat,
 Fafta procul pofito candida vota tibi:
 Auguriumque ferens, ratione monente, futuri,
 Ad majus, dixi, fit gradus ifte decus.
 Atque iterans mox omen idem, fac Jupiter, oro,
 Eventus habeant omina noftra fuos.
 Sic ftudiis explere piis conabar amorem,
 Quum fubitus crevit per mea corda calor.
 Ac facrum ratus ardorem, feu Delius hujus,
 Numen amicitiae feu magis auctor erat:
 Quin age, quid, dixi, nunc carmina noftra morantur?
 Haec citharam pofcit feftaque verba dies.
 Non hodie fuerint ignava filentia tanti,
 Aut fugiffe notas, improbe Mome, tuas,

Offi-

Officiis ut deesse piis, ut foedera longi
Sancta fodalitii non meminisse queam.
Seu furor est, dulcis furor hic, si poscat amicus,
Sive amor, experiar, quid mihi possit amor.
Quod si materiae tenuis sit spiritus impar:
Sufficiet vires numen utrumque novas.
At, Francisce, seges meritum densa tuorum
Orsurum laudes praepedit ipsa tuas.
Me, vocat hinc candor, qualem decet esse poetæ,
Qualis inest nivibus, quae cecidere recens:
Carminaque hinc prisca florem spirantia seculi,
Quum caput inferuit Musa Latina polo.
Quum dulces cecinere tenerrimus UMBER amores,
Ac lucere suum qui cupit usque focum.
Vexit ad Ausonios fines quum Dardana sacra
Per mare, per flammæ, per fera bella, MARO.
Quum palmam potuit Graecis rapuisse disertis
Ingenii Naso fertilitate sui.
Quid mirum? a teneris finxit te nempe poetam
Melpomene, sacris terque rigavit aquis.
Hinc quodcumque canis, Musae dictasse putantur,
Phocæicisve tibi Cynthius ipse jugis.
Nec mulcere sat est nostras concentibus aures:
Devincis meritis secula priora tuis.
Nam veterum chartis si quid librarius error,
Peccaritve dies, tollere cura tibi.
Hic tua se sollers industria prodit ubique,
Limaque iudicii cuncta scabrosa polit.
Ille, tuae famae primordia, Julius esto
Testis, ab obsequio qui sibi nomen habet.

Jam:

Jamque salutiferam suspirat, civica, dextram,
Qui canit Emathiis bella poeta jugis.
Utque juves per onus coepta modo muneris, orat.
Sic humeris fideat sarcina parva tuis.
Sic penetrare tibi Romana Minerva recludat:
Sic adytum referat Pallas Achiva sacrum.
Sic per te redeat labentum fama scholarum;
Quod debere tibi res Neomaga velit.
Quin animo, Lucane, licet, spes concipe laeto:
Non vati vates ipse negabit opem.
Jam tibi sanatis plagis, quae corpore toto
Mille sedent, veniet priscus in ora decor.
Quo feror? heu! medio cursu negat ire caballus:
Et procul a terris deserit aura ratem.
Da veniam, Franciscæ; vector nam plura referre,
Materiam vena deficiente suam.
Haec quoque parva libens socias cape munera dextrae:
Quamvis sint meritis illa minora tuis.

ELEGIA V.

A D

JANUM GRAEFLANDIUM.

O mihi pectoribus penitus, penitusque recepte,
O praesens juvenum, Jane, meumque decus.
Scilicet est aliquis teneros odisse poetas
Qui queat, & carmen dicat inertis opus!

Huncne

Huncne ego crediderim duris de cautibus ortum?
Huncne ego crudeles progenuisse feras?
Fallimur. immanis fuerit magis illius auctor.
Non satis est saxis, duritiaeque feris.
Mite vel ingenium his. testes Amphionis arces,
Testes Phoebea moenia ducta lyra.
Orphea, sunt testes, tigresque leaeque secutae
Sponte per umbrosi saxa fragosa jugi.
Ergo hunc Pegasidum numen geniale Sororum,
Nec valet illecebris tangere Apollo suis!
Nec quidquam vatis sanctumque & amabile nomen,
Ingenuaeque artes pectus agreste movent!
Artes, ipsa quibus stupuerunt Tartara quondam,
Ac stupuit Stygiae Rex ferus ipse domus:
Ternaue compressit latrantia Cerberus ora:
Eumenidum lacrimis dimaduere genae.
Talis erat Ciconum saevarum turba profana,
Quarum se monstrat Zoilus iste genus.
Talis erat, sacri quondam quum sanguine vatis
Non timuit dextras conscelerare suas.
Quum, cui cristati vel sustinuerunt dracones
Parcere, vel rabidae sustinuerunt ferae,
Humanac, humanas si quis putet esse vocandas,
Parcere, proh facinus! non potuere manus!
Flexisset tamen has, esset si auditus ab illis:
Obfuit ingenti buccina rauca sono;
Obfuit infano sublatus ad astra tumultu
Clamor, & horrenda tympana mixta tuba.
Illarum posses tamen excusare furorem;
Scilicet impulerat saevus ad arma dolor.

Quid

Quid moror hunc? at tu, melior cui risit Apollo,
Gracflandi, & pectus molle Thalia dedit,
Ecquid adhuc solito Musas dignaris amore,
Thespiadumque aras & sacra rite colis?
Ecquid Pieria meditari carmen in ulnbra,
Castaliique juvat te bibere amnis aquas?
An quoque jam dixti, penitus mutatus ab illo,
Aeternum Phoebæ Pierisfinque vale?
Forſan, neſcio quæ, capiunt te nomina rerum
Grandia, & eſt vatium gloria viſa levis.
Forte etiam ſterili voluiſti haud amplius arti,
Et male lucroſis invigilare ſacris.
Hei! tibi ſi ſtolidi temeraria murmura vulgi,
Hei! tibi ſi tanti livida turba fuit.
Quid vero queror hæc? quid inania crimina ſingo?
De firmæque libet quid dubitaſſe fide?
Non hoc illa facit virtus ſperare decora,
Non animi candor lacteus ille tui.
Melpomene neque enim naſcendi tempore fruſtra
Te gremio excepit, Jane venuſte, ſuo:
Sedit & ad cunas, ne quæ mala lingua nocere
Crefcenti poſſet, ſedula cura tuas:
Fruſtra nec frontem conſperſit baccare, fruſtra
Nec tenerum lauru cinxit Apollo caput.
Tu modo, qua procul eſ culpa, ut procul eſſe puteris,
Carmina ſis, oro, conſere ſæpe memor,
Carmina, ſincerae certiffima pignora mentis,
Carmina, quæ hæc ætas, quæque futura probet.

E

E L E-

ELEGIA VI.

Juveni Praestantissimo

GODARDO CROONENBERGIO,

Quum J. U. D. crearetur.

ITe leves elegi; timidumque fugate pudorem;
 Rusticitas illa est, non pudor; ite leves.
 Non est, quod dentis morsum timeatis iniqui;
 Neu subitum culpent unus & alter opus.
 Sint numeri, liceat, sicut sunt, non bene culti:
 Incultis veniam Zoilus ipse dabit.
 Ite igitur. nec enim vos ad certamina laudis
 Mitto, quibus fuerit succubuisse pudor.
 Sed nec Caucasas jubeo transcendere rupes,
 Bistonii nec vos ora subire ducis.
 Ibitis ad veterem, magis ut properetis, Amicum,
 Et via non longa est, & pia causa viae.
 Arcibus Amsteliis egressos vespere Leida
 Accipiet blando mane rubente sinu.
 Adde quod, Aonii veneratus numina montis,
 Carmen & artifices carminis ille colat.
 Nec mora; victorique novo, mystaeque recenti
 Dicite Godardo prospera verba meo.
 Et date laetitiae, gratantes inter amicos,
 Pignora festivis non dubitanda sonis.
 Ast alium dotes animi mentemque politam,
 Et finite emeritum commemorare decus.

Ne

Ne, vos dum facitis praeconia laudis, Amico
 Forte verecundus surgat in ora rubor.
 Astraca titulos gratari dante relatos
 Est satis. Obsequii vos ca summa manet.
 Quod facitis, tenue est; at praetermittere certe
 Non excusandi criminis instar habet.
 Pauca tamen vobis quoque par est addere vota.
 Ut, bene quod coepit carpere, pergat iter:
 Et sibi jam partos alii comitentur honores,
 Hosque aliquid semper, quo mereatur, agat.
 Ut miseros possit facunda voce levare,
 Et nomen Batavo grande referre foro.
 Quae, ne praecipites rapiantur vana per Austros,
 Ipsa Themis, triplex & rata Parca velint.

ELEGIA VII.

A D

FRANCISCUM OUDENDORPIUM,

Quum Harlemensium Scholarum Rector inauguraretur.

Mirabar, subito faceret quid prata virere,
 Omne quid alberet flore repente solum;
 Induceretque sibi properarum frondis honorem,
 Mocnibus Harlemiis gloria rara, Nemus:

E 2

Cur

Cur adeo volucrum resonaret cantibus aër,
His praecunte novos te, Philomela, modos:
Quid Satyri, Faunique, excercerentque choreas
Capripedes mixtis Panes Hamadryasin:
Ipse pater, multa stipatus Naide, Sparnus
In laetis iret laetior ipse vadis.
Sic, quando celsi nemorosa cacumina Pindi,
Aut Heliconae suum viscere Phoebus amat,
Et Ver, & Veris Zephyrus comes ante videntur
Ire, simul pingi flore recente viae:
Arboribusque novae frondes, nova gramina campis
Reddi, adventantis prospera signa Dei:
Ac pariter terras, pariter juvenescere coelum:
Quisquis cernit, Io Cynthis, clamat, ades.
Hoc erat. adventum vatis venerantia laetis
Omnia coeperunt luxuriare modis.
Fallor? an ipse, latus tibi claudere visus eunti,
Enthea qui vatum pectora, Phoebus, agit,
Harlemidum blandas tecum migravit in oras,
Adducens comites ex Helicone Deas.
Felices campi nimium, fontesque beati,
Silvaeque gramineos quae tegis alta toros!
Vos eritis jam mutato Parnasia Tempe
Nomine, Pegasei vos eritisque lacus.
Nec gelidas umbras, qualis modo, rauca cicada,
Nec, qui turbet, erit garrulus anser, aquas.
Dulcia sed liquido cantabit gutture vobis,
Qualia Phoebus amat, carmina blandus olor.
Qualia Wittiadene castae docuere Sorores
Dicentem vestrum, Sparne Nemusque, decus.

Qua-

Qualia dictavit tenero Cytherea Secundo,
Haganasque ulmos discere jussit Amor.
Seu non plebejis in lucida versibus astra
Mille voluptates, commoda vestra, feret:
Seu, quando testes miseri volet esse furoris,
Vobiscum & dominae de feritate queri,
Tullia, secretis Echo resonabit in antris,
Tullia, per spissas concinet aura comas.
Tullia dura, quid heu! spernis suspiria nostra,
Nec rigida molles accipis aure preces:
Tullia dura, tuusne tibi sine fine poëta
Vilis ero. ah! vita cara puella magis.
Inserere O utinam! valeas in pectora vultus,
Haecque oculis possent tota patere tuis:
Quam grave vulnus ibi, forsan miserata, videres,
Ossaue, depascit quae tuus unus amor!
Quam puras flammis! quales habet igneus aether.
Auguror: his fiam sed cinis ipse brevi.
Auguror: in cineremque abeo, mihi que ultima, sensi,
Hora instat. jam nunc, Tullia dura, vale.
Vos Zephyri ad dominam, per vos fata aspera testor,
Portate extremum, me pereunte, vale.
Ferreæ sit, tamen auctores mihi mortis iniquos
Damnabit fastus, sacvitiamque suam.
At prohibete nefas, amens quum forte dolore
In crines, miseras & volet ire genas.
Tantum det lacrimas; illae si extinguere possint,
Quae cineres perstat laedere flamma meos.
Quid quereris, Francisce, adeo? miserabile carmen
Desine. quin laetos concipe mente modos,

Tempus adest, tibi quum, scopulo modo surdior omni,
 Duritie posita Tullia mitis erit.
 Igne Cupidinea jam nunc glaciale liquefcit
 Pectus, ut a Phoebæ nix propiore solet.
 Jam vatis curare sui suspiria discit,
 Jam gemitus, lacrimas & numerare tuas.
 Oscula jam patitur carpi, jam, tempora parva
 Concedas, ultro porriget illa tibi;
 Ac, parili sociæ succensa cupidine vitæ,
 Ardebit casti foedus inire tori.
 Ne dubita. Haec claro monuit Venus ore locuta,
 Concussisque alis præbuit omen Amor.

ELEGIA VIII.

Juveni Nobilissimo

JACOBO GRAEFLANDIO,

Summos in utroque jure honores adipiscenti.

ET merito. Quid enim tibi non gratarer honores,
 Dum nectit capiti laurea ferta Themis?
 Serta Themis Lauri, lauri victricis Apollo
 Serta, triumphanti debita ferta tibi?
 Non ea amicitiae, Graeflandi, vincula nostrae,
 Non ita nos nudo nomine junxit amor:
 Ut queat indictum te mittere nostra Thalia,
 Carminaque ad festas dicere nulla dapes.

Non

Non tamen ulla meis tamquam si fama veniret
Versibus : est nostrae gratia parva lyrae.
Exigit hoc tecum non parvi temporis usus :
Exigit hoc Frater nec minus ille tuus.
Ille tuus ; cui me conjunctum gloriior annis
A teneris , una mente ligante duos.
Qui non me Pyladen , me compellare refugit
Saepe suum Euryalum , Pirithoumque suum.
Per quem vestra mihi patuit feliciter , illa
Fascibus & multo stemmate clara , domus.
Per quem , quod longos superi dent crescere in annos,
Non leviter tibi sum factus amicus ego.
Tu modo , tu tenuem non adversare Camenam ,
Officium citharae nec leve sperne meae.
Nam neque virtutes sublimi ad sidera versu ,
Ferre meum est , animi divitiasque tui ;
Et studium , & sera vigiles de nocte labores ,
Ac quidquid pulchrae nobile mentis opus.
Quod possim , mitto gratantia verba , Jacobe ,
Pauca tibi , & parvus munera parva fero.
Sic , ubi major abest placandis hostia divis ,
Pauperis ad faciles concidit agna focos.
Quin tamen hoc satis est parce audivisse volenti
Promeritos titulos , promeritumque decus :
Cui , non captanti praeconia , gloria abunde
Est animus laudis conscius ipse suae.
Quidquid id est igitur , placido , rogo , suscipe vultu .
Sic etiam numquam vana precere Deos.
Sic tibi conatus pulcros Themis alma secundet ;
Sisque decus patriae grande , tuaeque domus.

ELEGIA IX.

IN JULIAM.

Julia, spreta jaces, nec amantem forma decorque
Tangit, ut ante, tuum; Julia, spreta jaces.
Nunc frustra crines cura est componere; frustra
Inclusum vestis colligit arta latus;
Ac collum gemmis, auroque onerantur amictus;
Et teriti multus pendet ab aure lapis.
Nec prodest cantus pulcre didicisse canoros,
Brachiaque ad numeros apta movere suos:
Illi jam vocem surdas inflectis ad aures,
Jam periit motus gratia cuncta tui.
Si causam cupias mutati scire caloris,
Hoc dominae fastus, crede, dedere suae;
Illi non istam formam patiuntur amari;
Illi nunc facie plus valere bona.
At dum mitis eras, nec turgida corda gerebas,
Incultis poteras ipsa placere comis.
Nilque tuum auxiliis gemmarum corpus egebat.
Ornatus formae, mens bona, dives erat.
O bene quod casses fugit, quod vincula rupit,
Subduxit misero quod sua colla iugo!
Ah! quoties de te praeconia maxima fecit,
Carminaque in laudes condidit ille tuas.
Carmina, quae rapidus velit O! nunc dissipet **Eurus**,
Aut altis penitus deprimat acquor aquis.

Jam

Jam quoque quod placeas, quod te miretur ubique,
 Te suspiraret amans, munus id hujus habes.
 His tamen officiis fastus, ingrata, rependis?
 Ah! miser obsequio lædatur ille suo.
 At te poena manet. neque enim sua numina inulte
 Sperni Erycina sinunt, & ferus ille Puer.
 Præcipue fuerint quum læsi in vatibus illi,
 Acrior offensæ ira dat arma Deis.
 Tunc faciunt, oculo veniant modo nulla vibrante
 Spicula, vel nullo pondere missa cadant:
 Tunc faciunt, vultus mutetur, densque nigrescat,
 Et fugiat toto gratus ab ore color:
 Formosique fluant, nullo vellente, capilli;
 Ante tuos annos & videaris anus.
 Tum succedit amor, quali stimulantur equarum
 Pectora, quæ famæ nilque pudoris habent.
 I nunc, & speculi solitos ab imagine flatus
 Sume tibi, & miserum dotibus ure tuis.
 Quid petis amplexus spectati modo, Julia, amantis?
 Quo subito fastus nunc abiectus tui?
 Nilne pudet, genibus nil te procumbere flexis?
 Si nescis, supplex sic tibi sæpe fuit.
 Sic tibi sæpe fuit. Sed tunc, quum forma manebat,
 Versa nec in cinerem fax erat illa tua.
 Nunc neque blanditiis, precibus neque flectitur ille.
 At clamant, Merito, qui tua damna vident.
 Sed tu quod carmen, quas tu causaberis herbas?
 Nullum herbae, nullum carmina crimen habent.
 Prisca superstitio est, magicas per carminis artes
 Corpora læsa queri, quæ sua culpa premit.

E 5

Certe

Certe non ullis periit tua forma venenis.

Nocturno nocuit non tibi saga dolo.

Non siccum traxit pallentia philtro palatum.

Non jecur infelix Thessala fixit anus.

At nihil oderunt acque ac fastidia Divi,

Immitique domant corda superba vice.

Julia, praemoneo, sapiens fuge laedere Divos,

Ne veniat verbis sera querela tuis.

Heu! fuge, & ut fugias, ingratos desine fastus,

Ac fias vati rursus amica tuo.

ELEGIA X.

EXPOSTULATIO

CUM MUSIS.

NON mihi sunt tanti, valeant citharaeque lyraeque,
Ut cupiam toties irrita vota sequi:

Omnia quum faciam, vatum quum numina adorem,

Pimplaeisque feram tura merumque focis.

Irrita vota tamen sequor, & spes capto fugaces.

Ceu sitit in mediis garrulus ille vadis.

Huic tamen & culpaque sua, linguaeque proterva,

Quam patitur, merito poena reperta fuit.

Sed quae culpa potest dici mea, quidve ego feci,

Sit similis quare poena luenda mihi!

An,

An, velut ille, dapes humana e caede paravi,
Et movi in superos verba superba Deos?
An, fera sacrilegi referens mala facta Lycurgi,
Institui vites laedere, Bacche, tuas?
Aut vobis, vitato exire volentibus imbre,
Arguor, Aonides, opposuisse forem?
Aut in contenta laedens tua numina matre,
Iram commerui, Cynthiae dure, tuam?
Quid juvat esse pium? nobis si crimine nullo
Laeforum maneant numina saeva Deum.
At mitem veteres perhibent te, Phoebe, poetae,
Et facilem Clario semper adesse choro.
Te quoque, Bacche pater, non durum numen habere,
Sensit in ignotis flens Ariadna jugis.
Nunc quoque, sic numquam desint qui turis honores
Rite ferant vates, & sacra vestra colant:
Si numquam stolidae curavi murmura plebis,
Si sprevi voces, improbe Mome, tuas;
Carmina si semper donum coeleste putavi;
Nec sine carminibus vita placere potest:
Nunc quoque vos faciles aditis rite vocanti,
Speratamque diu ferre velitis opem.
Fallimur? an faustis aliquid promittere signis,
Jam succensa minus numina, visa mihi.
Fallimur? an faciles veniunt in carmina vires,
Et numeri vena prosperiore fluunt.
Sic est. rite Dei, iustaque in lege vocati
Noluerunt precibus pondus abesse meae.

ELEGIA XI.

IN NUPTIIS

Viri Clarissimi

FRANCISCI OUDENDORPII,

Et lectissimae Virginis

SARAE TORRENIAE.

ILle O, quem Cytherea, graves miserata labores,
 Respicit, & blando numine mitis Amor;
 Quem, placitae demum exorata mente puellae,
 Fausta canens Hymen jam manet ante fores;
 Ter quater ille mihi felix, partaque videtur
 Nil fortunatis cedere sorte Deis.
 Huic nivei lactis currunt, huic flumina mellis,
 Occiduae & sudant balsama Eoa plagae,
 Nectarosque auro bibit e spumante liquores,
 Et Jovis Ambrosia vescitur usque dape.
 Seu modo amans dominae blandos redamantis ocellos
 Et videt, & demto fine videre cupit:
 Seu modo in uvidulis figit flagrantia labris
 Oscula, dat fociae qualia turtur avi:
 Nunc roscam cupide cervicem amplexus, Eoi
 Aurea non mavult sceptrum tenere soli:
 Nunc ipse a teneris collum circumdatus ulnis
 Optat perpetuo talia vincla pati:

Mox

Mox castis thalamis, aequa Junone, receptus
Gaudia cum domina plena favente capit.
Gaudia, sed quae non umquam novere profani,
Quis furtiva Venus sola placere potest.
Gaudia, quae propriis Hymenaeus Amorque pudicus
Deliciis, propriis imbueruntque bonis.
Quae laudare utinam! possem, felicior essem.
Sed suus haud implet tam mea vela Notus.
At, Franciscæ, manet te nunc pulcherrima fors haec,
Nam Venus assiduas audiit alma preces:
Jamque dat optati portus contingere Amoris,
Victtricem fertis & redimire ratem.
Dicite, Piërides, mecum Hymen o Hymenaeæ,
O Hymenaeæ Hymen, dicite, prosper ades.
Nunc mihi, non alias, Eratûs vocalia plectra
Maluerim, citharam Terpsichore sive dari:
Fatidicaque sacro laurus sit germine vesci,
Ac me Castalii proluere amnis aqua:
Ut tecum, Franciscæ, tuam Torrenida possem
In superas merita tollere laude domos:
Ac vestrum, o Sponsi, socias Hymenaeon ad aras
Rite comes festa concinuisse lyra.
Nam canerem, fatus ad Nili quae flumina vates
In Mariae & thalamis principis ante fui:
Quaeque sacer magnis Hymenaeis ante Catullus
Acquorcae Thetidos, Thessaliique viri.
Hic neque carminibus, nec me jam vinceret ille.
Tantam fortunam sed tamen unde mihi?
Dicite, Piërides, tenues licet, o Hymenaeæ,
O Hymenaeæ Hymen, dicite, prosper ades.

Nunc

Nunc Veneris cuperem spatium suavis hortis,
Myrtus, nescio quid, molle ubi nota sonat;
Exclusisque aliis regnat levis aura Favonii,
Semper odoratas terraque fundit opes.
Ut legerem ipse mea, manibusque adjutus Amorum,
Albentes violas, Corymbosque crocos,
Et cum narcisso florem ridentis acanthi,
Prognatasque tuo sanguine, Adoni, rosas,
Canaque poeniceis hyacinthis lilia mixta,
Teque, gerens floris jugo, amaranthe, decus.
Quos inter gratam spiraret amaracus auram,
Et ros cum casia dulcis olente maris.
His ut te, Franciscæ, & te, Torrenia, donem,
Talia festivas condecuere coinas.
Nectite, Pierides, genialia nectite mecum,
Nectimus & Sponsis, dicite, festa novis.
Nunc mihi, Sponsa, tui decus O! quæ pingeret oris,
Esset Apellea dextera in arte potens.
Heroinarum, veteris quas gloria seculi
Prædicat, a tabulis non prior ulla foret.
Seu lætæ nigros imitaret frontis ocellos,
Sive Cupidineas, lumina clara, faces:
Lumina, quæ radiis superet non Gnosia stella,
Non geminus Castor, Pleiadumve chorus.
Seu vos, O pulli crines, quos Leda, Tonantem
Ceperit his quamquam, præferat ipsa suis.
Seu niveis cygni plumis certantia colla,
Et quibus Assyrium, brachia, cedat ebur.
Labrave coelestes manantia nectaris imbres,
Suaviter aut sparsas lacte rosæque genas.

Pin.

Pingite, Piërides, Sponsam fusco ore decoram,
Ore nec est alio, dicite, grata Venus.
Sed mentis celebrem quali testudine dona?
Eja age, Phoebe, magis sed mihi, Sponsa, fave.
Ipsa ades O! tibi nascenti sic optuma Juno
Adfoit, & cunas duxit amica Charis.
Moxque suo fovit gremio te flava Minerva,
Inque artes, mores eruditque suos.
Hinc tibi, credibile est, probitas fluxere, pudorque,
Hinc ea simplicitas rusticitate procul.
Hinc placidi dotes animi, nascentia quales
Secula, Saturno rege, dedisse ferunt.
O ter felices! bona tot pulcerrima quondam
Quae peperit Mater, qui genuitque Pater:
Tu vero ante alios tu felicissimus omnes,
Sponse, es, cui conjux talis habenda datur.
Dicite, Piërides, formae quam munere Sponsa,
Tam dives mentis, dicite, dote bonae est.
Nunc adsis mihi, Sponse; & te de matre cadentem
Excepere suo numina blanda sinu.
Et tibi nascenti risit non laevus Apollo,
Ad cunas sedit Castalidumque chorus.
Hinc tibi, forte prior, mollem factura soporem,
Dulci Erato dulces praecinit ore modos.
Cinge age, cinge sacras tibi, Cynthie, baccare cunas;
Infanti noceat vox mala nequa meo.
Blande puer, linguam quin tu mihi prome volentem.
Huic en! mellis apis munera sponte tulit.
Quid citharam cupis? O requiem cape, parvule, cresces.
Et Phoebus spondet tunc sua plectra tibi:

Au-

Aurea, si somnum modo nunc capis, aurea plectra.

Dormis. promissi est factus Apollo reus.

Spargite, Piërides, lauru cunabula; in illis

Depositum Phoebi, dicite, grande jacet.

At, ventura cano, linguis animisque favete,

Melpomene motis excipit inde comis.

Quidquid adest Superiùm, puero det munera nostro.

Vos vultum, mores & date trina Charis.

Tu meritos duplici crines innecte corona,

Phoebe pater vatum, Phoebe repertor opis.

Mox etenim, duce te, veterum quot vulnera vatum

Sanabit! duce te carmina quanta canet!

Nunc illi Romana libens & Dorica Pallas

Sponte reclude, adytis quidquid ubique latet.

Tu quoque, tu linguae vires suadamque potentis

Confer age, Atlantis Pleïonesque nepos.

At, mi nate, manent quae te suspiria Amantem?

Sed bene habet. Dominam flexit amica Venus.

Dicite, Piërides, vati nova, dicite Sponso

Carmina. Conveniunt carmina utrique nova.

Nunc ades, o Hymenace! sacra sed veste decorus;

Cinctus odorarum sed caput an e rosis:

Dextraque sustineat faculam tibi, flammea laeva,

Luteus & niteat soccus utroque pede.

Sic te namque ferunt cessantem a matre puellam

Abripere, & cupido tradere posse viro.

Dicite, Piërides, mecum Hymen o Hymenace,

O Hymenace Hymen, dicite, prosper ades.

Quin Sponsi prodite foras. mora libera non est.

Prodite. Ipse Hymen ad sua templa praeit.

Car-

Carminaque effundunt jam conjugialia vobis,
Tibiaque & lotos, mixtaque voce lyra.
Ac dudum spargit fratrum pharetrata caterva
Aurata myrti fronde virentis humum.
Pompa sed ecce venit. Pleno Hebe pulcra canistro
Amborum Paphias spargit in ora rosas.
At cultu, at specie quam formosissima Sponsa est!
At decet ut castas pallor & ipse genas!
Sponsi O quale decus! visum est vix cedere Sponsae.
Sic Cephalus, junxit quum sibi Procrin, erat.
Dicite, Piërides, mecum Hymen o Hymenae,
O Hymenae Hymen, dicite, prosper ades.
Pronuba nunc venias Juno; & Concordia tecum
Conjugio felix vincula flava ferat,
Vincla, duas animas quis sic stringatis in unum,
Ne sint, nec cupiant amplius esse duae.
Vincula, quae firme maneant, annosa senectus
Inficiat cana dum caput omne nive.
Dicite, Piërides, mecum Hymen o Hymenae,
O Hymenae Hymen, dicite, prosper ades.
Sancta Venus propera, properate huc Gratia triplex,
Cesto cincta Venus, Gratia nuda sinus.
Atque ita Franciscoque meo, Saraeque venustae
Sternite formosum flore frequente torum.
Fragrantisque Arabum messes incendite flammis,
Impleat ut thalamos hinc genialis odor.
Dicite, Piërides, mecum Hymen o Hymenae,
O Hymenae Hymen, dicite, prosper ades.
Exseruit sed jam formosior Hesperus orbem.
Jam vocat ad festas nox quoque festa dapes.

F

Hanc

Hanc juvenes implete choris, implete puellae,
Carminaque alternis grata sonate modis.
Hanc etiam multo fas est producere Baccho,
Dum vino radios ingerat orta dies.
Dicite, Piërides, mecum Hymen o Hymenae,
O Hymenae Hymen, dicite, prosper ades.
Nocturnos iterum sed condidit Hesperus ignes.
In roseoque nitens Lucifer axe movet.
Eia agite, in thalamos Nuptam jam ducite Nymphae.
Hoc vos hoc precibus Vir novus usque rogat.
Ducitis? An stat cum Sponso pretium ante pacisci?
Ducite. teste novas spondet Amore dapes.
Quin Nuptam in thalamis, Nymphae, jam linquite solam.
Gaude age, Sponse, tibi jam crepuere fores.
Ire licet, licet ire, ubi te Veneresque Jocique,
Mille voluptates, gaudia mille manent.
Tu modo, ne lacrimae te forte precesse morentur,
Ultima conjugii noscere perge bona.
Dicite, Piërides, mecum Hymen o Hymenae,
O Hymenae Hymen, dicite, prosper ades.
Excepit cupidos lectus genialis amantes.
Tu, Lucina, operi nunc age dextra fave.
Tu facias, matri formosus rideat infans,
Sol peragat cursus quam semel ante suos.
Multaque subcrescat proles, simili ore parentes,
Et morum referens ingeniique bonis.
Dicite, Piërides, mecum Hymen o Hymenae,
O Hymenae Hymen, dicite, prosper ades.

E L E-

ELEGIA XII.

Reverendo Eruditissimoque Viro

DANIELI SIMONI SIBERSMAE,

*Quum ad Ecclesiasticum munus in pago
Condomensi esset vocatus.*

Quisquis ades, faveas, novus en delubra sacerdos
 Ingreditur Daniel rite sacrata meus.
 Nunc precor in laudes Polyhymnia nostra resolvat
 Ora volens, festos praecepiatque sonos!
 Non tamen ut sperem raras exponere dotes,
 Et bona quae diti pectore clausa tenes.
 Non opus est nostrum, tanti maris aequor arare;
 Conveniunt cymbae flumina parva meae.
 Hic labor hic maneat, si qui mare tendere in altum,
 Sustineantque Notis lintea plena dare.
 Hi, vigor in vera, dicant, quid prole paternus;
 Et quid mens claris aemula possit avis:
 Ut cultura diu doctis agitata magistris
 Ubere ditarit jam bene nata novo:
 Et doctrina libris avidae collecta vetustis
 Pectoris ingenuas amplificavit opes.
 Hinc tua Pierio destillat nectare lingua:
 Et lyra vocales edit eburna sonos.
 Carmina sint testes facili manantia vena:
 Pelignis cecinit qualia Naso suis.

Pectora nec lateant plumis certantia cynci,
 Macander liquidis quem modo lavit aquis.
 Inque Deum nullo pietas obnoxia fuco;
 Cultus & a vana religione procul.
 Ter felix populus! tali ductore supremi
 Noscere cui Patris jura verenda datur,
 Tertareosque lacus, tristemque evadere Avernum,
 Ac licet aetherea tendere in astra via.
 At tu macte animis, Daniel; nec te labor ingens
 Terreat. egregiis mentibus alta placent.
 Da nunc, quid florens possit, documenta, juvenus:
 Sic Deus auspiciis adnuat ipse bonis:
 Sic aevi saturo possis succedere patri,
 Et quondam cloquio gaudeat Ya tuo.



L. III. Cl. J.
 PETRI

PETRI D'ORVILLE
ELEGIARUM
LIBER QUARTUS.

ELEGIA I.

IN AMORUM SCRIPTORES.

S Cilicet infanos est qui decantat amores,
Et fingit misero crimina multa sibi.
Nunc hujus jurat, nunc illius ignibus uri:
Dum magis haec forma, moribus illa, placet.
Nunc Paphiac grates voto canit ille potitus:
Nunc Venerem duram difficilemque vocat.
Et modo se exclusum, modo se fert esse receptum:
Januaque arbitrio clausa, patetve, suo.
Osculaque, aut quidquam praeter canit oscula raptum:
Pro quibus & nectar spernat, & ambrosiam.
Frivolaque haec tanti, famam ut contemnere possit,
Fabulaque ut seclis omnibus esse velit.
An, quum tot dominas, quum tot sibi crimina jactet,
De tanto numero nulla ego vera putem!
Unde, nisi ex vini numerosa laude sitisse,
Argueris multum semper, Homere, merum?
Quis non vinosum, non jurabitque procacem,
Teia scripta senis qui modo cumque legat?

Larva tegit turpem pellucida, carmina si quis
Casta necesse neget vatibus esse piis.
Quis furor est, nudis famam postponere verbis,
Atque emere ingenti damna labore sibi!
Quis furor est, turpi Parnasia sacra notare
Labe, vel ingenuas prostituissē Deas!
Dic age, virginibus quid cum Cythereide molli,
Cumque illo Puero, cui placet omne nefas!
Ite procul, procul ite locis, gens improba, sanctis,
Nec temerent foedi limina casta pedes.
Illis, Picrides, sapienter vestra negate
Munera, & hostiles pellite ab acde manus.
Hos propter vobis quondam convivia facta
Plurima, nunc etiam crimina multa gravant.
Quin aliis potius donatis praemia tanta.
Quid laedant dominas munera dia suas?
An, qui cuncta, Puer vestras quoque possidet artes,
Largiturque sua non sua dona manu?
Vosne etiam captas si non premat ille, videtur.
Haud petere e tota gente tributa Deū?
Quid prodest, Phoebus, liquido qui nubila tergit
Aethere, si vestris praesidet ipse choris!
Tunc quum Terrigenae scanderunt culmen Olympi,
Pro Jove quaeque, puto, fortiter arma tulit.
Aequior ecce subest pugnandi causa, Camenae:
Jura pudicitiae bella movere jubent.
Virginitas vita mortalibus emta puellis:
Moribus humanis cedere turpe Deas.
Ah! tandem saevo subducite colla triumpho;
Et decet, &, vobis sit modo velle, leve est.

Pel-

Pellite Parnaso, lascivos pellite vates,
Haec vobis damno est turba, nimisque nocet.
His opibus gaudet Deus iste, hoc milite pugnat;
Hoc cepit vestras, hoc tenuitque, domos.
Has isti turmas, haec isti demite belli
Praesidia; & tergum turpiter ipse dabit.
Tunc aliquis melior sacrarum potor aquarum
Virginibus castis carmina digna canet.
Aut illis igitur metuendum stringet Iambum,
Quis foedi mores, quis mala facta placent.
Aut vitam utilibus praeceptis instruet omnem,
Paccibus obducti qualia saepe viri.
Qualia, Nisaeis Megaris oriunde Theogni,
Plebi saepe dabas principibusque viris.
Aut varias artes, scelique reperta sagacis
Monstrabit blandis charta magistra modis.
Non secus agricolis Maro profuit, & prior ille,
Aonii decuit quem pia vitta chori.
Non aliter cecinit coeli scrutator Aratus
Cum Trivia Solem fidereasque vias.
Aut pede Homereo cives stimulabit in hostem;
Vel si quis patriae frangere jura cupit.
Aut ludet numeris levibus, quae seria celent:
Tristia in Hyblaeo pharmaca melle juvant.
Hos decet ad sacram solos admittere Cirrham,
His dare Castalio pocula ducta lacu.
Sic odio faciet coelestia dona vacare
Thespiadum referens orgia mysta pius.

ELEGIA II.

AD FRATREM

JAC. PHIL. D'ORVILLE.

Quid sine fine meos, Frater carissime, versus
 Exigis, & lentas arguis usque moras?
 Hei mihi! quid toties cor molle impellere tentas,
 Et stimulo toties increpuisse gravi?
 Non stat corde filex, ferro nec pectora vineta,
 Uberave admovit sacva leaena mihi.
 Numina sunt etiam, fateor, mitissima Musae,
 Mitis Hyantiadum nec minus ipse Deus.
 Et nomen vatis, cincturaque tempora vatum
 Nescio quid blandi Delphica laurus habet.
 Certe ego non numeris jam necere verba negarem,
 Vena foret facilis si mihi, parque tuae.
 Sed non est facilis, quoties nam scribere tento,
 Deficit, & vires sentit abesse suas.
 Nec tamen, ut cupiam, dimittere carmina possim;
 Usque adeo res sunt carmina grata mihi.
 Nunc volo; nunc cupio; nec, quod cupioque voloque,
 In mihi dilectos jam licet ire modos.
 Non aliter captas, credo, fugientia poma,
 Et mediis in aquis, Tantale, quacris aquas.
 Non aliter torques ruiturum, Sisyphæ, saxum,
 Quodque petis numquam culmen adire potes.
 Nunc etiam dubito, meliusne, Helicone relicto,
 Et Phoebo dicam Pierisique vale.

Nul-

Nulla voluptatis, fuerint nec causa doloris,
 Et cum deliciis demta querela foret.
 Ast ego quo rapior, quo me dolor impius egit?
 Scilicet ut profugus turpiter esse velim.
 Dii melius! numquamque, precor, vesania tanta
 Exagitet mentem, praecipitetque meam.
 Me teneant Clariusque Deus dulcesque Sorores
 Blanditiis victum tempus in omne suis.
 Sic ego detinear, nusquam ut discedere possim,
 Et sit pars animi libera nulla mei.
 Mitis ut est, neque enim numen clementius illo,
 Cynthus, haud dura pellet ab aure preces,
 Atque exoratus repetitis denique votis,
 Ex facili versus scribere posse dabit.
 Nunc satis est numeros mirari saepe canoros;
 Sive tuos, Naso, sive, Tibulle, tuos.
 At tu, plena dedit cui pocula flavus Apollo
 Ducere Castaliis, candide Frater, aquis:
 At tu, saepe velis felicia carmina nobis
 Mittere, nec moniti non memor esse tui.

ELEGIA III.

IN OBITUM

DAVIDIS HOOGST RATANI,

Poetae Clarissimi.

Qualiter a patria nato modo carbasia danti,
 Emensoque brevem per vada tuta viam,

F 5

Vota

Vota inter solvenda patrem, quem vivere credit,
Exstinctum subito nuntia fama refert;
Ille dolore furens crudelia Fata, Deosque
Crudeles clamat, coeptaque sacra fugit.
Haud secus, Hæbogstratane, fera te morte peremtum
Fama canens aures perculit atra meas;
Et coelum, semperque bonis contraria votis
Astra incusavi, Persephonesque nefas.
At non hoc nobis de te sperare jubebas,
Quum modo cogebar regna Britannia sequi.
Tu mihi pacatum pelagus, ventosque ferentes
Poscebas multa numina magna prece,
Et reditus mandata dabas: ipse omine lactus
Optabam vitæ stamina longa tibi,
Ac rursus spectare tuos, mea gaudia, vultus;
Nescius adversis ista vovere Deis.
Hei mihi! non igitur pendebo loquentis ab ore
Amplius, Hyblæis ore fluente favis;
Nec monstrabis iter sacras Heliconis ad umbras,
Pegasei puram nec mihi fontis aquam.
Scilicet haud alio plectrum moderante manusque
Pieriae coepi tangere fila lyrae:
Ausus & excelsos Pindi conscendere colles,
Hortatu vires sufficiente tuo.
At mihi quid fiet deserto jam duce tali?
Quid fiet citharæ, te percunte, meae?
Illa dolore gravi semper vel muta silebit,
Funereos reddet vel nisi moesta sonos.
Hos etenim luctus ullum non eximet ævum,
Tuque novis lacrimis causâ perennis eris.

Sed

Sed quid ego haec veluti privato in funere damna
Commemoro? magis est publicus iste dolor.
Iste dolor positos trans coerula vasta Britannos,
Iste dolor terras, Gallia culta, tuas,
Iste dolor penetrat semotas quamlibet oras,
Qua modo cumque viri Musica sacra colunt.
Sed tamen est propior Batavis dolor urbibus ille,
Quas inter primas, Amstelii Nympha, tenes.
Illic suevit enim, divino percitus oestro,
Saepe movere sacrae fila canora lyrae.
Seu, quoties aures libuit mulcere Latinas,
Carmina Romanis auribus apta canat;
Seu, Latiis Musas cupiens sociare Batavas,
Argutum patrio perfonet ore melos.
Teque, o Ya pater, teque, o pater Amstela, ad istos
Saepe ferunt cursum sustinuisse modos.
Nunc vestri perhibent audita morte poëtae
Uberibus lacrimas non retinere genis.
Et merito. Ille urbis dulcissima gaudia vestrae;
Vestrum ah! ille decus, vester Apollo fuit.
Hujus enim blanda captas testudine Musas,
Amstelium juvit visere saepe nemus.
Invida Parca, dies tam carae rumpere vitae
Ausâ es, tam sanctum tu violare caput?
Neve annos tantae possis praetextere culpae;
Nestoris aetatem vivere dignus erat.
Nec tu, Phoebe, tuum Stygiis prohibere, tuumque,
Pieri, cultorem sustinuitis aquis?
At nunc exequias, sic nam decet, ite frequenter
Castalides Divae, Castalidumque Deus.

Nec

Nec calidis sacrum lacrimis perfundere bustum
 Parcite, nec laceris exululare comis.
Quales Franciadae facundi in funere quondam
 Non siccis memorant indoluisse genis:
Broukhufiique olim quales ad corpus inane,
 Planctibus Amstelias personuisse plagas.
Tantum sed enim post aspera funera vatum
 Nil potuissetis triste videre magis.
Namque Heliconiadum quis sic percussus amore
 Ducat ad Aonios orgia pura tholos?
Et jam tranquillae recreabant otia vitae,
 Pollio quae vati fecerat ille suo;
Otia Pieriis, quam longa, sacrandae choreis;
 Otia in auctorem non male grata suum.
Quippe tuas quoties celebravit, Pollio, laudes,
 Virtutumque tulit celsa sub astra decus!
Nam quis, te cives toties moderante volentes,
 Nesciat Amsteliae frena benigna rei?
Plurima restabant, quae, quo decet ore, parabat
 Dicere. Nunc tantas spes tulit atra dies.
Est locus Elysi secreta valle beatus,
 Vatibus Aoniis qua via sola patet.
Vere ibi perpetuae non deficiente choreae,
 Perpetui lusus, perpetuique joci:
Ac volucrum cantus semper, Zephyrique susurrus
 Per folia, & murmur lene perennis aquae.
Illic, si qua fides, felix felicibus umbris,
 Blande Senex, jam nunc carmina festa canis.
Et simul agnoscunt citharae modulamina notae
 Francius ille tuus, Broukhufiusque tuus;

Exci.

Excipiuntque piam lacti complexibus umbram
Alternis, cupidi colloquiumque petunt;
Jam tecumque vetus studium felicitis, ut ante,
Carminis exercent, Pieridasque colunt.
Sed numerare tuae conor quid gaudia mentis,
Quae tibi jam dempto maxima fine fluunt?
At tu, si fas est cineres deslere beatos,
Has moestas lacrimas accipe, sancte Senex:
Accipe, qualiacunque mei monumenta doloris,
Carmina confusa deproperata manu.

ELEGIA IV.

A D

JANUM GRAEFLANDIUM.

GAudia sunt in amore, & sunt in amore dolores.
Vanus, qui speret gaudia sola sibi.
Hanc etenim legem miseris dixere Venusque,
Telaque qui toto spargit in orbe Puer.
Qui neget, hunc nullos sensisse Cupidinis arcus
Convincam, & nullas corde tepente faces.
Nec, modo quid facilis, rigidae modo, novit, amicae
Janua amatori clausa patensve ferat.
Vel mihi tu testis, duros edocte per usus
Jane, ferus cui nunc pectora versat Amor.

Cor-

Corporis heu! macies, heu! ora simillima buxo,
Certa nimis miseri signa furoris habent.
Ah! quoties imo gemitus e corde notavi,
Et dictum tenui murmure, Vita, tibi!
Ah! quoties, lacrimas nos te celare parante;
Hac tamen invitis emicuere genis.
Mox, precibus se posse tuis mollescere, facta
A domina fuerat spes modo si qua tibi;
Ut vultu, ut toto gaudebas pectore, nec vox
Laetitiam poterat dissimulare suam.
At magnos prae te poteras contemnere reges:
Vile tibi sceptrum, purpura vilis erat:
Nec Jove tum coelum cupiebas dante: sine illa,
Judice te, pauper scilicet aula Jovis.
Et jam magnificos agitabas mente triumphos,
Poscebasque tuis myrtea ferta comis:
Basia jam roseis fingebas sumere labris,
Jam quod dulce ferat, basia praeter, Amor.
At quid si, facilem quam jam semperque patentem
Credideras, rursus janua clausa riget?
Heu! tibi nunc isti quam longe, Jane, triumphi!
Quam longe capiti ferta petita tuo!
Basia nunc roseis quam longe sumere labris,
Et quod Amor, praeter basia, dulce ferat!
Non aliter portus preudentem paene carinam
Adversus Boreas rursus in alta rapit;
Rursus in alta rapit: nec prosunt vota precesque,
Nec sua jam reduci dona parata Jovi.
Sed tamen haec, iterum ventis agitata fretoque;
Post visa est portus sospes inire suos.

Tu

Tu quoque sic olim, modo non praefugia fallax
Ista tibi Phoebus nostra per ora canat;
Tu quoque sic olim, portus ingressus Amoris,
Perfolves Veneri debita dona tuac.

ELEGIA V.

IN NUPTIIS

FRATRIS CARISSIMI

JACOBI PHILIPPI D'ORVILLE,

Et lectissimae Virginis

ELISABETHAE MARIAE van RYN.

CUR, o Melpomene, desueta resumere plestra;
Intempestivo tarda pudore, negas?
Si nescis, major, socias dum ducit ad aras
Fratrem sanctus Hymen, conticuisse pudor.
Non equidem Sponsae castum pietatis amorem,
Mite nec ingenium, virginumve decus:
Vel jubeam meritis doctrinam extollere Sponsi
Laudibus, & Clario pectora plena Deo.
Ista, quibus meliore fluunt felicia vena
Carmina, quos Phoebus respicit, ista manent.
His Venus, & Veneris, Puer ille, potentia sola,
Pressaque dicantur colla superba jugo:

Et

Et Paphia myrto & lauru Parnaside sertam
 Nectant cognatis, praemia digna, comis.
 Sive canant iterum delubra dicata Minervae,
 Dum postem ille tenet, verbaque rite praecit;
 Seu modo Athenaei comitentur sacra renati
 -Carminē, bis lustris vix reditura decem:
 Felicemque urbem, felicia secula clament,
 Hoc ductore vetus quis renovatur honos:
 Trippiadenque altae, cui praesidet, urbis amorem,
 Nam placitum Musis ille peregit opus,
 Trippiaden magnum celebrent, qui sistere Phoebi
 Evaluit trepidam, Pieridumque, fugam.
 Haec pater Ya libens miretur & Amstela, ametque
 Haec Dryas in silvis discere, Nais aquis.
 At mihi cantantes Hymen Hymenaeae secuto
 Promere sincero pectore vota fatis.
 Vos O! vos Sponsi, firmo Venus aurea vinclo
 Copulet, & nodos attrahat aequus Amor.
 Exulet a casto Discordia tetra cubili:
 Dia renidentes Pax colat una lares.
 Sera dies ambos albentes tempora canis
 Restituat patrio, non tamen ante, polo,
 Quam fuerit natos, natorum & cernere prolem,
 Quae decorent claram, perpetuentque domum.
 Hoc gemini cupiunt venerandi actate Parentes,
 Quorum dent Superi pondus inesse preci.
 Hoc Sponsae Patruus, procerum, quos Amstela jactat,
 Pars, cupit; hoc Patruī, nomina cara, Soror:
 Hoc ego. Sit precibus modo non leve pondus in istis.
 Et, si iusta peto, non leve pondus erit.

Tu

Tu tantum Deus omnipotens, dator une bonorum;
 Connubio adspires, ac rata vota velis.

ELEGIA VI.
 IN HYPOCRITAS.

Q Uid Cenfor tibi vis alienae acerrime culpaë,
 In rugas frontem dum trahis usque tuam;
 Innocuos procul esse jubens, risusque salesque,
 Et si quid vitae tristitia fata levat?
 Dum pecudum ritu platearum strata tueris
 Semper, & in coelum lumina ferre times:
 Dum tenui addiscis modulamine mittere vocem,
 Et vestem nullos cogis habere sinus;
 Crebraque dum ducis suspiria pectore jussu,
 Nec cuiquam laesus dum sine fine gemis.
 Dum quoties audis reprehendi crimina seculi,
 Ex oculis toties gutta coacta cadit.
 Tunc homines quoniam pores isto fallere mimo;
 Hocne etiam speras fallere posse Deum!
 Non, non. Ille videt scelerum teterrima monstra,
 Cordis in impuri quae latuere sinu:
 Non, non. Ultiores indignans adparat ignes,
 Qui tua perpetuum viscera, Cenfor, edant;
 Et veris lacrimis, quae nunc abscondita celas,
 Tot tua te subigant crimina flere palam.

G

ELE

HERMANNO VAN RYNEVELT,

Quum J. U. D. pronunciaretur.

Sic est. id vigiles dudum meruere labores,
 Id genii dudum vis generosa tui,
 Atque animus semper studiis excultus honestis,
 Et Latiî fixus pectore juris amor.
 Quare age, jam meritos molire, Hermanne, triumphos:
 Quare age, victrici cingere fronde caput.
 Scilicet aequa Themis, neque enim Dea justior ulla,
 Mercedem curis jussit adesse tuis.
 Teque sui gaudet custodibus addere templi;
 Jure peritorum dum chorus omnis ovat:
 Phoebus & excelsò titulos gratatur Olympo.
 Fallor? an & fulget clarior inde dies!
 Et decus hoc omnes, sic fas, gratantur amici,
 Laetitiae certant & dare signa suae;
 Teque novum mystam, te victoremque salutant,
 Et geminant plausus, & bona verba sonant,
 Et fortunatos, praesentia namque futuri
 Omèn habent, clamant, quos tucare reos.
 Ipse quoque, ut decuit, successu laetus Amici,
 Pauca ferò quali carmina cumque lyra.
 At tu, sic Divos habeas sine fine faventes,
 Accipe non dura munera nostra manu:
 Munera, sincero tibi quae de pectore mitto,
 Munera amicitiae pignora parva meae.

E L E

ELEGIA VIII.

PRIMUS AMICAE OCCURSUS.

Qualis Naficaa fortem comitavit Ulixen,
 Alcinoi lustrans culta roseta patris:
 Qualis Vertumno placuit Pomona marito,
 Dum peragrat ruris florida regna sui:
 Qualis & Anchisæ, pascenti vallibus Idæ,
 Aeneadum genetrix obvia facta Venus:
 Talis forte suis mea lux errabat in hortis,
 Eripuit mentem quum mihi prima meam.
 Ignitas oculis vibrabat virgo sagittas.
 Ardebat niveis purpura rubra genis.
 Candida mittebant flammæ præcordia; quales
 Sæpe repperusso marmora sole vomunt.
 Caesaries, roseis late cervicibus errans,
 Spargebat rutilans, aurea tota, jubar.
 Ussissent tactu solo digitique manusque.
 Spirabant æstus punica labra novos.
 Ut vidi, ut rapui miseris incendia membris!
 Visceraque ignotus venit in ima vapor!
 Sanguis ut in venis efferbuit instar æni!
 Salsaque de tota fronte refluxit aqua!
 Ignibus incului, quantis calet Actæa Sicana,
 Quum cava Mulciberis foliis antra sonant.
 Atque ego mirabar pariter, pariterque gemebam,
 Tam rapidis facibus pectora nostra coqui.

Quum se majorum obtulerunt miracula rerum,
Vera licet, veri non habitura fidem.
Ver erat incipiens; adstrictum frigore coelum:
Finierat regnum non bene tristis hiems.
Dum spatior; faciem coelum mutavit & annus,
Atque aestas primo vere repente subit.
Ac Boreas tepidis Zephyros spiravit ab alis,
Mulset & aërias mollior aura plagas.
Terraque purpureos flores resoluta profudit,
Et caput e tepido sustulit herba solo.
Atque repentinos nemus induit omne virores;
Ac teneris arbor foetibus aucta fuit.
Non secus, ut melior quondam natura resolvit
Horrida squallens mole situque chaos,
Exiliens subito praegnantibus arbor ab agris
Fronibus & pomis risit onusta novis.
O! quam te dicam, timida sum voce locutus,
Nais an e magnis una Deabus ades!
Esse potes tepidi pulcerrima sponfa Favonii:
Vicinis colitur maxima Flora locis.
Anne putem Nympham, cui plenis structa canistris
Foecundos onerant roscida poma sinus:
Curva mitella comas, humeros stola longa sedentis
Integit: auritus stat canis ante pedes:
Quam frugum celebrat tempestatumque potentem
Plurima pagana sculpta tabella manu?
Fallimur; haud ea vis Nympharum, non ea forma:
Ipsa sed e Cypriis fluctibus orta Dea es!
Te, Dea, te fugiunt glacialis frigora brumae,
Ac pluviis mixtae grandinibusque nives:

Ad-

Adventuque tuo ponunt fera murmura venti,
Et mare placatis litora lambit aquis:
Te veniente novos sentit natura calores,
Ac tepefacta sinum parturit omnis humus:
Qua graderis, flores submittit daedala tellus,
Et fontes strepitant, & Philomela canit:
Depulsis ridet nebulis tibi magnus Olympus;
Pulcrior in niveis sol nitet ipse rotis!
Quod si mortali prognatam credere fas est
Semine, & hoc utero femina gessit onus;
O! fortunati, qui te peperere parentes!
O! frater felix, & tibi siqua soror!
Is vero Superis aequandus sorte beata,
Siquis vel nunc est, vel tibi sponsus erit!
Me miserum! ad nomen geminatur amabile sponsi
Ardor, & heu! penitus pectora flamma vorat.
In cineres abeo; nisi tu, Dea, fata retardes:
Nam mihi semper eris tu Dea, & ipsa Venus.
Cur autem peream? quid te mors nostra juvabit?
Solane sis damno saeva reperta meo?
Quo rus omne beas, me, quaeso, respice vultu:
Huc oculos vertas, sidera bina, tuos.
Oscula, da, roseis figam labiisque genisque,
Et dextra dextram pectoraque ista premam.
Frigidane, exquiram, tantos incenderis aestus,
An possis simili tacta calere foco.
Ah! potius nostras populat quae taeda medullas,
In tua descendat corda vapore suo:
Ignis & extrema spiret, precor, iste favilla,
In quam nos rediget non fugienda dies,

ELEGIA IX.

D. M.

PETRI VLAMINGII,

Poëtae eximii.

Nunc dolor infelix, Vlamingius, ante voluptas
 Plurima, Pegasca qua fluit amnis aqua,
 Occidit. inferias vati Libethrides ite.

Luëtifona resonet laurea silva tuba.

Vester erat, divae Pimpleides; orgia fidus

Per Batavos semper blanda tulisse choros.

Singula neu referam, villa est Hoogwoerdia testis,

Quam tulit Aonia gratus in astra lyra.

Felices agros! felicia prædia! si non

Immeritam vatis mors scelemasset humum.

At domino fertur, si fas est credere, raptò

Triste solum moestis ingemuisse modis.

Et pariter visa est omnis fugisse voluptas.

Gratia nimirum dosque erat ipse loci.

Tu vero, curvos properat ceu piscis ad hamos,

Nescius instantis, quam tegit esca, necis,

Huc te contuleras, Vlamingi, moenia vitans,

Pierisfinque petens otia grata tuis.

Forſitan ipſe citos hortatus es ire caballos,

Mente levi fingens gaudia firma parum.

Jamque ſalutanti genium villæque, locique,

Comminus, exciderunt hæc quoque dicta tibi.

Tcr

Ter quater o salve regio, qua Chloris odora
Possidet Harlemii jugera multa soli.
Haec prius admirer, num commoda messibus arva,
Herbososne toros, quos sua lymphæ secat!
An magis adclives cumulos flaventis arenae,
Quis maris irridet patria freta minas!
Sit visum hoc quodcumque mihi nunc alite fausta.
Fallor? an augurium garrula Nympha probat:
Nympha e ruderibus referens mea verba propinquis,
Qua steterunt Cleviae tecta superba domus.
Arx olim, nunc reliquiae vastantis Iberi,
Sanguineique Albae crimina foeda ducis.
Hoc potius, quam si cives discordia turbans
Credatur cladis causa fuisse ferae.
At vos praecipue fundi salvete paterni
Culta vireta, meae mentis amica quies.
O mihi nunc solitum praebete levamen, ut urbis
Effugiam vestro taedia multa sinu.
Venturaeque senectuti, sit in omine pondus,
Este, precor, longum grata latebra meae.
Talia poscenti, jam dudum Parca supremum
Stamine fatali nebat iniqua diem.
Sic aliquis, subiens redimitis litora velis,
Ad scopulos fracta nave, repente perit.
Protinus, hoc celeri portans trans aethera penna,
Spargitur Amstelia rumor in urbe, malum.
Ecce, canit, gelidis Vlaminius occubat umbris,
Jamque venit nigra contumelandus humo.
Me miserum! talis nobis rediturus abisti?
Heu! ita te reddis, dulcis Amice, tuis?

O fallax hominum fors & mens coeca futuri!
O fata Aoniis non fugienda viris!
Vix Hoogstratano fufas ficcavit Apollo,
Quum pofcis lacrimas en! quoque, Petre, Dei.
Quid refert? fi non vates facer interit omnis,
Postque obitum magno foenore fama venit!
Haud fecus extento vivit Vlamingius aevo,
Quotque colunt Mufas, reftat in ore virum.
Carmina nam quis non miratur, qualia Livor
Ipfe nequit Syria digna negare cedro!
Quifve novo nescit perfufum lumine vatem
Aetherei partus, Virgo beata, tui!
Hujus ut Arcadicos, penfum juvenile, lepores
In Batava melius veste nitere dedit!
Ut quoque te docuit, caftae Pharos optima vitae,
Ore, Cebes, Grajo Belgica verba loqui!
Hinc quid Spigellii referam fenis aurea fcripta,
Et facie & cultu facta decora magis?
Quidve Hoogstratani, quid vatis, ab hospite nomen
Qui tenet, e tenebris carmina ducta canam.
Non tamen invictus gyro ftetit impetus ifto:
Moliri majus quin fuit aufus opus.
Hoc jam impenfa refert, & plures cura per annos
Impendenda tuis moenibus, Ya pater:
Undique dum veteris conquirat temporis acta;
Quae valeant urbi conciliare decus.
Auguror, ipfe bonum firmabit Jupiter omen,
Irritus ex toto non erit ifte labor.
Ac famae ftimulis aliquis compulfus honorae
Cernere quam cupis hanc, Amfteli Nympha, diem!
Nau.

Naufragii sacras tabulas servabit ab undis;
 Et rude adhuc patriae pervigilabit opus.
 Ista sed, Huidecopere, manet pulcherrima laus te,
 Dilectum Charisin Pierisique caput.
 Ante tamen, peragas sic Pallade coepta volente,
 Nec premat haec collum sarcina magna tuum,
 Nobiscum lacrimis bustum perfunde poetæ,
 Nec caro cineri debita iusta nega.

ELEGIA X.

Viro Clarissimo

PETRO BURMANNO,

FRANC. FIL. FRANC. NEP.

*Literarum Humaniorum Professionem in Academia
 Franequerensi auspicianti. S.*

Q Ua, Burmanne, precor, longum potiare, salutem
 Amstelia mittit Petrus ab urbe tuus.
 Quid tamen? an simulac demisti vincula chartae
 Grata fuit digitis litera scripta meis?
 Tardior & quanquam, sacrae nunc denique luci
 Debita portantis verba, probata via est?
 An, quamvis gratata novos venisset honores;
 Dixisti increpitans, cur ita sera venit?

G 5

Sci-

Scilicet officii si quis non prima capeſſat
Tempora, dilati gratia multa perit.
Quam nunc aequoribus diſtarent moenia longis
Amſtelio cuperem Franequerana ſolo,
In pelago ſaltem dubio, ventove vetante
Culpa retardatae poſſet ut eſſe viae.
Parce tamen ſocii pectus, Burmanne, fidele
Criminis ob longas inſimulare moras.
Non etenim ſemper, tua quae pulcerrima fors eſt,
Reſpondet precibus Muſa vocata meis.
Sive ita naſcenti triplices cecinere Sorores,
Difficili nentes ſtamina noſtra colo:
Seu vitae ratio eſt, quae Majae plurima nato,
Virgineo cedit tempora parca choro.
Quam Mercaturae male cum Tritonide docta
Convenit, aut Phoebæ Numinibuſque novem!
Nam quoties poſitis rationum, Petre, libellis
Pegaſidum volui ſacra litare focis!
Saepe novos titulos age jam gratemur amico,
Ipſe mihi dixi, conſpicuumque decus,
Ac cithara ſumta tentavi condere carmen,
Burmannum poſſet quale decere meum.
Quin etiam, memini, latum celebrata per orbem
Mens fuerat gentis dicere facta tuae.
Et Franciſcus avus jam, Franciſciſque Parentis
Magna ſonaturo nomen in ore fuit.
Nunc ad ſe totum rapiebat Patruus ingens.
Cui merito adſurgit doctus ubique chorus.
Quem Pallas Leidana decus, columenque fatetur,
Exoptatque diu poſſit ut eſſe ſuum.

Tu-

Tuque, Patris tanti soboles generosa, subibas
Trajectinorum splendor, amorque, Patrum.
Nec minus & Fratrum par nobile, Petre, tuorum
Ardor erat merita ferre sub astra lyra:
Quorum Paeoniis perfectus in artibus alter,
Christicolûm curam sedulus alter agit.
O utinam! nostro sîvisse vivere voto
Fata, procul curis, Mercurioque procul,
Et choreis Heliconiadum, Phoebique dedissent,
Deliciis nostris, implicuisse manum.
Hinc mihi vidisses Heroum surgere carmen,
Materiae numero conveniente suae.
Hos inter quoque te posuissem nobile sidus;
Ingeniique forent cognita dona tui.
Per me sciretur, vidit de matre cadentem
Protinus ut placido lumine trina Charis.
Phoebus ut Aonisin de te mandata ferebat,
Ora caballino tinguere fonte jubens.
Utque sacra lavit, lotumque fideliter, unda,
Exceptit roscœ Calliopea sinu:
Et laurus hederasque inter requiescere fecit,
Festa ubi Pieridum cantibus antra sonant.
Nil igitur mirum, si mox adoleverit ille
Carminis, a teneris tam bene coeptus, amor:
Si tibi, Musa quibus toties ea paverat ante,
Dulcia nectareis roribus ora fluant.
Ut fors, addiderim, primo minus aequa licebit
Ante diem rapiens cum genetrice Patrem,
Nutriri dedit in Patruî penetralibus altis,
Præterita emendans munere damna novo.

Est

Est adeo multum, doctis adfuescere curis,
Et merita puerum laudis amore capi.
Talibus auspiciis igitur penetrare recessus
Historiae tibi fas, eloquique, fuit.
Contigit & cani ritus cognoscere secli,
Et Critices fausto templa subire pede.
Ter quater o felix, licuit cui cernere tanti
Coram, quae referas, inclyta facta Viri.
Hinc tamen ingenio sedisse haud ultima credo
Tot de Barbarie parta tropaea fera:
Et tibi mature subiit quoque culmina Pindi;
Et valida Musas adseruisse manu.
Grande rudimentum doctrinae mittere in hostes
Tela, sacri belli primaque signa dare.
Quid jam quid frustra fugis Ignorantia, quidve
Speluncis properas abdere turpe caput!
Quin Burmannorum nomen fatale tremiscens
Impia jam pedibus colla premenda para.
Ut, veluti nomen quondam titulosque perennes
Africa Scipiadae sub iuga missa dedit:
Sic quoque tu genti Burmannae, pessima, nomen
Debellata feras perpetuumque decus.
Ominor, eveniet. plausis Victoria pennis
Ipsa dat augurii prospera signa rati.
Ecce abitum cari Westlingi Frisia Pallas
Flens sedet immissis uda per ora comis,
Maestaque confusis tundens praecordia palmis
Ecquis crit, clamat, qui mala nostra levet!
Lucida, me miseram! quo se cito condidit axe
Splendebat nostro quae modo stella polo.

Atta-

Attamen haud fueram secura, mihique timebam,
Hei! mihi caussa nimis justa timoris erat!
Cum Trajectensi virtus Dukera Lyceo
Ulterius solitam ferre negavit opem,
Et, procul a turba, senio suadente, quietos
Constituit solo ducere rure dies.
Si quid nostra tamen valuissent vota, careret
Dukero jam non in mea damna suo.
Ipse quoque exutus senio, nervisque relictis,
Ferre foret magnum quamlibet aptus onus.
Sed quid ego ad furdas nequidquam conqueror auras,
Et facio rapidis verba ferenda Notis!
Invida Trajectum, nostra quae clade superbis,
Dic, tantum rapias quo mihi jure decus?
An, quod clarus erat meritis Wesslingius heros,
Caussa sat apta tibi, cur spoliarer ego?
At si jam non te, Superos mea damna movebunt.
Di facite o! maneam ne spoliata diu.
Sed bene habet. tetigere preces pia numina justae.
Gratulor hoc, Pallas Franequerana, tibi.
Burmanner lacrimas meus en jam terget ab ore,
Vulneraque optata facta levabit ope.
Illius haud usquam deerit tibi vivida virtus,
Dum gestit juvenis munus obire viri.
Non secus in solem primis se nixibus ales
Tollit, si qua geret tela trifurca Jovis,
Immotisque oculis radiantem sustinet orbem,
Adsumens animos a propiore Deo.
Haec ego conabar, recolo, dulcissime rerum,
Pluraque Maconia dicere, Petre, tuba.

Sed

Sed mihi Mercurius quoties male sedulus aures
 Vellit, propositum præpediitque meum!
 Et vix hos elegos humiles permisit iniquus
 Saepe interrupta deproperare manu.
 Nunc etiam cæris, ad te qui perferet istas;
 Nauta jubet finem ponere. Petre, vale.

ELEGIA XL

AD FRATREM

JAC. PHIL. D'ORVILLE.

DE NIHILO.

NUlla rogas scribam cur carmina, candide Frater;
 Et me jam, fateor, scribere nulla pudet.
 Quid vero faciam! quum cogar, scribere quamquam
 Carmina nulla pudet, scribere nulla tamen?
 Non Hymenæus enim, focias celebrandus ad aras,
 Poscit ab invita carmina festa lyra:
 Nec licet Heroum sublimia tollere coelo
 Facta; decent magnas grandia vela rates:
 Nec libet immixto plebejis scribere nugis
 Carmina, cum procures curia celsa novat:
 Ominaque in melius versuri dicere secli:
 Omina Coelestes non habitura suos.

Pu:

LIBER QUARTUS. 311

Publica namque jacent, privataque sola coluntur,
 Ac rari curam posteritatis agunt.
 Ergo decantem, quibus haud accendimur, ignes,
 Inque leves elegos fictus amator cam?
 Non animus fert hoc. Scribam ne nil tamen, ecce
 De nihilo carmen, si modo carmen, habe.

ELEGIA XII.

Viro Clarissimo

H. G. VAN VRYHOFF,

*Professionem Juris utriusque in Academia Harderovicensi
 anspicanti.*

Q Uale peregrinis faciens commercia terris
 Gestit, & haud tacita gaudia mente premit,
 Si qua per ancipites casus hostilive, viaeve,
 Ac post sollicitae taedia longa morae,
 Occiduis tandem redeat vaga classis ab undis,
 Aut illis, rutilos sol ubi jungit equos.
 Sic tua non levior pertentans corda voluptas
 Conscia lactitiae promere signa facit;
 Dum Themis auspiciis incunanti rite secundis
 Templa tibi felix ad sua sternit iter:
 Templa, Deae multis quae consecravit ab annis
 Harderovicana Gelria fortis humo:

Tem-

Templa, virum fama totum celebrata per orbem,
Laude quoque ingenii mox celebranda tui.
Mentis enim vigor hoc spondet, spectataque virtus
Ante sub auspiciis Fratris, Huberte, mei,
Dum secli pariter vestigas rudera prisca,
Nil dubitans patrios deseruisse lares:
Atque alio populos, alio sub fidere terras;
Fluminaque, & montes pectore firmus obis.
Gallica qua late regio, qua Romula tellus,
Horrificisque tonans qua patet Aetna jugis,
Ac porrecta per immensos Germania fines
Albim cum Rheno Danubiumque bibit.
Nec se se fervor quidquam tuus ille remittit.
Tempore quin pulcer crevit honoris amor.
Hinc etiam perges jam clara in luce locatus
Ingenii dotes exseruisse magis:
Astracamque tuam, primas haec vindicat, ibis
Semper, & Aonidas demeruisse Deas.
Illae quippe suo te nutrivere sub antro,
Et liquido dederunt fundere ab ore melos.
Atque iter a vulgo tibi monstravere remotum,
Culmina quod bifidi montis ad alta ferat.
Quod vates tenuere olim, per Apollinis artem
Immortale sibi qui peperere decus.
Hoc tu nunc instas, hederæ decerpere frondem
Contendens, Pindi qua viret altus apex.
Plura quid addiderim? vix, vix haec ipsa referam
Nempe, verecundae frontis Amice, finis.
Non laudatricis citharae modulamina tanti,
Ut tibi suffundat Musa rubore genas.

At

At si materiam texendis versibus optet
Pieris: en alio tramite flectat equum.
Cur non, Vryhovi, memori de carmine ferus
Discat amicitia corda ligata nepos?
Nam tam certus amor sub pectore spirat utroque,
Ut trans Lethaeas vivere possit aquas.
Cur taceat lacrimas, taceat suspiria crebra,
Nec leviter Paphia viscera adusta face,
Ut tua formosas inter non ultima virgo
Abstulit argutis lumina luminibus?
Nam celare licet primos tentaveris aestus,
Non longum potuit corde favilla tegi.
O nimium felix! pulcro quod adureris igne,
Non semel incaluit quo pater ipse Mosa,
Sidereosque oculos miratus eburnaque colla,
Lenius ire suas Rottera jussit aquas.
At felix iterum! dominae quod limina durae
Obsedisse tibi non Cytherea dedit:
Sed grave quae possit miserari vulnus amantis,
Nec gemitus, lacrimas nec numerare neget.
Cur Erycina tamen, ridens modo fronte serena,
Invisis toties nubibus ora tegat,
Nec sinat optatos, miraris, prendere potius,
In mare nunc aestu, nunc referente Noto.
Si nescis, adeo cuiquam vix aequa Dione,
Ut det inoffenso vota tenere pede:
Gaudia summa prius sed quam ferat, uvida fletu
Cernere laetatur, pallidaque ora, Venus;
In primis facunda cupit lamenta, precesque
Vatis amatoris combibere aure diu.

H

Am.

Amsteliae testes ripae, quas tempore longo
Credibile est questus edidicisse tuos.
Sed jam siste, licet, gemitus, & lumina sicca,
Oblitus, duri quidquid habebat Amor.
Nam prope tempus adest, quum tu pro mille querelis,
Pro totidem lacrimis oscula plura feres.
Cernin' Hymen roseis ut vinctus tempora sertis
Ornatam quatiat lampadas ante forem?
Ut croceum spargens florem, myrtumque, Cupido
Ducat odoratos matris ad ipse focos?
Juno favens, thalamis lactum socialibus omen,
Nectat ut albenti vincula flava manu?
Fallimur? an festae Charitum sonuere choreae,
Terpsichore dulces quis praeit ipsa choros?
Hesperus & mergi festinat pronus in aequor,
Surgat ut Eoo Lucifer axe tuus?
Quin igitur propera, quo te lususque, jocique,
Ambrosiaque madens sponda marita vocant.
Christinaeque tuae placitas infusus in ulnas
Utere deliciis, Sponse beate, tori.
Sic, decies Phoebe postquam reparaverit orbem,
Per liquidum niveis aethera vecta rotis,
Dii faciant, quis sunt sacra connubialia curae,
Ut felix simili prole ferare pater.
Haec ego vaticinor. Quod si non fallat Apollo,
Postmodo tu dices; Hic bonus augur erat.

LIBER QUARTUS. 115

ELEGIA XIII.

IN OBITU

Viri Amplissimi

DIDERICI VAN DER MEER,

Ad Filium praestantissimum

JEREMIAM VAN DER MEER,

J. U. D.

MEriade, spirans clari Genitoris imago;
O spes, o soboles nobilis una domus.
Vota tibi nuper, memini, & bona verba parabam,
Sponte sua Patrem dum novus ambit honor.
Quem Procerum voluit meritum mens provida lectis,
Quis Oriens curae est, adnumerare viris.
Adfini Libitina domum sed funere turbans
Gratantem vetuit me comitare chorum.
At, quamvis absens, animo pia vota peregi:
Vota Deos heu! heu! non habitura suos.
Nec nimium vovi, fasces & frena volentis
Urbis ubi vovi, Nestoreosque dies.
Omina praebuerant, sic rebar, certa futuri
Et vires solidae, laetus & ore vigor,
Atque animus late fulgens virtutibus altis,
Ac crebris meritis publicus auctus amor.

H 2

Quo

Quo tamen ista tibi, Vir splendide? num minus Orco,
Quamquam talis eras, victima facta jaces?
Nempe jaces: & nequicquam Themis irrita vocit
Te fore mox decori praesidioque sibi:
Cognitaque expertae speravit robora dextrae,
In solio staret qua bene fulta suo:
Et qua vultorios, genus infatiabile, aduncos
Dejiceret, raucos comprimeretque canes:
Immanisque Hydrae tandem foecunda domaret
Colla, nisi Herculeae vix superanda manu.
At nunc illa, comas inter suspiria scindens,
Haud animo cclat vulnera facta suo:
Nominibusque vocans Divarum quamque piarum,
Has mecum exsequias ite frequenter, ait.
Haec nos haec pariter clades pertingit ad omnes,
Quae sacra progenies dicimur esse Jovis.
Donec enim vegetos animabat spiritus artus,
In gelidum cinerem fax neque versa Viri,
Templa tenebamus pulcerrima pectore sancto,
Et focus haud alibi cultior alter erat.
Quem nobis quoniam rapuerunt invida fata,
Heu! heu! quid miseris est nisi flere super?
Quid! nisi testatum terrisque poloque dolorem
Fecisse, & carum composuisse caput?
Vix haec fata; venit nullis obnoxia fucis
Religio, sparsa moesta per ora coma,
Astraeaeque laevis, ducentis funera, claudit,
Plangit & indigna pectora nuda manu.
Suctaque sublimi semper petere astra volatu
E rutilo Virtus aethere lapsa venit.

Et

Et simul incedit, sed non in veste nitenti,
Sed pullata trahens sŷrmata, cana Fides.
Nec Probitas, qualis Saturni nota sub aevo,
Nec Pietas aberant, utraque scissâ genas.
Funereamque auget Libertas patria pompam,
Propugnatoris funere moesta sui.
Hinc usu longo Prudentia plurima rerum
Humentes sequitur dilacerata sinus.
Altaque Majestas, scelerum tremuere ministri
Qua toties, vultus it cooperta sacros.
Stipat & hanc acquans homines Clementia Divis,
Flebilibusque replet sidera summa modis.
Denique defuerat Divarum nulla, patebant
Atria perpetuum quis modo casta Viri.
Quae quia crudelem nequierunt flectere Parcam,
Actave praecipiti sistere fila colo,
Debita, quod possunt, lugentes justa merenti
Haec cineri solvunt, inferiasque ferunt.
Amstela, qui celsas urbis cognominis arces
Irriguo liquidae flumine lambis aquae,
Desine majores ad moenia, desine, fluctus
Volvere, coeruleum tollere & amne caput.
Me miserum! subito quam sunt tua gaudia versa!
Invida spes quantas abstulit hora tibi!
Ille tui Didericus amor populi, ille Senatus
Grande decus sacri consiliumque, fuit!
Cui modo clamabas, Laetos molire triumphos,
Quaesitum meritis, I, cape, care, decus.
Non aliis humeris melius, bene cognita virtus
Fallere si nequeat, federit istud onus.

H 3

Ac

Ac videam tutas Orientis litora classēs,
Quaeso, diu auspiciis ire redire tuis.
Inque sinus nostros, Danaes velut aureus imber,
Depluat innumeras India dives opes.
Talia vociferans, omnes ad gaudia cives
Excieras, plausum quos geminare juvat.
At brevis haec fuit, & turbata repente voluptas,
Venit ut crepti nuntia fama Viri.
Tunc te, tunc memorant subito pendentibus undis
Adtonitum multo diriguissē gelu.
Quin & perpetua referunt voluisse pruina,
Hoc nisi fata vetent, oculuissē caput.
Scilicet ille dolor visus tibi, Dive, perennis.
Et, dubium non est, ille perennis erit.
Nos decet ad tumultum luctus renovare quot annis,
Ac querulo moestos ore ciere sonos.
Parte sed ille sui meliore receptus in astra,
Tempora ubi vitae sine carentis agit:
Divinumque jubar, nullis narrabile linguis,
Qua fas est, oculo jam propiore videt:
Coelestesque choros inter, citharasque, lyrasque,
Concinat aeterno carmina grata Patri:
Nec refono planctu, lacrimisve movetur ab ullis,
Frigida quas tristes fundimus ossa super.
Si tamen e nobis coelo sentire beatos
Credibile est aliquid, nec bene facta latent;
Tum puto laetari, cum conspexere nepotes
A virtute nihil degenerare sua.
Ergo, Meriade, cassos, age, comprime fletus,
Ac potiora patri solvere iusta para,

Id

Id facies, si rite premas vestigia clara,
Virtutumque heres illius esse velis.
Sic melius, quam si tumulus de marmore per te
Exsurgat, cineres aureaque urna tegat.
Sic melius manes venerabere, crede, paternos,
Matris & afflictæ dulce levamen eris:
Quæ, socio viduata tori, ceu turtur, ademtum
Nunc urguet lacrimis, & vocat usque, Virum.
Sic etiam tibi conspicuos augere penates
Per titulos olim numina justa dabunt.

ELEGIA XIV.

IN PACEM

BATAVORUM DIUTURNAM.

DUm tonat horrendo late Bellona flagello,
Sanguineisque furit Mars violentus equis;
Finitimique ruunt in tristia proelia reges:
Arma suis thecis clausa Batavus habet.
Eunomiesque soror placidissima, rura celebrat
Pinguia Belgiadum Pax, celebretque diu.
Hac duce nauta vagus securis labitur undis;
Hac duce bos tutam scindit arator humum.
Mille sub hac florent studiosæ Pallados artes,
Gestit & Aonii præsul Apollo chori.
Pro lituis per agros resonant lotique lyraeque,
Commoda quæ Pacis celsa sub astra ferant.

Praelia siqua juvet clarosque sonare triumphos,
Arma vicesque canunt, magne Cupido, tuas.
Pace Venus lacta est. Paci bene convenit istis
Cum telis, bellum quis gerit almus Amor.
His, ne deficiat terras cultura juvenus,
Neu careant urbes civibus, ille facit.
Quin his, Mars, debes tua robora. Desinat ille.
Vis erit effoeto milite nulla tibi.
Posce tamen potius validas actate cohortes
Gentibus ex aliis, quas fera bella juvent.
Barbara terribiles praestet tibi Thracia foetus:
Augeat & numeros Sarmata pube tuos.
Si tamen invicto placeat firmare Batavo
Agmina: tironum nobilis ecce manus.
Sunt quos thyrsiferi celebrant certamina Bacchi,
Nec lassat Paphiae sacra palaestra Deae.
Hi media gladios vibrantes pace per urbes
Vulneraque & caedes & fera fata crepant.
Ast hi cum Musis & Pallade, Pacis alumni,
Non intermisso bella furore gerunt.
Turba, Gradive, tuos quae suppleat apta maniplos:
Hac, precor, extremos vince Borysthenidas.
Dummodo bellorum rabies, terrorque, furorque
Pellantur patrio semper ab orbe procul.
At quibus haec, Populi, debetis munera, Septem,
Adserta meritis Pace triumphus cat.
Sola triumphali digna est victoria pompa,
Quae patriae nulla caede cruenta venit.
Adfremat his miles, vivit qui semper in armis,
Et dux imperio laetior ipse dato,

Vena.

Venales animae minima mercede faceſſant,
Quique feros enſes ambitioſus amet.
A dominis quondam male tutum pignus Iberis,
Ac mox vindicibus paene rapina ſuis,
Conſilio Procerum Libertas, optima rerum,
Stabit, & in folio ſtat bene firma ſuo.
Dummodo ſit noſtris Diſcordia finibus exul,
Aequatoque oneri quiſque ſubire velit.
Nemoque, luxuria cenſu nudatus avito,
Exuviis patriae turpia damna levet.
Praemia ſint meritis: fontes vindicta ſequatur:
Dicat & in quemvis libera jura Themis.
Si vires errent campoque foroque potentum,
Legibus & pulſis ſceptra libido gerat:
Curiaque ipſa, ſibi quo vindicet omnia ſoli,
Imminuat populi ſingula jura ſui:
Ac, ceu turba minor capitis, ſuffragia cives,
Quae fuerant olim plurima, rapta gemant:
Muniaque obtineat, patrimonia civica quondam,
Turpis adulator mancipiumve potens:
Si ſocii fruſtra repetant a praefide furtum:
Nulla peculatûs crimina poena premat:
Sanctaque vox populi ſit nomen inane Senatus,
Et Marius modo res, & modo Sulla ruat:
Plebsque tributorum gravis ſub mole fatiſcens
Non patres, rigidos experiatur heros:
Maluerint gentes unum quam mille tyrannos;
Romaque Caefaribus ſic data ſerva ſuis.
Triftia ſed rapidi diſcerpant omina Cori,
Aureaque aeternum tempora Pacis cant.

H 5

E L E.

ELEGIA XV.

IN NUPTIIS

Praestantissimi, & Nobilissimi Viri

JEREMIAE VAN DER MEER,

Ac Lettissimae Nobilissimaeque Virginis

MARIAE JOANNAE MUNTER.

I Daliae, Myrtus, soboles gratissima silvae,
 Inclytaque Aonii, Laurus, alumna jugi,
 Praemia curarum, victricis praemia frontis,
 Huc e natali nunc properate solo:
 Ut, suaves etenim junctae spiratis odores,
 E vestris peragam festa venusta comis:
 Serta, quibus de more sacra circumdare luce
 Meriadae possim tempora cara mei.
 Ad Paphiae delubra Deae, castique Hymenaei,
 Victor in auratis adparat ire rotis,
 Ut, quae promisit pelago deprensus amoris,
 Ad meritos solvat debita vota focos.
 Quare, non alios potius vinctura capillos,
 Ocios hoc circum currite, festa, caput.
 Ille sinu dominae vos ponens forte triumpho
 Perpetuas testes jussit esse sui.
 Sollicitoque aliquis vos illic lumine spectans,
 Vifa bona sitis, dicet amator, avi,

Ah!

Ah! quando, rigidae conversa mente puellae,
Suspendam Veneris sic ego ferta tholo!
Fallimur? an frondes properant huc sponte cupitae,
Quis permulsa novo ridet odore domus.
Sic puto. Tu plexas tantum ne temne corollas
Qualescunque mea, dulcis Amice, manu.
Nec tu, virginiei princeps, Munteria, coctus,
Materies nostri carminis esse nega.
Ipsa quidem es magni, fateor, testudine vatis
Digna, vel a Phoebō Pierisīque canī:
At mea nec, primo si non contendat Homero,
Est tibi dedecori Musa futura, reor.
Nec fas, jussu vetant laudes celebrare Deorum,
Dircaeo inferius si quis olore volat.
Ipsa decora Venus, quamvis se fluctibus ortam
Gaudet Apellacas exhibuisse manus,
Creditor haud ideo cunctas sprevisse tabellas,
Artifices alii quas posuere sibi.
Quid? quod perpetuo forsan tibi vate carendum,
Si, nisi quae meruit, te lyra nulla canet.
Quo magis o, Superos sic experiare faventes,
Pronubaque inceptis adnuat aethra tuis,
Quo magis o ne dura mihi sis, Virgo, canenti,
Sed tibi devotis versibus aequa veni.
Sive tuae verum florem memorabo juventae;
Vix Hebe quali conspicienda venit.
Sive canam gemino radiantem fidere frontem,
Unde pharetratus spicula torquet Amor:
Spicula sed flammis, sed adunco praedita ferro;
Nec leviter jussum docta ferire latus;

Fixa

Fixa semel, follers quae non educere dextra,
Non valeat magico Theſſalis ulla ſono:
Ipfæ nec, Ambroſiæ ſuccis incocta ſalubris,
Dictamni Crefſis herba revulſa jugis.
Meriaden teſtor, cui, poſtquam ſenſerat iſtus,
Non mens, non ſolitus conſtitit ore color.
Et tamen auctores plagæ crudelis ocellos
Non odit; magis hos vulnera paſſus amat.
Hos amat, hos ſpectare juvat, ſpectare juvabit,
Quum nive conſperget tarda ſenectæ caput.
Oſcula quid referam, quid eburnea colla, manuſque,
Roſcida quîs cedat mane pruina novo.
Adſpice, quum nigris ſpatiaris comta capillis,
Qua tiliæ Amſtelias mollis inumbrat aquas,
Ut te de vitreis venerentur Naidæ undis.
Leda Jovi magno ſic nova flamma fuit.
Sume canes comites, humeroque impone pharetram,
Jam Dryadum fiet nota Diana choro.
Vernis cinge roſis crinem, vittaque coërce,
Caſta verecundi mater Amoris eris.
Carmine quo nunc ingenium velocius annis,
Perque bonas artes pectora culta feram,
Aut, quales viguere nova ſub origine rerum,
Subdita Saturno quum pia terra fuit,
Extollam faciles, dignoſque hoc pectore mores;
Hoſpitium legit quod ſibi trina Charis!
Adjice fortunatorum decora alta penatum,
Laurigeros faſces, purpureaſque togas.
Quid! taceamne Patrem, tenuit qui providus urbis
Sæpe gubernaculum, naviger Yæ, tuæ,

Quem

Quem mox auguriis poscet sibi curia lactis
 Consulis ac patris rursus obire vices.
Quod precibus si sunt, & erunt, sua pondera iustis,
 Huic acqui Superi secula longa dabunt.
Hoc cupiunt Musæ, cupiunt Tritonia Pallas,
 Et Themis, & Pietas, urbis & ipsa Salus.
Felicem te, Meriade, quod & indole, & ore,
 Sanguine quod tali, præda, puella, tua est.
Sed neque formosæ connubia degener, ipse
 Audiat hoc Livor, tu generosa petis.
Quin in te facies, quam non sine pectore virgo
 Diligat, ingenui quam decet esse viri.
Estque tuum meritum gentes vidisse remotas:
 Et tibi sunt Themidos tempora cincta manu.
Est animus magnis curis, nec honoribus impar.
 Quos jactes, proavos enumerare potes.
Atque utinam clari non immatura Parentis
 Pollice rupisset stamina Parca fero!
Sed quid ego hos luctus renovo, nec ducere crudi
 Scissa cicatricem vulneris ora sino?
Non velit, aut probet hoc, gaudens tuus æthere celsò,
 Meriade, Genitor, conjugioque favens.
Ipse quoque indignas Matrem deponere curas,
 Et viduo lacrimas tergere ab ore jubet.
Ipse vetat questus, procul hinc tuba flebilis ito.
 Ad Veneris pompam tibia laeta facit.
Huc plectra, huc citharæ faciunt, vocesque canoræ,
 Plaudentum choreas huc strepitusque pedum.
Huc pater, exuta prius at cum cornibus ira,
 Bacche, facis, cantus lactitiæque dator.

Sic,

Sic, rogo, nunc adsis. optatam Cynthus axe
 Dum vehit exoriens splendidiore diem.
 Fallor? an & cestum Cytherea incincta potentem,
 E Cypro properans, ad nova sacra venit?
 Maternasque rotas centum comitantur Amores,
 Evincti rutilas flore recente comas?
 Dulcis Hymen, Syria genialia tempora nardo
 Sparsum, odoratas ventilat ecce faces!
 Nulla mora est; praeceam quin jam bona verba sacerdos,
 Votaque ponderibus non caritura suis.
 Vivite felices, Cumaeos vivite in annos,
 Semper & in placito sitis amore pares.
 Aurea Pax, mitisque omni Concordia vita
 Conveniant casto, praesidentque, toro.
 Conjugii vinclis dulces Lucina, novosque
 Saepc favens nodos imposuisse velit.
 Det Deus, ut vultuque animoque simillima vobis
 Perpetuent claram pignora nata domum:
 Ac patriae possint annis volventibus urbi
 Praesidium, Batavae splendor & esse rei.
 Sic vester per secla novis venientia sponfis
 Omen erit felix, summaque vota, torus.



PETRI

PETRI D'ORVILLE
ELEGIARUM
LIBER QUINTUS.

ELEGIA I.

PSALMUS OCTAVUS.

O Deus, o ingens hominum tutela, Paterque,
Imperio magni qui regis astra poli:
Quam tua se latis expandit gloria terris;
Quam toto egregium nomen in orbe tenes!
Surgit ab Eois qua praeceps partibus Eurus,
Quaque sub occiduis definit ille plagis,
Quaque procellosis regnata Aquilonibus ora est,
Et pluvii assiduo quae madet imbre Noti:
Robora lactentes, tenerae tua robora linguae,
Et laudes referunt, Rex metuende, tuas:
Robora, quis saevos superas & dejicis hostes,
Protegis & populum nocte dieque tuum.
Inclyta quum celsi specto palatia coeli,
Quod tua mirificum dextra peregit opus,
Sive illic solem, praebentem lumina terris,
Mulcentemque suae cuncta calore facis:
Sive illic lunam, noctis solamen opacae,
Lucentemque aliter semper ab orbe novo:

Sive

Sive illic certis errantia legibus astra,
 Mens stupet, & mecum sic ego saepe loquor.
 Hei mihi! quo potuit gens tanti humana videri,
 Ut memor illius, tu Deus, esse velis!
 Hei mihi! quam nihil est, & eo non digna favore,
 Illius invisas ut, Pater alme, domos!
 Quid? non aligeris paullo tua dextra minorem
 Fecit, & eximio cinxit honore caput?
 Illi tu liquido libratas aethere terras,
 Illi tu refluui caerulea vasta maris,
 Illi tu pecudes armentaue magna dedisti,
 Per vacuum carpit quaeque volucris iter,
 Silvestresque feras, genus & quod vivit in undis,
 Sive colat fluvios, aequora five colat.
 O Deus, o ingens hominum tutela, Paterque,
 Imperio magni qui regis astra poli:
 Quam tua se latis expandit gloria terris;
 Quam toto egregium nomen in orbe tenes!

E L E G I A II.

ANACREONTIS ODE PRIMA.

ARdor erat, memini, numeris gravioribus ire,
 Et funesta suis dicere bella modis.
 Jam mihi materies heroa in carmina Phoenix
 Cadmus erat, patriam dum fugit exul humum;

Et

Et gemini Atridae, ferroque ignique Pelasgo
Diruta sera licet, diruta Troja tamen.
Nec mora sumta chelys, nervisque intenta sonoris,
Et coepi valida fila ferire manu.
Ter percussa lyra est, toties percussa fefellit,
Pro gravibusque leves reddidit illa sonos:
Proque feris telis, mulcentes corda sagittas,
Lucentesque faces, arma, Cupido, tua.
Projicio citharam iratus, rursusque resumo.
Instruitur chordis sed tamen ante novis.
Jamque paratus eram rursus furialia bella
Dicere, & Herculeae quae potuere manus:
Ut periit Tegeaeus aper, periere bimembres,
Quique suo infelix corpore pavit equas,
Ac gemini in cunis elisi fortiter angues,
Hydraque per plagas & sua damna potens:
Sustulit ut volucres tento Stympthalidas arcu,
Geryonesque triplex victus & ipse fuit.
Nequidquam. Solitos iterum decantat amores,
Nescia consuetis abstinuisse sonis.
Ipse quidem rabiemque paro, bellicque furores.
Sed quid ego haec? contra fortius illa valet.
Aut igitur citharae vocalia fila necesse est,
Aut sua cum saevis linquere bella modis.
Sed potius tamen hoc. Heroum bella valete
Ferrea: non tanti gratia vestra mihi est.

ELEGIA III.

ANACREONTIS ODE DUODECIMA.

Quid tibi vis faciam? quas, dignas crimine, poenas
 Peccatis referam, garrula Hirundo, tuis?
 Quae de te statuum cunctas exempla volucres
 Postmodo supplicio commonitura tuo?
 Ne teneros etiam somnos abrumpere amantum,
 Quacere vel poenas garrulitate velint.
 Et fas est poenam pro rupto sumere somno.
 Lampfacio hinc asinus victima grata Deo.
 Ergo ego, non bene quis peregrinas vecta per auras
 Venisti nostros, hospita tecta, lares,
 Ergo ego rescindam volucres vis, improba, pennas?
 Perpetuis clausam carceribusve premam?
 An potius, referens factum, non crimina Terei,
 Quae nocuit, linguam vindice falce metam?
 Et magis illa nocens. quid enim male garrula somnos
 Sustinuit summo rumpere mane meos?
 Nec tamen hoc unum est. Somni non commoda tantum
 Rapta gemo; quamvis haec quoque rapta gemo.
 Cum somno abreptum queror acrius esse Bathyllum.
 Hic mihi praecipuus pectora moeror agit.
 Nunc facilis mihi visus erat, nunc lenis amanti:
 Carpebam laeto gaudia plena sinu.
 Me miserum! periit somnus, periire lepores,
 Tot periire animo gaudia grata meo.

Quid

Quid mihi si sonitu nocuisset buccina rauco,
 Martiaque horribili tympana pulsa manu?
 Tu, quam longinquo fessam fractamque volatu
 Excepi tectis comiter ecce meis,
 Quam mihi speravi, fueram quia dignus, amicam,
 De qua non potui damna timere mihi,
 Tu mihi, tu talem mercedem, ingrata, rependis?
 Haec reddis meritis praemia digna meis?
 Dicebam, mentemque ira stimulante ferebar
 Pressurus rapida garrula rostra manu:
 Quam motis quoniam effugit velociter alis,
 Fac, puer, actutum nidus in igne crepet.

ELEGIA IV.

ANACREONTIS ODE QUARTADECIMA.

ILle ego, qui Veneris poteram modo praemia magna
 Sprevisse, & duro pectore, & asper eram:
 Ille idem quosvis, quantum mutatus! amores
 Ah! miser adfecto; nec nisi amare libet.
 Nec longum est, memini, me quando adfatus amicis
 Commonuit verbis talia blandus Amor.
 Tempus ad hoc pulcras odisti impune puellas,
 Fasque fuit matris spernere jura meae.
 At nunc, si sapias, animi deponere rigorem,
 Nunc aliquo tangi tempus amore tibi:

I 2

Ut-

Utque velis, placidam Diva praebente puellam
En tibi, & haud duri munera blanda jugi.
Nec licet, aut tutum est, contemnere jussa parentis.
Imperat. imperium vindicat ipsa suum.
Talia commemorat. Sed & haec & plura licebat
Dicere. eram surdis surdior ipse fretis.
Non tulit Idaliae proles animosa Diones!
Fulminat ex oculis ira dolorque Dei.
At tu, qui nostras, ait, audes spernere voces,
I nunc, i vires noscere disce meas.
Protinus infestum violentus corripit arcum,
Jamque humero, telis plena, pharetra sonat.
Contra ego, Pelides qualis vel maximus Hector,
Aut Erymanthaeum qui superavit aprum,
Aligerum contra in pugnas accingor Amorem,
Indutus fortes aere rigente toros.
Ferreus nam pectus circum lorica tegebat;
Gestamen laevae ferrea parma manus;
Dextra gravem latae crispabat cuspidis hastam;
Ense latus cinctum, cassidis aere caput.
Interea volucrem pharetra fidamque sagittam
Deligit, & magno robore mittit Amor.
Illa volat; fueratque mihi sparsura cerebrum:
Vitata inflexo ni foret illa genu.
Mox alia, haud quidquam cedens virtute priori,
Insequitur, dextrum certa ferire latus.
Hanc subito in laevum flectens vestigia saltu
Effugio: vestem strinxit at illa tamen.
Ecce, novem emissis, pharetram bis quinque replebant,
Vitisque novem, frenduit acer Amor.

Ul-

Ultima restabat: restantem fervidus in me
Non profectura dirigit ille manu:
Scilicet e galea modo cristas illa trementes
Abstulit, intactum praeteriitque caput.
Tum vero indomitos agitans sub corde furores,
Saevus ab ignota fraude petivit opem.
Ut, cum forte Jovis speculata e nubibus ales
In prato colubrae livida terga videt,
Devolat in terras, incautumque occupat hostem,
Et telo & rapidis ocior illa Notis.
Sic Deus in nubes postquam se sustulit altas,
Signavitque oculis vulneris inde locum,
Pro jaculo sese multa vi conjicit in me,
Sperantem subitae terga dedisse fugae:
Et jam securo, quidquam nec tale timenti,
Per medium pectus transit & ossa mihi.
Frustra igitur galea, frustra thorace tegebar.
Cum gladio valeat jam cava parma suo.
Nil juvat inductis miseri si cingimur armis;
Munimenta valent exteriora nihil.
Tutus enim, tamquam cataphractus Persa, videbar;
En furit intus Amor, saevaue bella gerit.

ELEGIA V.

ANACREONTIS ODA VIGESIMA.

IN rigidum potuit genetrix Sipyleia saxum
Converti, & lacrimas fundere dura silex:

Et sumptis Procne volitare per aëra pennis,
 Expertasque sibi non prius ire vias.
 Sic ego nunc etiam vellem mutabilis essem,
 Inque loco speculi nunc tibi, Vita, forem;
 A te spectarer, spectantisque ora viderem,
 Dum me de forma consulis ipsa tua.
 Aut fierem, tenui quo circumderis amictu,
 Quaeque tegat teneros palla decora pedes,
 Aut totus liquidas subito tenuarer in undas,
 Ut de me nata, Vita, laveris aqua.
 Imbucremve humeros unguentum factus amator,
 Purpureasque genas, purpureamque comam.
 Fascia vel teretes possem tetigisse papillas,
 Fulgidaque in collo ludere gemma tuo,
 Aut hoc si nimium, fierem modo vincula plantis,
 Ut tererer pedibus semper ab ipse tuis.

ELEGIA VI.

IMITATIO

ELEGIAE PRIMAE ALB. TIBULLI.

Sollicitis alius curis meretur honores,
 Lucrosique obeat jurgia rauca fori.
 Me mea detineat molli Pimpleis in arte,
 Dum mihi circumdant laurea ferta caput:

Dum

Dum non destituat, sed mitis plena ministret
Semper Hyanteis pocula Phoebus aquis.
Ergo vel celeri percurram pectine chordas,
Aut agili feriam fila sonora manu:
Nec calamus interdum labris trivisse pigebit,
Arcadii calamus munera grata Dei:
Nec flavamve Chloen, tenuive Lycorida fronte
Dicere, qua mollem myrtus opacat humum.
Nec, cum ver fuerit, cessabo rite per annos
Debita Pierisin munera ferre meis.
Tum tibi, Phoebe pater, veteri de more litabo,
Nec deerunt capiti florea ferta tuo;
Tum, quae prima novus nobis produxerit annus,
Fixa leges fanis carmina nostra tuis.
Tum non indictum mea fistula Pana relinquet,
Et tua de nobis munera, Bacche, feres.
Deinde tuis faciam, tellus Argiva, poëtis,
Deinde Latina tuis, deinde Batava tuis.
Nam vates seu ferta vetus quis Delia gestat,
Seu novus, ille mihi numinis instar habet.
Tantum, oro, faciles nobis vos esse velitis.
Dona nec e pura spernite parva manu.
Illos, vena beat quos plurima, grandia fas est
Reddere. de nobis sat leve carmen erit.
At vos exiguo, Livorque & Mome, poëtae
Parcite. in insignes arma movenda viros.
Non ego sum, celsò feriam qui vertice coelum.
Egregiis merces varibus ista venit.
Si possim bifido, satis est mihi, monte morari,
Atque aliquem vates inter habere locum.

Quam juvat hic varios placidum ridere tumultus,
Hic dum sperat opes, ille parare decus!
Quam juvat hic riguis spatium molliter hortis!
Quam modo per requiem somnia grata sequi!
Somnia quae nulli sunt umquam visa profano,
Qualia non vulgus, fordida turba, capit.
Vidit at Ascræus vates, quum pasceret agnos:
Ac quicumque sacrae Phocidos amne bibit,
Haec mihi, nodosas alii stet solvere leges,
Et misero linguam prostituisse lucro:
Aut post sollicita suffragia vendita cura
Tergemino vanum tollere honore caput.
Non ego jam nequeo curis semotus ab istis,
Versibus a teneris nomen habere mihi,
Et placidus semper tutae indulgisse quieti,
Aoniisque choris implicuisse manum.
Cum lucro potius magni valeatis honores,
Quam cogar Musas destituisse meas.
Quem capit ambitio, quem fulvum fascinat aurum;
Hunc decet & curas, duraque multa pati.
Me retinent dulcis blandissima vincla Thaliae,
Mille voluptates me, lepidaeque joci.
Non ego laurigeros cupio, mea Musa, triumphos:
Dum de te, quodvis fac mihi nomen eat.
Dum tecum, nemorumque comae, laqueataque topho
Antra juvent, Clariae dulcis & haustus aquae,
Nec pigeat, tibi quis fiat formosa corolla,
Liliaque & mollem deligere ungue rosam.
Quo mihi vel regnum vel Croesi magna talenta,
Si me perpetuo cura maligna premat!

Si

Si me circumstent miseri sine fine labores,
Ac percant Musis otia grata meis.
Ille silex, qui Pieridas quum posset amicas,
Et trigam Charitum semper habere suam,
Maluerit rixasque fori, perplexaque jura,
Aut dubios fasces anxius usque sequi.
Ille licet latum demittat pectore clavum,
Candentisque togae firmate verrat humum:
Ille domos amplas, defensorumque reorum
Ex spoliis campi jugera multa pareat.
Ipse ego te venerer, vivam tibi deditus uni,
Musa mea, hoc feriat dum Libitina caput.
Pro quo, judiciis non vilia praemia nostris,
Non indefectum fac, rogo, terra premat.
Atque aliquis moesto lacrimans in funere clamet,
Thespiadum fueras tu quoque dulcis amor.
Vester amor fuit heu! indignos solvite crines,
Castalides; flavas, Cynthie, solve comas;
Solvite, & absumentum lacrimis donate poetam,
Neu cineri officium dulce negate pio.
Sic clamet. lacero potius sed parcite crini,
Et lacrimis. res haec invidiosa mihi.
Me modo nunc, precor, ad choreas admittite vestras,
Persephone nostram quam secet ante comam.
Hic non segnis ero. valeant fascesque, forumque.
Haec cupidis faciant taedia longa viris.
Ast ego sacro contentus nomine vatis,
Lucraque, palmatas despiciamque togas.

ELEGIA VII.

Q. HORATHI FLACCI ODA NONA LIBRI PRIMI.

CERNIS, ut albenti borealibus aspera ventis
Vestit hiems montes vellere, vestit agros;
Ut nivibus jactis omnis jam silva laborat;
Ut vix impositum sustinet arbor onus:
Ut facit admissos glacies consistere rivos;
Ut, modo quae naves, jam vchit unda rotam.
Et tu frigus adhuc dissolvere, lignaque cessas
Ponere in accensos, o Taliarche, focos?
Quid cessas? dudum perfundat pectora Liber
Laetitia, coecos excutiatque metus.
Nunc tempus, saevos cum frigore spernere ventos,
Ignibus exstructis, appositoque mero.
Cetera magnorum curae permitte Deorum:
Quis coelum, & tellus, paret & unda maris.
Vidi ego sopitum subito consurgere Corum,
Et tumidum fieri, cum voluere, fretum:
Et vidi subito saevas posuisse procellas;
Et fragor in toto gurgite nullus erat:
Nec veteres silvis orni, celsaeque cupressi
Murmura jactatis ulla dedere comis.
Crastina portarit tibi quid, quum fulserit, Eos,
Ne quaesisse velis. Scire futura nefas.
Ipse Deus prudens homini ventura negavit
Noscere, & obscura nocte premenda dedit.

Va-

Vanaque ab excelso ridet molimina, si quis
Quid trepidare ultra fasque piumque velit.
Arripe quod praesens, agita nec mente futurum.
Hoc fatis, haec curae sit tibi meta tuae.
Quemque tibi dederit fortuna secunda dierum,
Utere. praeteriit non reditura dies.
Jam fragiles venient, pulsus melioribus, anni,
Quaeque tuos vultus ruga senilis aret:
Tristia jam venient, pariter veniente senecta,
Et vitae fugient omnia laeta tuae.
Tunc nec blanditiae lususve jocive placebunt,
Nec quondam juveni quae placuere tibi.
Dum vires igitur, dum lusibus utilis aetas,
Dum neque canities inficit alba comas:
Ne tu ne faciles spernas, pulcerrime, amores,
Neve leves choreas sit celebrare pudor.
Nunc tibi sit Campus curae, sit Tybridis unda,
Nunc tibi cum teneris blanda theatra modis.
Gaudia nunc mediae producta in tempora noctis;
Immissa in calices nunc juvet orta dies.
Nec cessent nutus, taceant nec dulcia verba,
Verba supercilio, verba notata mero.
Nunc tibi deprendi cupientem prodat amicam
Rifus ab occulto, quo latet illa, loco.
Nunc gratum manibus pignus, digitove puellae.
Non aegre victae deripuisse juvet.
Omnia nunc facias, quae mox aut tarda senectus
Abneget, aut rapido mors properata pede.

ELEGIA VIII.

Q. HORATHI FLACCI ODA OCTAVA LIBRI SECUNDI.

AT tibi vis credam, Barine! nempe fecellit
Quum tua me toties lingua, datamque fidem.
Nunc etiam memini, quando sic, fallere certa,
Jurabas omnes in mea verba Deos.
Tum poterit, liquidas piscis quum fugerit undas,
Barine dominum deferuisse suum:
Jam pisces undis terras habitare relictis:
Deferuit dominum nostra puella suum.
Quumque ovis abjectis catulos eduxerit agnis,
Barinae Flacco carior alter erit:
Lanigeræ pecudes, catulos educite olentes;
Barinae Flacco carior alter amans.
Credere juranti possem tamen; ulla fuisset
Si te perfidia poena secuta tuæ.
Umquam si qua tuæ, per quas jurata solebas
Fallere, sensissent debita damna comæ:
Factaque formosis si de tot turpior uno
Dentibus, aut uno turpior ungue fores.
At simul, ut miserum ludas, adstringere votis
Non verita es fallax numine teste caput,
Haud tamen, ut decuit, lædunt perjuriam; quæque
Pulcra fuit facies, tum quoque pulcra manet.
Non nocuisse parum est. profunt perjuriam formæ,
Et mentis vitio causa decoris inest.

Pul-

Pulcrrior effulges, ceu sol qui nubibus exit,
Et juvenum incedis publica cura choro.
Credat amans aliquo cineres in honore parentum:
Quis falli possit, nomina vana dabunt.
Numinibus coeli fidas, Erebiq; citatis:
Frustra. juratis decipiere Deis.
Ergo Cydippe, fieret ne perfida, sensit
Sola pharetratae numina sacra Deae!
Vindicta Latiis nulla sectante puellis
Fallere dant Divi seque polumque suum!
Talia nimirum perjuria ridet ab alto,
Exemplisque suis nunc Cytherea favet.
Fertur enim, dubiis si fas est credere, Martem
His lusisse suum non semel ipsa dolis.
Haec Venus, haec Veneri comitatus semper adhaerens,
Cum Nymphis ridet Gratia trina suis.
Ridet &, ardentes acuens in cote sagittas,
Saevior in miseros usque, Cupido, viros.
Adde quod & pubes, tibi quae deserviat uni,
Crescit in assiduos, praeda novella, dies:
Nec prior infidae, quamvis hoc saepe minatus,
Tecta tamen dominae foeda relinquit amans:
Teque suis mater miseris timet anxia natis,
Te nimium parci sollicitique senes;
Te, tua ne lentum tardaverit aura maritum,
In socios nuper ducta puella toros.
Atque haec cuncta tibi, quis credat! commoda praebet
Perfida, nec metuens fallere, lingua, Deos.

EPIGRAMMATA

Versa ex Anthologia.

L. I. 5. 7.

Qui rate transit Atho, pontum pede transit & Helles,
 Terrae mutatis Oceanique viis,
 Hunc ter centeno Lacedaemon milite sistit:
 Proh! pudor! imbelles Dii salis atque soli!

L. I. c. 5. 17.

Moenia Macyni potuit fecisse Philippus
 Pervia. Claude tuum, Jupiter alte, polum.
 Aequeora cum terris Macedo ferus ille subegit:
 Ad coelum restat jam via sola tuum.

L. I. 5. 18.

Ad Jovem de Roma.

Aeratas praeclude fores ingentis Olympi,
 Inque sacri vigila, Jupiter, arce poli:
 Jam maria & terras Romanus sub juga misit;
 Unica nunc superest in tua regna via.

L. I. 12. 6.

Uti opibus tanquam moriturus disce, tuisque
 Tanquam victurus parcere disce bonis.
 Ille etenim vere est sapiens, qui doctus utrumque
 Et facit, & sumtus temperat usque suos.

L. I.

L. I. Cap. 66. 1.

Pauper eram juvenis: senior nunc multa talenta
 Possideo, nimium sorte in utraque miser.
 Uti quum poteram, quantum illa tenere fuisset!
 Nunc non utendae quo mihi dantur opes?

L. I. 66. 3.

Est animo dives quicumque, is denique dives;
 Cetera divitiis nam potiora tenet.
 Hunc etenim recte locupletem & multa tenentem
 Dixeris, uti opibus qui bene doctus erit.
 In nummis vero si quis tabescit, adeptis
 Festinans alias addere semper opes,
 Adsimilandus api est, multo studiosa labore
 Quae, rapienda aliis, non sibi mella legit.

L. I. 71. 1.

Mordeat ipse malos vel mus, proverbial dicunt,
 Dicere sed non sic hoc decuisse puto.
 Sed mage; mus hominesque bonos, litumque perosos
 Mordeat, ipsa autem nec petat Hydra malos.

L. I. 67. 1.

Lumen ut exstinguit stellarum orbisque Dianae
 Sol, simul ignito moverit axe diem:
 Sic chorus occubuit vatum prior, ut fuit ortus
 Præradians musae fulgor, Homere, tuæ.

L. I. 77. 1.

Si galeata cygno cantare simillima possit,
Si cum lusciniis noctua certet iners,
Cedere dicatur si grata cicada cuculo,
Ipse ego Palladio non minor esse queo.

L. I. c. 85. 2.

Heliodore, boni thesaurus grandis amici:
Ast illi, talem qui retinere sciat.

L. I. 87. 1.

Fida soporiferas pullis circumdabat alas
Gallina, hibernae dum riguere nives:
Assiduo periit sed frigore: namque manebat
Horrificas arcens aetheris usque minas.
At vos, o Progne & Medea, rubescite matres
Sub Styge, discentes alitis hujus opus.

L. I. 87. 4.

Quum terras circum volitasti & litora, hirundo,
Medeae pictis nidificas tabulis.
Tunc tuis fidam speras fore Colchida pullis,
Quod natis olim non fuit ipsa suis?

L. II. 13. 5.

Hermocrates Nafi: nam si vis dicere nasum
Hermocratis, parvis tum male magna dabis.

L. II.

L. II. 40. 1.

Sunt etiam Furiae, quae te fecere poëtam,
In Musis; temere hinc scribere multa soles:
Oro igitur, scribas quam plurima; namque precari
Majorem possum non tibi stultitiam.

L. II. 50. 12.

Quo tibi divitiae, si mens est sordida, magnae?
Heredi dives, pauper at ipse tibi.

L. III. 12. 5.

Non tibi conjugium, Cleariste, casta mariti
Zona recincta manu, sed fera fata tulit.
Sub noctem festis resonabat tibia tectis:
Laetitiae thalami janua signa dabat.
Mane sed immenso reboarunt atria luctu,
Ipse quoque in carmen flebile versus Hymen.
Taedaeque quae sponsam sponsi deduxit ad aedem,
Monstravit functae sub Phlegethonta viam.

L. III. 14. 12.

Hector donavit gladio Ajacem, Hectora balteo
Ajax: letiferum munus utrique fuit.

Idem aliter.

Ajaciis periiit Hector dono, Hectoris Ajax.
Quid! scires hosti munus ab hoste datum.

K

L. IV,

L. IV. 12. 22.

Arma videns Pallas Cythereïda forte tenentem,
 Sic, Cypri, judicium vis subeamus? ait.
 Dulce Venus ridens respondit, nil opus armis,
 Palmam nuda tuli, nunc clypeata feram.

L. VII. 29.

Aureus imber erat, Danaë's quum zona recincta est,
 Praebueruntque aditus aerea tecta Jovi.
 Fabula sic ait: Omnipotens sed aënea tecta
 Aurum perrumpit, vinclaque nexa fecat.
 Hoc solidas restes, clavesque refringit aënas:
 Virgineum hoc flectit triste supercilium. ^
 Hoc quoque mota fuit Danaë. jam ne quis amator
 Sit Veneri supplex, si queat aera dare.

EX DANIELE HEINSIO,

Quum amicae patriam praeternavigaret.

Urbs salve, Batavae fortunatissima terrae,
 Demophilen nostram quae ter amata tenes.
 Urbs salve: praeceptis alio nos abripit aestus:
 Dictaque mox linguam rupta jubente Noto.
 At mihi tu verbum dic hoc illius in aurem
 Unum: jucundum nam reor illud erit.
 Nos medias licet inter aquas, tamen ut prius uri
 Antiquis medias ignibus inter aquas.



PETRI

PETRI D'ORVILLE CARMINUM LIBER.

I.

CHRISTUS TRIUMPHANS
IN CRUCE.

EX

JOANNIS VOLLENHOVII,

BELGICO.

Quis me docebit canticum, dignum, novum?
 Quis o! triumphales sonos?
 Ut siderum super arduas feram domos,
 Grates agente carmine,
 Fontem beatitatis unicum meae,
 E ligno Iesum pendulum.
 Vocale sed nec incolens Clio nemus,
 Nec ipse barbiton suam
 Nobis Apollo commodet, furentium
 Efficta vatum numina.
 Dispar volenti sanctiusque nunc melos,
 Permessidos pro flumine,
 Pindi canoro monte pro biverticis,
 Rupes erunt Calvariae.
 Non, si vagans Sionis arduo jugo,
 Potis Siloes fontibus,

K 2

Auras

Auras camena personem Davidica,
Tropaea tanta dixerim:
At stirpis ingens germen o Jesseïac,
Idemque sed stirpis sator,
Herusque summus! mene conticescere
De laudibus fas sit tuis?
Tecum cruenti dira, tecum scandere
Montis juvat cacumina!
Tibique, flexo poplite ad feram trabem,
Manus tulisse supplices:
Illic & hujus lubricum vitae bonum,
Et blandientis perfidos
Seculi dolos, fumosque inanes Africo
Oblivioso tradere:
Et prorsus illic obrutum subsidere
Amoris alto gurgite
Magni, stupendi; vulneravit qui magis
Te, Christe, subfixum cruci,
Clavi lacertis quam trabales fortibus
Durisque adaecti malleis.
Polita procul hinc ite nobis carmina,
Quibus optimum forent melos
Lamenta mixtis lacrimis incondita,
Cum sole deliquium & pati.
Natura vatem sic praeit, ululatibus
Ferisque praegnans planctibus.
Amara luctus unde vox sorat vagi
Utramque per Phoebi domum.
Moestum repente deserit dum lux diem,
Tellusque mugit horridum,

Imis

Imis tremiscens & vacillat sedibus.

Hoc, hoc sepulcris mortuos

Prodire cogit, carne vestitos nova,

Orci refracto carcere.

Hoc sacra limina implet, & quatit metu,

Dum rupta pandunt abditum

Aulæa templi, robur & ceu. fissile

Saxosa moles diffilit.

Coelum superne, infraque tellus intonet,

Cuncta & minentur ultimam

Licet ruinam; mundus hunc mirarier

Mundi laborem desinat.

Quid? Filium videmus an non hic Deum,

Dei voluptatem Patris,

Pendere trunco, posteris heu! Hæci,

Et gentibus ludibrium?

Illudque spinis asperis læsum caput,

Taboque foedatum putri

Radiis coruscans quod diem vincentibus,

Tabor stupefcebat modo.

Qui serica nos veste, qui plumis aves,

Viridante campos cespice,

Stellisque magnum ceu peplo induit polum,

Nonne hunc egenum tegminis,

Crudeliterque membra tentum cerminus?

Frontemque, fronte qualibet

Formosiolem, & igneis astris parem,

Spectantiumque gaudium,

Squalere floris instar, immiti pede

In turpe dejecti solum?

Coeli reclusum nuper & quibus atrium
Patebat, illa lumina
Corrupta fletu, semiapertis & genis
In morte jam natantia?
Auresque dentis vulneratas impii
Injuriosis moribus?
Aures, lubenter combibebant quae prius
Vocem loquentis haec Patris:
Hic noster est, hic natus, illi flectite
Terrae universae poplitem,
Capeffite hujus jussa, sic mando Deus.
Vos, ora non mortalia,
Vitaque plenus sermo, plenus gratia
Fluebat unde perpetim,
Rubere tota quam cruento verbere
Vos intuemur, & Dei
Faucem resectam vix aceti, proh! nefas!
Ac fellis haustu noxii.
Manus benignae! quis salutem redditam
Debere se tot agmina
Fatentur aegrotantum, ab ipso saepius
Reducta mortis limine.
Pedes stupendi; stagna qui liquentia,
Ventisque turgidum mare,
Tutis soletis ambulare non secus,
Ac sicca terrae, passibus.
Crudele ferrum findit ut vos, ossuum
Ut dividit compagines!
Surgit camena, surgit hic alte tamen,
Conferta dicens proelia.

Heros

Heros sed ecce! qualis incedit meus,
Judae ille de tribu ferox
Leo, recenter ex Idumaeo velut
Descendat in praedam jugo.
Ingens propago tu sed Heroum, quater
Et amplius salve mihi,
Tabo cruento membra sparsus, hostium
Qui contudisti robora.
Tunc, quando nusquam in ultimo discrimine
Comparuit quid auxili,
Calcere praela solus iracundiae
Coelestis ausus fervida.
Adhuc amictus unde victor obtines
Succo decoro sordidos,
Te fortiter sequentium haud sine gloria.
Io triumphe! nobilem
Adorea, triumphe nos bis io! juvat
Clamante voce prosequi,
Hebraea dum gens saevit impotentia,
Vomitque contumelias.
Illum licebit exsecrando stipiti
Vesaniens dexteræ
Inter latronum bina figant corpora,
Mirabile o dictu tamen
Fulgens coronae protinus decus impetrat
En unus ex sicariis,
Huic mente fesus pensili recta viro.
At signa cernit imperi
Non ulla, non monile, non satellites:
Adparet hic nil regium.

Diadema solum ex vepribus premit caput.
Pro purpura rubet cruor.
Clavique, plantis scamna, sceptræ dexteræ
Sunt, perforantes singula.
Nunquam at quadrigis vectus in Capitolium
Sublime victor aureis
Sic est locutus, quale noster Golgotha;
Hac ipse luce gentibus
Hac imperare me videbis omnibus
Coeli receptum regia.
Fides, futurum ultraque cernens ultimos
Patentis orbis terminos,
Non stipite aut offenditur clavis, neque
In rebus hæret terreis.
Sic intuendo perseveramus sequi
Heroa nostrum adhuc, polo
Exemplar unum militantis agminis,
Qui fluctuanti Pontio
Bene absolutus, inde damnatus male,
Et tractus heu! in Golgothæ,
In Golgothæ cacumen illactabilis,
Non criminum poenas nocens
Expendit illic, sed cruore plurimo
Tropæa manans erigit,
Quis Cæsaris tropæa concedant, licet
Aquilis subegerit suis
Omnes, patet qua terra lata, principes.
In arce Mortem propria,
Ibi audet oppugnare, conscius licet,
Monumenta quod victoriæ

Hic

Hic excitare crebra victrix sueverat.
Quin cum suis Erinnyfin
Illic Avernum sustinet lacerare,
Dolore crescentem suo:
Mox ipse curru quem triumphali sedens
Ducet frementem dentibus,
Collo retorto, & impias vinctum manus;
O! insolens spectaculum.
Foedatur omnis qua maligne conditis
Albetque campus ossibus,
Passimque raptu corpore avulsae manus,
Pedesque truncati jacent.
Arena in ista, pallida formidine,
Horrore quaque lurido
Plena, videmus acriter concurrere
Heroas inter se duos.
Par quale numquam Phoebus adspexit cadens,
Marisve surgens fluctibus.
Vastis tremendum proeliantur viribus
Hinc quippe Cocyti Draco,
At inde Michael bellicosus, cum duce
Potente, dux potentior.
Caliginosis prodeat nunc sedibus,
Quodcumque funesta Styge
Infanda sacramenta funestum magis
Dixit Tyranno Tartari,
Adversus alti scita sancta Numinis
Semper parato tendere.
Atqui reportat inclytam victoriam
Hinc noster Heros, fortiter

Pressa furentem fauce sternens Cerberum.
Sudore quamvis plurimo
Hoc constet illi proelium, & serpens feris
Calcem fatiget moribus;
Muliebre semen sic oportuit tamen
Contundere obtritum caput
Stygii colubri. In credito primis male
Parentibus pomario
Furiarum ovabat ductor infernalium:
Hic versa belli est alea.
Nobis Iesus fortibus quando toris
Servile fregit vinculum.
Ex quo proterva matris Evæ dextera
Peccavit in foetu arboris
Interminato, nationes posteræ,
Reæ parentum criminis,
Sese prementi subditas mortis jugo
Sensere inevitabilis.
Nobis at ambas Christus ex orno manus
Amore puro porrigens
Contra venena pharmacum letalia
Fit ipse præsentissimum.
Illumque, vitæ permanentis arborem,
Crux, mortis arbor, sustinet.
Traxit ruinam pressa si quondam domus
Utraque Simsonis manu,
Tum, quum virorum, certus emori, dedit
Leto tot unus millia.
Palmis hic alter ecce! Simson faucibus,
Et adligatis ad trabem,

Aeter-

Acterna tecta regiae fundat suae,
Spoliumque rapit ex hostibus.
Quamvis Tyranni nigra vivus agmina
Humi valebat sternere,
Nunc pluris ipsis constat, Herois fero
Nex vindicata fulmine.
Lignum coëgit vile si dulcescere
Marae liquores asperos;
Verum crucis gustare nos lignum facit
Fluenta rursus gratiae
Coelestis, haurientibus mitissima.
Si trabs, in undas dextera
Conjecta vatis, perditum produxerit
Ab amne ferrum; trabs crucis
Meros miseriae dudum ineluctabili
Nos extrahit voragine.
Iacobus in quiete scalas viderat
Convexa coeli tangere;
Ut angeli nos ocyusque per crucis
In astra tollimus gradus.
Erectus anguis per Moysen acreus
Contra feros serpentium
Ictus medetur, saevienti toxico
Quarum gemebat Israël.
At delitescens carne mortali Deus,
Suspendus infami trabe,
Amarulentis corda scissus vocibus,
A peste turpium suam
Gentem nocente vindicat libidinum,
Et vulneratus vulnera

Per-

Perſanat inveterata. ſaxa, ter quater
Percuſſa ſceptro, dextera
Moſaea quondam fregit, atque ex aridis
Manare fecit cautibus
Largos liquores, ſicca quīs tot agmina
Fauces levabant torridas.
Hic ſe, ſiti hic eneſta mens inebriat
Fuſi cruoris atque aquae
Torrente, Chriſti perforata cuspide
Quem coſta mittit plurimum.
Hac fauſtitatis fons perennis profluit,
Cantatus ille vatibus,
Salemicae qui civitatis eluens
Abſtergat informem ſitum.
Venis, Ieſu, de tuis manans cruor,
Reſ margaritis carior,
Rivusque amoris, ac beatitudinum
Scatebra jugis omnium,
Tuus ille ſanguis mollit offenſi Patris,
Et placat iracundiam,
Levatque nos dolore, mentemque anxius
Confirmat in conflictibus:
Aeſtumque ſedat conſcientiae, ſitim
Explere & animarum valet.
At noſtra mens te non, Ieſu, maxime
Hac voce damnatum putat;
Hunc tollite, Hunc, clamantis Hebraei, in crucem
Dudum merentem tollite.
Conferre culpam quaero non in iudices,
Myſtaſve legum ac rituum

In-

Infestiores, consciosve praemio
Emos, & intestabiles.
Nos, Christe, nos porreximus spumans tibi
Coelestis irae poculum,
Deceptus orbis praeda ne Diti foret,
Quod hauriebas impiger.
Fructus negatae post comesos arboris;
Quodcumque patratur, scelus
Venit luendum, culpa quaelibet tibi est
Furentis ictus mallei,
Caputque acuta spina laedens cuspide,
Vibexque dorso saeviens,
Sicco palato noxius fellis sapor,
Et vulnus altum pectori,
Ac rore clavus sanguinis stillans tui.
Ego ille nequam, proditor
Herilis innocentiae; Te, mi Deus;
Ego abnegavi saepius,
Nec voce sola; ego te ligavi vinculis,
Tuumque juravi in caput.
Meus Redemptor sed, paratus quaelibet
Et perpeti, & culpa procul,
Pro tot nefandis, mortis atrocissimae
Mercede qui steterunt sibi,
Offert eundem sanguinem, cujus reus
Habere tabo perlitam
Agnosco dextram, more sed nullis aquis
Piabilem Pilatico.
At labe tanti liberat me criminis,
Liquor o! inaeestimabilis,

Hic

Hic ipse sanguis, lacrimis mixtus meis,
Profundo quas miser, pudens,
Humique stratus, corda sanctis legibus
Percussus & fractus Dei.
Lugubre crux modo ingemiscendum videt,
Eademque rore mox genas
Siccare terfo, dum salutis obsidem
Amplector ulnis arborem.
Nunc deficit mens, nunc in altum cum Deo
Cruce sublevatus recreor.
Contemplor hic spectaculum mirabile,
Sed me quod insimul beat!
Ira calentis inde Vindictam Dei
Cerno, hinc paratam Gratiā.
Severa Justitia ultionem clamitat,
Remittit hanc Clementia:
Litem diremit Numinis mens provida,
Utrisque largiens suum.
Videmus hac pendere membranas cruce,
Quis singulorum crimina
Stant victimarum denotata sanguine,
Numeroque inexplicabili.
Sed illa curas rursus omnes eximit,
Nobis quod illic exhibet,
Et testibus, fidisque signis præditas,
Impunitatis literas,
Ceraeque prorsus creditricis nomina
Expuncta; dicta quod die
Perfolvit omne debitum sponsor meus.
Lignoque eodem vincere

Ru-

Rubore vel corallium vel sanguinem
Peccata nostra conspicer:
Et albicare rursus haec lana magis,
Lapsa recenter aut nive.
At ipse me plus gente Judaea, suum
Dominum trucidante & vadem
Dementer, excusare vix, vix audeo.
Infaniente quin adhuc
Videor Abrami cum nepote dicere,
Illius in nostrum caput
Cruor redundet, inque nostra pignora.
Quamquam ab Jacobi posteris
Poenas severas provocata numinis
Ob hoc reposcat ultio;
Capitale condonatur id nobis nefas,
Christi rigatis sanguine.
O luctuosis lusa gens fallaciis,
Quae diceris frustra patris
Proles Abrami, contumax & degener,
Quam vestra vellem lumina
Satis paterent! nec gravata hebescerent
Cum mente, Moſis tegmine!
Tantum at viderent, ipse quantum creditur
Vidiſſe, quum vidit Deum!
Tum cerneretis, protegente nemine,
A cognitoribus malis
Vestrum hic premi, jocumque fieri adstantibus,
Emmanuellem, virginis
Alvo e pudica qui ſtatuto tempore
Coeli ſub auras prodiit,

Et

Et carne sese vestiens nostra suum
Orbi reconciliat Patrem.
Jam non Adamus falleret vos hic novus,
Tot dura pro nobis ferens,
Et, ipse quam portarat ante, fera in cruce
Efflans supremos halitus:
In se omnium nam sarcinas receperat.
Non vos carens majoribus
Melchisedechus hic lateret amplius,
Quem jure jurando Deus
Legit sacrorum antistitem perennium:
Cui solvere decimas parum,
Primasque fruges; quippe nos & omnia
Huic nostra debemus, quia
Majora nobis contulit, quam tritici
Laetaeve foetus yinceae.
Tot arietes mactare quid porro attinet?
Quid tot capellas urere
Sacris in aris? parce, parce sanguini,
Levita, tandem bubulo;
Coeleste tura respuit Numen tua.
Frustra obsecratas jam Dei
Aures fatigant mugientium boum
Sublata coelo murmura,
Tristisque balantum ejulatio gregum,
Quos mucro crudelis necat.
Se sponte morti noster agnus offerens,
Quem candicanti vellere
Tot rite depinxere nobis hostiae,
Vatesque praedicaverunt,

Istis

Istis carere ritibus dudum docet,
Sacroſque Aäronis foco
Exſtinxit ignes, ac favillas obruit.
Fufus per aras ſcilicet
Tauri cruor, graveolentis aut hirci, male
Animas nocentes expiat.
At corda tantum luſtrat agnus, in cruce
Suffixus, illic immolans
Seſe lubenter: venit unde in ſidera
Odoris aura ſuavior,
Quam turis aut acerra, vel pinguedine
Altare fulmans naribus
Per ſeculorum tot Deo lapſum obtulit.
Hic parte nulla debilis,
Hereditaria inquinatus nec nota,
Sed labis expers ac luis,
Candore totus lacteo ſpectabilis,
Vitaeque purus, innocens,
Amoris acri toſtus immenſi face,
Atque, approbantis viſtimam,
Conſumtus omnis ignea vi Numinis,
Fuſo litavit ſanguine.
Hebraea trepidat, horret, ac pallet domus,
Quoties tonantia hauriat
Præcepta legis, a Deo ter maximo
Dictata Moſi; qua petit
Ebal nivofis ſiderum domos jugis.
At fulminantis tot minae
Legis, tot imprecationes horridae,
Nunc reciderunt ſub crucis

L

Faſco

Fasce heu ! gementis in caput vicarium :
In illud unicum caput
Effudit omnis se Dei indignatio :
Servetur ut Abrami genus.
Quod si per orbem ferret arma bellica
Equo Redemptor insidens ,
Septus catervis mille, mille curribus ,
Solamen ut cassum foret !
Testudo Christum regia haud talem canit ,
Judaea qualem somniat ;
Sed despdatum , cuncta tento corpore
Sed cujus ossa supputes.
Messiam ut agnum praedicant mitem sacra
Nobis Esaiae carmina ,
Qualisque obiret muta & innocens ovis ,
Altaribus quae sistitur.
Gravatus ille, quaeso, tot diris mihi
In fausta cedat omina :
Ejus dolores atque contumeliae
In gaudium & vertant decus :
Judaea quidquid obstrepat , male Graccia
Vel feriata rideat.
Procul recede , Aaronis o qui pro foco ,
Et abrogatis victimis
Pugnas adhuc ; crucisque quisquis regia
Volens aberras de via.
Piaculoque ab hujus, oblato semel ,
Aufer profanam dexteram ,
Qui rupe pectus durius quavis gerens
Hunc non sine probris in cruce

De-

Defigis iterum, sic inexorabilem
Tibi conciens iram Dei.
Tuque hinc abi, qui crediturum te negas,
Lateri manum immergas licet.
Et qui sacratum venditare sanguinem
Aes adferenti sustines,
Quin vel minori saepe, quam Judas prius
Quo dirus ipsum vendidit.
Pestes nefandae vos salutaris crucis
Hinc ocyus facessite.
Nobis adire convenit culmen sacrum,
Non ore qui tantum crucem,
Corde at fatemur, dulce quibus esset pati
Et dulce cum Christo mori.
Palmis supinis nos decet, flexo & genu
Huic supplicare pensili.
Quaecumque pars hic corporis sese movet,
Immota vel loco manet,
Haurire certe quaeque nos vivam sacro
Invitat undam gurgite.
Nam sive ad ulnas illius convertimur,
Amplexibus totae patent.
Sive ad caput recline, nobis pignora
En pacis offert oscula.
Pendens Iesus, omnis expers tegminis,
Et improbis derisui,
In candidis nos, ante nudos turpiter,
Ovarè vestibus facit.
Spinis acutis vepribusque tempora
Innexa, dilectis Dei

Diadema spondent regium, mortalibus
Fulgore sceptris praenitens.
Tendique, praebens membra tortori, finit,
Quo vena, quo nervi tremant
Crepentque, coctus ut suos ad se trahat
Humo levatos in polum.
Pedes retenti tot trabalibus cruci
Clavis adaectis, fat docent,
Numquam daturum terga deformi fugae,
Dum perlitaverit Patri.
Et plaga cordis, horridum lateque hians,
Rupto instar amnis aggere,
Undas profundit gratiae, postquam latus
Crudelis hausit lancea.
Tum, quot fideles degimus testes crucis,
Non usitata gaudia
Coelestis experimur indulgentiae:
Tum mella flava cogimus
Ac pingue olivum caute de durissima.
Tum sicut examen frequens
Apum, volamus ad beata culmina,
Ut os per illud pallidum,
Pectusque saeva fauciatum fraxino,
Sanemus aegrum spiritum.
At quo moramur? ire quid nos impedit?
His balsamum rimis fluens
Quum profit ipsi perduellium agmini,
Plutonis adflato face.
Quid? non sacerdos ille pro nobis Deum
Rogaret, adfidens Patris

Dextrae verendi? pro scelesto supplicat
 Furentis en turbæ globo.
 Qui, figere ipsum ceu cruci parum foret,
 Latronibus cingit latus,
 Illum sinistra collocans, hunc dextera.
 Qui polluisse nec sacras
 Solymae reformidavit arces, nec sui
 Mutare delubrum Dei
 In turpium crudele praedonum specus.
 Verum rapinis, caedibus,
 Infame culmen antea Calvarium,
 Convertit usus ad pios
 Iesus, & precum aptat in castam domum.
 Hic sicut orator potens
 Dium tribunal ad severi judicis
 Delicta nostra diluit.
 Vel ipse summi munus implens arbitri
 Absolvit extemplo reum,
 Iniqua, foeda, dira condonans simul:
 Coelique stellatam domum
 Recludit illi, qui tenebrosa Styge
 Luenda perpetraverat.
 Servator orbis, luce qui fruens adit
 Coenas easdem fontibus,
 Majora pronæ signa mentis ultima
 In mortis hora præbuit,
 Istoque cariora pane, tam diu
 Qui paverat pressos fame
 In aridis locisque desertis; sui
 Dans ipse carnem corporis

Animis egenis in dapem lautissimam;
Raptisque secum in aethera
Novo propinans plena musto pocula
Saporis haud narrabilis.
At tu ferocis seculi ferocior
Tyranne, nunc summo Deo
Victus dedisse visus es demum manus:
Animi quid autem vel tibi,
Vel inferorum quid fuit fatellirum
Turbæ rebelli? cernitis
Ubi e sepulcris mortuos escendere
Jubente semimortuo:
Orci nocentem fauce præripere reum
Sententia infantis rei:
Repente caecis e cavernis Golgothæ,
Velut patente ex ostio
Erebi reclusi, tanta post discrimina,
Prodire Abrami liberos:
In prata coeli quis renidentis, fide
Abramica nixis duce,
Ingressus ante contigit, sol æquore
Quam mergeret serum jubar.
Quid? quando fracti, & imparts certamine,
Vidistis, ut natus Dei,
Sputo inquinatus ora turpi, livida
Loris perustus corpora,
Sanguine fere defectus atque spiritu,
Sectus probris, & arbore
Pendens, scelesto cuilibet ludibrium,
Ut sic Deo natus tamen

Fle-

Fletus supremos, frigidumque corporis
Sub morte rorem, atque halitus
Novissimos, novissimumque sanguinem
Impendat haud quaquam irritus
Populo suo; spondit olim quem Pater
Ipsi, & dicavit proprium,
Quum luna nondum, nec vagae noctis faces,
Coeleste sol splenderent.
Qui nemini numerandus, & longissimas
Dispersus orbis per plagas,
Tamen cohaeret, jungiturque artissime,
Mentes ligante spiritu,
A quo nec in laboribus nec otio
Unquam relinqui cernitur.
Populus, negantem ferre se mundum sua
Patientia qui subjugat:
Nequit nefanda quem libido vincere
Nec vi, nec ullis artibus.
Cui nulla res est visa gloriosior
Quam mors Redemptoris fui:
Beatitudo summa cui Christi crucem est
Novisse, quo decet modo.
Hac erudiri concupiscens, unicam
Scientiam hanc pronuntiat,
Seseque dignam, & maximis laboribus.
Invicta gens, gens aerea,
Molitiones invidorum per malas,
Per damna, per ludibria,
Penuriamque, quae suèvit crescere:
Nec pressa grandi pondere

Fatiscit unquam, palma sed ceu nobilis,
Omnes ruentis aetheris
Temnens procellas, altius tollit caput,
Nec compedes, nec verbera
Exhorret, enses aut minaces cuspide,
Ipsisque flammis pascitur.
Nec ista perfert Stoica arrogantia,
Caecive ducta pectoris
Audacia, sed pertinax defendere
Cruce signa pendentis ducis:
Adhuc fidelem carne qui turmam sua;
Suoque pascit sanguine:
Verboque semper, & potente spiritu
Tutatur, & fiduciam
Animosque dat quocumque majores metu,
Ac commoveri nescios,
Voce aut tyranni blandientis illice,
Instantis aut vultu truci;
Mortis dolores, atque vitae commoda
Aequae paratos spernere,
Nec quae tulere, nec ferenda postmodo
Curare quid pericula:
Tantum beatos, opperiri dum vacant
Laboris exitus sui,
Extrema vitae meta donec lubricae,
Fatalis aut mundi dies
Omnes Iesu jungat arta copula,
Est ipse junctus ut Deo.
Hoc plus sed Orci servet indignatio,
Rudensque & hiscens horridum

Vomit corusca mixta flamma sulphura
 In nos apertis faucibus.
 Desponsa coeli virgo facta est ut parens,
 Enixa prolem masculam,
 Illam cruentus persequi non destitit
 Paludis inferae Draco,
 Verrens sed orbis torquet immensos humum,
 Linguaeque sibilans vibrat,
 Depascere ardens morsibus dudum feris
 Artus trementes avio
 Errantis in saltu, & sibi, & magis suo
 Partu timentis foeminae.
 Torvis Megaera cum sororibus licet
 Nobis echidnas subrigat,
 Furens furentes; triplicique Cerberus
 Latret tremendum gutture;
 Eructet atris & Chimaera rictibus
 Phlegethontis undas ignei,
 Ut pulsa rupes fluctibus frustra maris,
 Stat nostra mens immobilis.
 Deproclientur hinc & hinc quamvis fera
 Venti procella conciti,
 Fundoque ab imo mota tollant acquora,
 Spumetque coelum adspergine,
 Te te, Redemptor, qui, Styge ut nos liberes,
 Vitae fuisti prodigus,
 Certum est sequi per dura terrae, per maris:
 Quaecumque sortem jussieris,
 Quaecumque bella, vel labores, in tuae
 Subibimus spem gratiae.

L 5

Nam,

Nam, signa dum sol fixa permeat poli,
Jubente cedent numine
Per ora fida praedicandae in posterum
Ubique gentium cruci
Tumultuantis Tartari molimina.
Simul atque vocem tinnulam
Clangens Olympo sustulit crucis tuba,
Immanis ille Cerberus,
Caudam pudenda contrahens formidine,
In infimam fugit Styga:
Transvectus astra noster Heros at subit
Jubar ad inaccessum Dei,
Caputque multa luce vallatus micat
Inter chororum tot faces
Coelestium, minora mille & lumina,
Quibus hinc & hinc circumdatur.
Ubi per interrupta gaudia casibus
Nullis perenne nobilis
Decus triumphi immensa vis testudinum,
Et enthae voces canunt.
Ut jubilum hoc per omne coelum volvitur!
Vasta ut resultant atria!
Laetas choreas mutuis ut nexibus
Ducunt beati coelites!
Ut ferta numquam laureae marcentia
Victricibus plectunt comis!
Ut ipse cunctis eminet, Titan velut
Praefringit ortus sidera!
Mox unde puncto qui redibit temporis,
Praedulce mentibus piis

So-

Solamen, at nefario gregi metum
 Laturus & formidinem.
 Jam non ab orno triste dependens onus,
 Sed nube sublimi sedens,
 Ac, quot viguerint, quot vigeant, aut vigent
 Cunctis videndus gentibus:
 Nullo latrone septus, at satellite
 Juvenum phalange praepetum.
 Non ad tribunal judicis tractus, suum
 Sitientis usque sanguinem,
 At ipse rex, censorque de vivis ferens
 Et mortuis sententiam.
 Optabilem salutis illucescere
 Tum cernimus laeti diem,
 Tum sustinemus colla, depulso metu,
 Erecta coelo tendere.
 At impiorum quidquid in cubilia
 Fugit ferarum, vel cavae
 Rupis recessus. Tum scelestæ natio
 Agnoscit ipsum, spiculo
 Cujus latus peregit, & lumen pavet
 Ira flagrantis flammeum.
 Quid hora pulchra tardat hæc? cessat mali
 Cur ista liberatio?
 Age sis, Iesu, cuncta jam jam finiens,
 Veni, precor, veni ocyus.
 Explemus at labore quia nostro est tuus,
 Dum degimus vitam, labor,
 Beata donec fulgeat coelo dies,
 Tu, quaeso, tu coetus tuos,

Gra-

Gravi gementes sub malorum pondere,
Ne derelinque, sed novo,
In hac palæstra flebili, semper velis
Firmare mentes robore.
O! instet agnus, in cruce expirans modo,
Victoriae viam suae,
Et copias profliget omnes hostium,
Ac saeva contra spicula
Nobis sit instar aegidis septemplex,
Aëneaeque cassidae.
Fletu dolores ejus, & curas graves
Pensare discamus pio.
Piaculari qualis haesit in trabe,
Stet cordibus depingere.
Haec, haec imago sculpta mente, pectore,
In ultimos perftet rogos.
Amoris haec incomparabilis tui
Meminisse cogat jugiter:
Amoris, actus quo supremum reddere
Non denegasti spiritum;
Qui siderum te cum sepulcrali specu
Mutare perpulit domos.
Hic nostra, quaeso, conflagrare pectora
Pari vicissim det face.
Vixisse flammis semper istis ut juvet,
Istisque flammis emori.
Cunctis Iesus spiret unus sensibus,
Nostros & adfectus regat.
Magis magisque sentiat Christi nece
Immunda se mori caro.

Pravas, simul vitale lumen hausimus,
 Cupiditates infitas,
 Non desinunt vexare quae mentem piam,
 Radicitus crux eruat.
 Rex ille regum faxit & ratum mei
 Votum supremum carminis,
 Ut, perdomantes cordis arrogantiam
 Ac contumaces spiritus,
 In cereis fidisque doctrinam crucis
 Servemus omnem mentibus.
 Haesisse sic nos crederemur optime
 Cum Christo eodem stipite:
 Extremus ipsi solveretur sic honor
 Et iusta per nos debita.
 Puris Iesum dexteris demtum cruce,
 Busto decente sic novi
 Castique tandem poneremus pectoris,
 Quod dignitate vinceret
 Excisa nuper vel sepulcra marmore,
 Tenuissimam vel carbasum,
 Carumve quidquid cura Iosephi pia
 Aut Nicodemi contulit.

TITYRUS, CORYDON
& MENALCAS.

Tityrus & Corydon placidi prope fluminis undam
 Populea pariter coierunt forte sub umbra;
 Ambo defessi, vitantes ambo calorem,
 Pastores ambo, atque ambo cantare parati,
 Ille Hiemem, laeti laudare hic commoda Veris.
 Tityrus hinc coepit: partes nam forte canendi
 Contigerant primae: Corydoni, forte secundae.
Tit: Jupiter exegit per tempora quatuor annum:
 Per Ver, Aestatem, Autumnum, Brumamque nivalem.
 Sed tamen a puero duo jam magis inde placebant,
 Aestas, aestatique affinia tempora Veris;
Cor: Nos e temporibus, secuit quis Jupiter annum,
 Non breve Ver adeo potuit, Aestasve juvare,
 Quam genialis Hiems, canis adoperta pruinis,
 Autumnusque caput praecinctus messibus alnum.
Tit: O vestras utinam possem bene dicere laudes,
 Inceptisque meis bonus adspiraret Apollo.
 Cetera nam tantum superatis tempora, quantum
 Vel rosa vera, rosam quae nascitur inter aristas.
Cor: Non, mihi si calamos tradat Pan ipse canoros,
 Ex meritis possem vestros extollere honores.
 Cetera nam tantum fas cedere tempora vobis,
 Quantum maturis pyra fas est cedere cruda.

Tit:

Tit: Vere novo Boreasque fugit frigusque remittit,
Et molles Zephyri sibi debita regna receptant.

Tunc aër mitis, tunc omnis parturit arbos,
Parturit omnis ager, tunc florentissimus annus.

Cor: Desit ut Autumnus, decerunt simul omnia, namque
Tunc pyra, castanæque nuces, tunc poma leguntur
Mitia, multa tumet gravidis tunc uva racemis,
Plenaque maturae segetes tunc horrea rumpunt.

Tit: Vere novo mediis ludunt Delphines in undis,
Septa pecus, pastorque focos invisa relinquunt,
Perque novam frondem volucres audire canentes
Silvicolæ gaudent Satyri, Dryadesque puellæ.

Cor: Autumnus nimis pastores solibus ustos,
Et recreat pecus omne; Autumni tempore rursus
Dulce sonant volucres mutæ fervoribus æstæ,
Nec metuens solem Delphin caput exerit unda.

Tit: Vere novo faciles ducit Cytherea choreas,
Nympharum & lepida Charitum comitante caterva.
Vere novo blandis pastores carmina Musis
Et Phoebo cantamus; amat tunc carmina Phoebus.

Cor: Non minus Autumni formoso tempore lactos
Exercent Pomona choros, custosque Priapus.
Non minus intonsi tunc & genialia Bacchi
Orgia nos cantamus; amat tunc hæc quoque Bacchus.

Tit: At sol æstivas si incenderit acrior horas,
Quam juvat Aurora primo sub mane rubente,
Avia pascendas agere ad dumeta capellas,
In campumque agnas etiamnum rore madentem.

Cor: Verum quum Brumæ redierunt tempora, saltus
Non opus est longe, longe vel quaerere fontes:

Pin-

Pinguibus in stabulis facilis labor omnia praebet,
 Et laticem, & frondes vefcas, foenique maniplos.
Tit: Quid quum jam medius languentes ducere ad undas
 Sol suadet pecudes: nunc molli in gramine lenem
 Prostrati ad fontem, fomnos captamus inertes:
 Nunc gelidis antris imitamur Pana canendo.
Cor: Nos celeres sequimur lepores, nos figimus apros,
 Et dulcem praedam venamur montibus altis.
 Si fuerit glacies, ferrati vincla cothurni
 Nectentes pedibus, rapidos praevertimur Euros.
Tit: Quid si tunc posita Lyde non abnuat ira
 Nobiscum aut antro, aut multa recubare sub umbra,
 Non mage curamus solem, solisque calorem,
 Quam rigidae curant undarum verbera cautes.
Cor: Quid mecum quoque si structos succedere ad ignes
 Non dubitare velit, perii quam semper, Elissa,
 Frigora nos sic curamus Boreanque sonorum,
 Ut generosus equus latrantem multa Lyciscam.
 Talia dum certant, canum jam menta Menalcan
 Abdiderant salices, veritum turbare canentes.
 Profiliens tandem pueros adfatur amice.
Men. Non me musta recens lacubus manantia plenis,
 Non sic mella juvant Hyblaeis condita ceris,
 Quanta me alternum juvit dulcedine carmen.
 Quare fume pedum, torno quod, Tityre, factum
 Dixit Alcimedon: paribus spectabile nodis,
 Aerataque nitens en cuspide. Tu cape peram
 Confutam, Corydon, nuper de pelle caprina:
 Quam necdum tetigit panis vel caseus unquam.
 Parcite dia tamen, pueri, Jovis illius acta

Exi-

Exigere ad vestrae paganica pondera librae.
 Omnia facta Deum nam sunt bona & omnia sancta.
 Ver, Aestas, Autumnus, Hiems vice quaeque recurrens
 Ubiore beant mortalem munere vitam.
 Interea prono confurgens Vesper Olympo
 Pendentes pueros blandi senis ore subegit
 Vix repetisse gregem, peraque pedoque superbos.

III.

E x

A N T H O L O G I A E

L I B R I P R I M I

Capite Ultimo.

EN pigra ventoso discessit ab aethere bruma,
 Blandaue purpurei riserunt tempora veris.
 Pulcra virescenti vestitur gramine tellus,
 Et rediviva novis pubescit silva capillis.
 Omnis ager ridet, lacrimas dum rorat ab axe
 Memnonis alma parens, panduntque rosaria flores.
 Dulce sonat calamo pendens de monte bubulcus,
 Duxque ovium teneris gaudet ludentibus hoedis.
 Navita placatas perlabitur aequoris undas,
 Nulla pericla timens, Zephyrus dum carbasa tendit.
 Euoe thyrsigero clamant, iterantque Lyaeo
 Turba corymbiferis frontem praecincta corollis.

M

Flo-

Florilegis apibus jam fingere daedala tecta
 Est curiae, invigilantque domus per septa labori,
 Stipataque novo sexangula nectare cera.
 Alituumque canora cohors ciet undique cantus:
 Alcyones pelagus, Progne tigna alta domorum,
 Flumina blandus olor, virgulta celebrat Aëdon.
 Quod si silva comis, & gaudent floribus arva;
 Sauve canit pastor, luditque capella per herbas;
 Aequare nauta volat, choreasque inducit Iacchus;
 Dant volucres cantus, & apis mel sedula fundit;
 Quomodo vere novo non caritet dulce poeta!

IV.

Ad juvenem praestantissimum atque adfinem

JEREMIAM VAN DER MEER,

Quum J. U. Doctor pronunciaretur.

Quum tu pars juvenum splendida principum,
 Quos urbis patriae spes fovet Amstelra,
 Leidanae peteres moenia Pallados.

Fausto, Meriade, pede:

I, dixi, Aonidum quo rapit impetus.
 Votis ipse bonis Jupiter adnuens,
 Praecinctum referet post spatium breve
 Lauru tempora Delphica.

Fal-

Fallorne? an meritis auctus honoribus
Jam fulges, decus & contribuit tibi,
Olim sepositum rite colentibus,
Virgo Justitiae potens?

Sic est. sidercas festa ferit plagas
Te mystam Themidos vox iterantium.
Nec vanum augurii me probat haec dies,
Qua victor remeas domum.

Exempla at juvenum nunc cave noxia,
Quorum proh! Superi! spissa nimis cohors
Infectat patriam, dedecorantium
Fulgentes proavis domos.

Praecepta Themidos non bene laurea,
Molli dulce putant diffluere otio
Curarum immemores. at magis in dies
Virtus deficiens fugit;

Ac desideriiis corda semel malis
Polluta improbius mox scelus inquinat.
Hinc nullus patriam frangere rem vetat
Damnosa pudor alea:

Hinc vino madidos sol oriens videt,
Serusque & medius: lustrave obambulant,
Nuptarum aut, vetitum lege, cubilia
Incesto pede adulterant.

Sed dux ut sapiens, fudit ubi hostium
Robur, non residet, sed fugientium

Turmas insequitur, trajiciens vaga
Forti flumina milite :

Nunc castella rapit vi, remorantia
Victrices aquilas, sulphure nunc tonans
Tormentis gravidis, aërias solo
Moles dejicit urbium.

Tu vestigia sic lucida perprime
Heroum veterum, turpis inertiae
Vitans illecebras, atque iter arduum
Laudis currere pervicax.

Sin exempla sequi forte domestica
Mavis, Eliadem respice avunculum,
Virtutis rigidae pulvere sordidum
Pulcro, cujus in auribus

Arcana Amstelii tuta fidelibus
Deponunt proceres. vel magis, ut decet
Natum haud degenerem, facta imitabere
Prudens magnanimi patris :

Coetu nobilium quem modo judicum
Mirata est toties curia praesidem,
Cives jus quoties inter & hospites
Aequo examine reddidit.

Nuper pro meritis cui dedit Amstela
Sedem conspicuam concilio in patrum :
Mox, non vana monet Calliope, volens
Majus contulerit decus.

V.

A D

FRANCISCUM OUDENDORPIUM,

Quum leporem dono misisset.

FRanci candide, mi venuste Franci,
Sic, o, sic Charites Facetiaeque,
Atque omnes pariter te ament Lepores,
Ut nobis modo, care, delicatum
Misiſti leporem atque mollicellum:
Quo nil ſuavius elegantiusque,
Nil lautum magis, aut magis ſaporum
Praeberi potuit meo palato,
Aut noſtrum ſimul hoſpitum palatis:
Sane nec ſtupidis nec inficetis,
Sed, forte excipere hinc meum licebit,
Judicare catiſ & eruditis,
Si quid dapſilior de ferina
Ad gulas faciens Apicianas,
Silva miſerit haec vel illa menſis.
Verum o inſula fortium Batavum;
Tam caram patet eſſe te Dianae,
Cara quam Cereri diu fuiſti,
Quae nutris lepores ſolo feraci
Carnoſos adeo atque ſucculentos,
Ut quotquot lepores opima Tellus
Campis pinguibus, aſperis rubetis,

M 3

Sil-

Silvis nigricomis, jugis apricis,
Nunc alitque aluitque aletque quondam,
Omnium merito atque singulorum
Hos dicas leporum esse primipilos.
Franci candide, mi venuste Franci,
Quam tu nos epulis beas opimis,
Et dum nos epulis beas opimis,
Quot risus simul & jocos ministras!
Nam tuae memores benignitatis,
Ut mensas posuit puer secundas,
Poscentes cyathum capaciorem,
Spumantemque Deo meraciore,
Haufimus cyathum capaciorem,
Spumantemque Deo meraciore,
Uno funditus impigri tenore:
Clamantes, bene ter sit o quaterque
Optimae dapis optimo datori:
Optimo genio optimi sodalis.
Franci candide, mi venuste Franci,
At pro munere quid tibi rependam,
Isto tam lepido & pereleganti!
Nostros versiculos tibi rependam,
Quamvis nec lepidos nec elegantes,
Dum rebus nequeam referre grates
Ex acquo lepidas & elegantes.

VI.

AD PUERUM

Viro Reverendo

ROELANDO VAN THIEL

recens natum.

CResce, puer, carumque, precor, virtute parentem
 Aequas, Thiliacam perpetuasque domum.
 Ipse tamen prudens exempla cavebis in uno,
 Cetera laudati, prava referre Patris.
 Visere nam veteres semper promittit amicos,
 Sed servare datam negligit usque fidem.

VII.

F A B U L A

AD FRATREM

JAC. PHIL. D'ORVILLE.

NOcere virtuti obstrepentium cohors
 Frustra ut laboret, fabula haec, Frater, docet.

Fortis Lycisca, & genere multum nobilis,
 Spectata herilis villulae custodia,

M 4

Ali-

Aliquando strata per viarum publica,
Comitata catulo, obambulans, ibat suo.
Statim protervae, ac nobiles parum, canes
Huc confluebant, plurimum latratibus
Viam replentes, ac lacessentes probris.
Tum catulus, has male contumelias ferens,
His ad parentem fertur usus vocibus.
Tu quin in istas fortiter jam jam irruis,
Ac lacera spargens membra dudum dissipas!
Cui mater: at sine, inquit; hi faciunt enim,
Ubique tantum cur Lycisca praedicer.



ADOPTIVORUM LIBER,

SIVE

CARMINUM

PETRO D'ORVILLE

INSCRIPTORUM.

I.

AMICO INTEGERRIMO

PETRO D'ORVILLE.

Natalem celebrare tuum me carmine poscis,
 Et bona tam fausto dicere verba dic.
 Poscis, ut annosi dulcissima pocula Bacchi
 Ex animo pellant tristia quaeque meo.
 Poscis, odoratis redimitus tempora fertis,
 Ut dem turicremis debita dona focis.
 Nulla mora est, jussis ultro paremus, & ultro
 Natali cupimus solvere vota tuo.
 Scilicet haec lux est, qua te, carissime rerum,
 Enixa est utero mater amata suo.
 Qua te blanda Charis tenerum complexa lacertis,
 Edocuit risus, edocuitque jocos;

M 5

Qua-

Quaque tibi Phœbus, turba comitante Sororum;
Fronte serenata prospera signa dedit.
Ille tibi viridi sua sacra reclusit in ævo,
Et fore te cecinit tempus in omne suum.
Hinc, quos vulgus amat, nunquam sectaris honores,
Nec tibi sollicito pectore quaeris spes.
Sed colis Aonias, tibi numina magna, Puellas,
Fundis & argutis carmina culta modis.
Divitiis alius famam sibi crescere gaudet,
Tu docto versu nomen habere cupis.
Gloria perpetua est, sibi quam doctrina paravit,
Quaecunque ex opibus quaeritur, ista perit.
Sed mihi jam videor gratantes cernere amicos,
Qui tibi sincera munera mente ferunt;
Felicemque tibi natalem rite precati
Accumbunt mensis, candide Petre, tuis.
Hei mihi! cur sociis ego non numerabor in istis!
Hei mihi! cur me non terra paterna capit!
Amstela nunc utinam me, vel te Leida teneret,
Amstela tam nobis, quam tibi Leida placet.
Tunc agerem lactas pede luxuriante chorcas,
Et facerem blandis gaudia longa jocis.
Tunc hilari certare mero me saepe juvaret,
Purpureasque comis imposuisse rosas.
Tunc ego perfusus rorantia tempora nardo
In laudes irem, blande Poëta, tuas.
Tunc agilis, gratusque forem, tunc plena leporis
Carmina dictaret docta Thalia mihi.
Tunc tua festivo resonarent atria cantu,
Laetitiam nobis eliciente Dep.

Sed

Sed quoniam cupidus te cingere non licet ulnis,
Hos elegos pro me pignus amoris habe.
Sic facilis sit Musa tibi, sic pulcer Apollo
Adspiret votis, dulcis Amice, tuis.
Sic tibi carminibus furgat nova gloria, sic te
Ducere dent placidos candida fata dies.

DANIEL SIMON SIBERSMA.

II.

JAC. PHIL. D'ORVILLE

EPISTOLA

AD FRATREM CARISSIMUM

PETRUM D'ORVILLE.

V Ade bonis avibus Fratri, mea Musa, salutem
Dicere: nam domino non licet ire tuo.
Fallor, an invitis penetralia nostra relinquis
Passibus, & tacto limine saepe redis?
Dura tamen glacies jam non laesura meantem:
Non nix te rapidis obruet acta Notis.
Nam, modo quae fuerat crystallo vineta rigenti,
Divite merce graves jam vehit unda rates.
Hibernaeque nives, liquefactae sidere Phoebi,
Impellunt lymphis flumina prona suis.

Eque

Eque peregrinis allapsa ciconia terris
Veris odoriferi prospera signa dedit.
Nec te trans Alpem longinquas tendere ad urbes,
Nec jubeo auriferi Gangis adire sinus.
Non intestinis concussa Britannia bellis,
Vadere quo timeas jure, petenda tibi est.
Haud procul hinc nostrae jacet urbs contermina Leidac,
Quae sua ab Amstelii nomina duxit aquis.
Hinc a gramineo circumdatur undique rure;
Tunditur hinc undis, Ya sonore, tuis.
Dives opum: celebris per latum mercibus orbem:
Nam caducifero semper amata Deo.
Haec adeunda tibi. cur gressum, Musa, retorques?
Ire potes tute: nec tibi longa via est.
Carpe iter, ut medias Titan contraxerit umbras:
Contigeris jussum, sole cadente, locum.
Quoque minus metuas, haec est mihi patria tellus.
Vidi hic Phoebae lumina prima facis.
Forte times, nullus ne dicat, qua sit eundum,
Incertoque erres hospita in urbe pede.
Pone metum: portas simulac penetraveris urbis,
Magnus erit numerus, qui tibi monstret iter.
Tu modo, qui placeat, de turba selige quendam:
Certus in ambigua dux erit ille via.
Lacva tot ostendet positas longo ordine naves:
Grajugenis Helene quot repetita fuit.
Ad dextram cernes sublimia surgere tecta:
Regibus hospitii est principibusque locus.
Inde tenore pari mediam duceris in urbem,
Qua sociant undas Amstela & Ya suas.

Huc

Huc ubi pervenias, stupefactae curia sese
Ingeret, abscondens nubibus alta caput.
Hanc merito dices inter miracula reponi,
Graecia quae jactat, quaeque Canopus habet.
Non procul hinc aedis celsas se tollit in auras:
Hanc dic silvicolae templa superba Deae.
Atria mox cernes Atlantis sacra nepoti:
Non alio colitur sanctius ille loco.
Hic mercator opes mundi permutat: emitque
Quidquid habent ortus occiduaeve plagae.
Sed propera: nec te palatia celsa morentur,
Vel trahat illecebris quaeque plataea novis.
Qua pons per sectas rivis labentibus oras
Plurimus innixum fornice sternit iter;
Et tiliae viridans media nemus urbe ministrant,
Atque umbris gelidas sole calente vias.
Quaque superbarum series bis trina domorum
Exserit arboreis culmina celsa comis.
Tu Babylon, tu Roma tace. nec Palladis arces
Jactent Theseae brachia longa viae.
Nil habuit par priscus, habet nil par novus orbis;
Longinquis veniens finibus, hospes ait.
Verum perge domum Fratris, mandataque perfer;
Non hic spectatrix desidiofa venis.
Hunc aut inter ephemeridas tabulasque videbis
Curantem patriae ne minuantur opes:
Castaliosve inter cernes, sua sacra, libellos,
Nectare qui Grajo Romuleoque madent.
Forfan Aristophanis lustret cata dicta jocosque,
Quis secuit populum, Cecropi terra, tuum.

Atto-

Attonitusve legat Peligni carmina vatis :

Os cui par Grajis ingeniumque datum est.

Anne elegis teneri capitur magis ille Tibulli?

Cujus ab ingenuo vena lepore fluit.

Ipse vel accensus, qui vates incitat, igne,

Cantet amabilibus carmina docta modis.

Nam quamvis Maja veneretur Atlantide natum,

Non negat Aonidum debita tura choro.

Munera Mercurio sua sunt; sua munera Musis:

Quam colit ille Deum, tam colit ille Deas.

Cumque illis idem generis sit Jupiter auctor,

Quid coluisse vetat numina bina simul?

Denique quidquid agat, confestim cuncta relinquet,

Adventum simul ac noverit ille tuum.

Obvius occurret venienti, teque fovebit

Amplexu, tectis excipietque suis.

Nec mora, causa viae, quae sit, valcamne, requireret,

Et quibus in studiis tempora nostra teram.

Me, dices, illi per te misisse salutem,

Quam modo laturus, si licuisset, eram.

Membraque cara domus parili donare salute

Ne nostro renuat nomine, blanda roga.

Vivere mox addes vacuum curaque metuque:

Lactum inter libros Pieridasque meas.

Me modo mirari numeros sublimis Homeri:

Me modo Battiadae combibere aure sonos.

Hellade lustrata Latias me tendere ad oras,

Et celebres Claria visere ab arte viros.

Cumque tot illustres produxit Roma poëtas,

Quis Aganippeo fonte levata sis,

An-

Ante tamen cunctos, mira dulcedine cantus,
Nasonem sensus vincere posse meos.
Me quoque narrabis veteros sub pectore flammæ
Sensisse, inque artes me rediisse bonas:
Tempore sed tanto defunctum condere versus
Verba aegre numeris cogere posse suis,
Non tamen ut carmen studium sit inutile visum,
Murmur & audierim, turba profana, tuum.
Semper enim colui Divas, Helicon morantes,
Ac dum membra regat spiritus ista, columen.
Phoebus, Castalides, & vetis amabile nomen,
Numquam animo fuerint non venerata meo.
Testis es ipsa mihi, quoties componere carmen
Tentantem curæ distingere graves.
Testis es ipsa mihi, quam sæpe negotia densa
Nunc etiam coeptos præpediére modos.
Dum trahar antiqui modo ad incunabula mundi,
Barbariesque recens tædia multa croet;
Aut modo sollicitè Judæam noscere linguam,
Vel quam Persa vetus, quamve locutus Arabs;
Aut modo, si detur mortali scire, requiram,
Fecerit hunc mundum qua ratione Deus.
Ipse sed Aonidas venerari, hortabere, pergat:
Quamvis hortatu non eget ille tuo.
Utque mihi crebro genialia carmina mittat:
Carmina fraterni pignus amoris erunt:
Carmina erunt testes non esse obliviam nostri:
Carmina carminibus causâ futura meis.
I nunc felici, quo mitteris, omine, Musa,
Utque decet, domini jussu capesse tui.

III.

A D

C A R I S S I M U M A M I C U M

P E T R U M D' O R V I L L E.

HOc tibi, Belgiadum vatū spēs maxima, carmen
 Mittitur a socio, candide Petre, tuo.
 Perlege, si tanti est: fidum testatur amorem,
 Nec me Castalias deseruisse Deas.
 Est qui divitias, est qui sibi quaerit honores:
 Conveniunt votis ille nec ille meis.
 Mollis & insigni spectanda Elegeia cultu
 Me juvat: hac sola dote placere velim.
 Divitiae pereunt, possessoremque relinquunt,
 Non pereunt longo carmina docta die.
 Haec animum mulcent, istis comes anxia cura est;
 I nunc, cum dulci carmine confer opes.
 Est tamen heu! aliquis, quem jam pudet esse poetam.
 Dii faciant, voto munera digna ferat.
 At tibi, cui longe melior sententia menti,
 Dent faciles Musae pangere posse modos.
 Tu modo dilectas fidus cole, Petre, Sorores,
 Jam Clarius laurum porrigit ecce Deus.
 Applaudit jam turba tibi dulcissima vatū,
 Jamque comis properat florea ferta tuis.

DANIEL SIMON SIBERSMA.

IV.

IV.

AMICO CARISSIMO

PETRO DORVILLIO.

Quid toties rigidus mea, Petre, silentia damnas?
Censor & cur, te iudice, deses ego?
Ergo ego sum torpens, ego sum tibi tardus inersque?
Mentiar, haec si sunt crimina amata mihi.
Non mea, si qua fides, pinguescere corpora tanti est,
Segnia nec tanti est otia velle sequi,
Mollitiem ut lentam vacuae subrepere menti,
Ac te me patiar posse vocare pigrum.
Scindere parce, precor, duris mea pectora verbis:
Quae premit immeritum poena, querenda premit.
Vera tamen fateor: nullo de carmine limam
Audeo iudicii poscere, ut ante, tui.
At temere inculsor doctas odisse Sorores:
Scribo, sed rapidis carmina danda focis.
Non odi Musas: Musae me odere dolentem:
Divarumque probat Delphicus acta Deus.
Nempe parum sana credebam mente, quietem
Otiaque ingenium poscere parva meum.
Acrior ut redeat renovata in pectora fervor,
Et vena versus uberiore fluant.
Sic, ubi fertilibus requies est praebita sulcis,
Post sata majori foenore reddit ager.

N

Quin

Quin mihi, nam recolo, tunc hæc quoque verba canebam.

Carmina ab alterna facta quiete juvant.

Dulcius intermissus amor delectat amantem,

Faxque magis cupidum cor rediviva fovet.

Venator sic sæpe canes, & retia linoit,

Laetius abruptum quo repetatur opus.

Hæc & plura mihi: sed sum deceptus, & error

Me malus infaustus suasit inire moras.

Pergere debueram clivosa per ardua semper,

Nec sub prærupto sistere colle pedem.

Culpa levis Divûm nimirum obnoxia poenae est;

Offensi causam numinis error habet.

Hinc me nunc plectunt Musae, mea facta perosae,

Uteriusque negant dicere, quo sit iter.

Nam, meditor quoties aliquod deducere carmen,

Principio cursus vis mea fessâ labat.

Ausus eram nuper felicia Caesaris arma

Dicere, & invicta fixa tropaea manu;

Innumerasque urbes, castellaque capta canebam,

Barbaricasque fugas, barbaricasque neces;

Threïciosque duces, oneratos brachia vinclis.

Excidit ingenio Caesar, ut arma, meo.

Tunc ego materiem caussatus, posse putabam

Talia non vires pondera ferre meas.

Adsumsi que elegos, numeris levioribus aptos,

Ad faciles tentans flectere verba modos.

Vix opus incepti: rursus mens pressâ labore

Protinus in primo deficit aegra loco.

Quid facerem? iratus memini, mea pulpita rupi,

Est calamus digitis fractus & ipse meis.

Jam-

Jamque erat, ut, Musis totoque Helicone relictis,
Otia coepissem desidiaque sequi:
Quum gemitus altos, disruptaque verba prementem
Me vidit, vasto qui volat orbe, Puer.
Nec mora: lunato ponens sua spicula nervo,
Hos blando placidos edidit ore sonos.
Ne doleas semper, lamentaque vana profundas,
Hoc cape, quodque canas, incipe, amator, opus.
Dixit, &, emissâ tenui stridore sagitta,
Certa sedent vacuo pectore tela meo.
Nexaque odoratos, gemma radiante, capillos,
Idalia properans risit ab arce Venus.
Risit, & ambrosio Dea sic est ore locuta,
Consolans verbis faucia corda suis.
Lætus ama, juvenis, fortesque Cupidinis arcus,
Et dominæ formam, nostraque regna cane.
Tunc, tibi si laurum persistat Musa negare,
Imponam capiti myrtea ferta tuo.
Ter Venus hoc cecinit: adsensaque numina Pindi
Sunt veniam misero visa dedisse mihi.
Omne lætati teneros meditamur amores,
Coepit & ingenium lenius ire mihi.
Jamque levi faciles nascuntur pectore versus,
Et grave de toto corde recessit onus.

FRANCISCUS QUDENDORPIUS.

V.

Capitibus Carissimis

P E T R O D' O R V I L L E,

F R A T R I U N A N I M O,

E T

J A N O G R A E F L A N D,

A M I C O R U M O P T I M O,

*Quum mihi in Britanniam proficiscenti Propempticon
scripsissent.*

Q Uamvis expediant nostri jam carbasa nautae,
 Atque Eurus facilis lintea plena vocet,
 Non possim blandis non respondere camenis,
 Quas, Germane, mihi, quas mihi, Jane, voves,
 Vel non officio, mihi quod praestatis uterque,
 Ex aliqua gratus reddere parte vicem;
 Et parilem parvo testari carmine curam,
 Mutuaque affectus prodere signa mei.
 At mihi nec Musae, mihi nec dictarit Apollo,
 Verum, qui vestro carmine spirat, Amor,
 Quique ministravit calamo tot dulcia verba,
 Votaque in aequoreas officiosa vias.
 Talis, qui tenuit Pollucem & Castora quondam,
 Et qui Pirithoo Thesea junxit, erat;

Ta-

Talis erat, qui fata sequi te, Nise, sodalis,
Et Pyladen socio jussit adesse suo.
Talis & in nostro ni flagret pectore flamma,
Vestra, licet, careant pondere vota suo;
Et mihi currenti Triton exasperet aequor,
Vel caput hoc imis obruat unda vadis.
At mihi si non sit te, Frater, carior alter,
Et te fraterno more, Sodalis, amem,
Tum mihi Cymodoce concussas mitiget undas,
Atque humeris portet per vada caeca ratem;
Tum mihi per placidum ludentes cernere pontum
Dorida contingat Nereïdumque choros;
Meque det optatos portus intrare Palaemon,
Et faveat vestrae rex maris ipse preci.
Non ego laxabo dubius retinacula prorae;
Nec timidus vasto gurgite vela dabo.
Tuta futura mihi sunt caerula: Jane, sodali,
Et, Frater, fratri parce timere tuo.
Numina nam norunt, quod sim non falsa locutus,
Atque omni fuco carmina nostra vacent.
Coelestesque sub hac mihi conditione vocati,
Securam tribuent per freta magna viam.
Scribere plura libet, prohibet sed scribere plura,
Quae sequitur properas ancora tracta manus.
Ergo, animae dulces, multum salvete, putantes
Tempora discidii non fore longa mei.

JAC. PHIL. D'ORVILLE.

VI.

A D

PETRUM DORVILLIUM.

Dulce sodalitiæ membrum, spes maxima Pindi,
 Telluris Batavæ grande future decus;
 Ecquid in Amstelæ nostræ non immemor urbe
 Degis, & Aonias pergis amare Deas?
 Ecquid, ut ingenium facile est tibi, pangere versus
 Et gaudes Latiam sollicitare chelyn?
 Me nunc Leida tenet doctæ sacrata Minervæ,
 Hospitium Charitum, Castalidumque domus.
 Hic mihi, dum varias cupio perdiscere linguas,
 Vix licitum sacris, Phoebe, vacare tuis.
 At tibi, ridenti quem lumine vidit Apollo,
 Pieridum choreis invigilare datur.
 Et datur, & fas est Musas coluisse faventes:
 Areaque ingenio magna reclusa tuo.
 Roditur intactum nigra rubigine ferrum,
 Nec fruges posito vomere reddit ager.
 Fertile & ingenium, nullo exercente, peribit,
 Et torpet longa vena benigna mora.
 Tempora cum fuerint rebus data justa paternis,
 Deliciis poteris lactus adesse tuis.
 Hoc rogitant Fraterque tuus, sociusque Sibersma;
 Ille tibi junctus sanguine, at ille fide.
 Interea hos elegos placato suscipe vultu,
 Sisque memor socii tempus in omne tui.

DANIEL SIMON SIBERSMA.

VII.

VII.

PATRI CARISSIMO

P E T R O D' O R V I L L E,

J. U. D. titulum gratulato.

C Armine, quo partum nobis grataris honorem,
 Te Permessæo fonte bibisse negas.
 Quod tamen ipse negas, ajunt tua carmina: plus hic
 Carminibus, Frater, quam tibi, credo tuis.

* * *

VIII.

C Arminibus missis cur nolim credere, quæris?
 Non sunt hæc, Frater, carmina scripta tibi.
 Partim scripserunt, mendacia numina, Musæ;
 Partim fraternus, fallere suetus, Amor.

* * *

IX.

O Ppressis nostram commendas, Frater, opellam.
 Sic tibi sunt animi cognita jura mei!
 Tempus ad hoc igitur Phœbi pia castra secutus,
 Nunc inter rabulas æra merere velim,
 Et coram indocto vel iniquo judice vocem
 Rixoso valeam prostituissæ foro?
 Non ita. Si jussit fieri me Parca patronum,
 Exulibus Musis, crede, patronus ero.

JAC. PHIL. D'ORVILLE.

N 4

X.

X.

E L E G I A

A D F R A T R E M

P E T R U M D' O R V I L L E ,

In Anglia haerentem.

J Am duodena coit pleno Latonia vultu,
Atque iterum Cancri brachia sole rubent,
Oblitum tenuit dum te patriaeque domusque,
Lente, peregrinis terra Britanna locis.
At mihi discedens, memini, Phoebea priusquam
Impleat, ajebas, cornua sexta foror,
Ancora nostra Mosae rursus mordebit arenas,
Jungeturque iterum dextera nostra tuae.
Spes mea lenta fuit; tandem patientia victa est:
Ulterius renuit nostra querela moram.
Saepe per Oceani spatio vada longa minori
Navita ad auriferos itque reditque sinus.
Nec me pollicitis tantum tua lingua fefellit:
Venit & ad partes litera missa mihi.
Litera maturos reditus sperare jubebat;
At tecum mendax litera facta tua est.
Ah! quoties coelo nubes ventosque notavi,
Si foret in cursus utilis aura tuos!
Ah! quoties micuere sinus, quum flabra tonarent,
Tu quasi jam medio gurgite vela dares!

Ah!

Ah! quoties, si quis pulsaverat ostia, Frater,
Clamavi, meus est! nec tamen ille fuit.
Saepius adversis feci convicia ventis,
Inque Eurum & Borean aspera dicta dedi.
Quid, Zephyre, Aeolio, dixi, cunctaris in antro?
Aëris immensi libera regna cape.
En nemorum vernos Boreas populatur honores;
Et segetum teneras obterit ille comas.
Tu potius placidis delapsus ab aethere pennis
Pinguia secundo flamine rura fove,
Germanique ratem, Florae blandissime conjux,
In Batavos portus tuta per alta vehe.
Audiit & Zephyrus, centumque per aequora puppes
Attulit, at puppim non tulit ille tuam!
Si tibi cura fuit visisse palatia regum,
Eductasque ducum celsa sub astra domos,
Aureaque Oebaliis surgentia templa columnis;
Et quascumque alias suspicit hospes opes,
Jam licuit dudum lustrasse, Britannia quidquid
Cognosci dignum conspicuumque tenet.
Saepe tibi insolitas corpus languere per auras
Sum ratus, aut ustum febre cubare toro.
Quique viatorem spoliantque necantque latrones
Multa mihi magni caussa fuere metus.
Interdum Fratrem, quasi te dimittere nollet,
Principium longae finximus esse morae.
Nuper & est nostris cantatus in aedibus Hymen,
Germanaeque facem praetulit almus Amor,
Signaque lactitiae, voces sonuere, lyraeque,
Perque epulas acta est candida rite dies.

N 5

At

At te non Hymen, non connubialia sacra
Moverunt patrios, lente, redire lares.
Atque aliquis, mirans absentem, Forſitan, inquit,
Ille, peregrina virgine captus, abeſt.
Et juvenis, teneriſque ætas eſt luſibus apta;
Et facile accendat cor juvenile Venus.
Novimus illecebras, & blandas novimus artes,
Uſa quibus, capit hic femina cauta virum.
Illic conveniant juvenes comæque puellæ,
Atque æſtate ſimul ruſ geniale colunt.
Aut in equis errant villas & compita circum,
Agmen Amazonidum quale fuiſſe reor:
Aut ubi dant tiliæ, ſpatiantur, amabile frigus,
Aut adeunt, ſi quæ ludicra pagus habet.
Suntque aditus faciles, morumque licentia major,
Et virgo partes pæne rogantis agit.
At tibi cum Britonum, dic; quid, fugitive, puellis?
Externam cupiat non pater ipſe nurum.
Si tibi mens avida eſt ſocialis denique tædæ,
Spiculaque in tenerum pectus adegit Amor,
Amſtela formoſis habitatur mille puellis;
Materiam flammæ præbeat una tuæ.
Quo tibi in externis, quod donat patria, quaeras?
Amſtelio conjux Amſtelis apta viro.
Priamides numquam flagraſſet amore Lacaenæ,
Ilios Argolica non foret uſta face.
Finibus in Pagææ nuptam legiſſet Iâſon,
Non fleret foci tecta cremata ſui.
Forſitan & patriæ ſubierunt tædia mentem,
Deliciisquæ placet terra Britanna novis:

Et

Et nitidos cultus miraris divitis aulae,
 Turbaque sunt Batavi rustica visa tibi.
 Dii meliora velint! alienos nec tibi fines
 Natali libeat praeposuisse solo.
 Et Frater magnum jamdudum explevit amorem:
 Non in perpetuum te sibi pactus erat.
 Hospita terra tribus de fratribus auferat unum.
 Pars major patriae debita jure tuac.
 Eia age, quid cessas diverso longius orbe?
 Albionis pulsa litora linque mora:
 Inque ulnas tandem, dilecte, relabere nostras,
 Et dubia pectus speque metuque leva.
 Jam tibi Rhenani spumant carchesia Bacchi,
 Et tenera in reditus pascitur agna tuos.
 Tu modo solve ratem, velisque & remige pinum
 Pelle per aequoreas ad loca nota vias.
 Sic tua dimittat Zephyros in carbasa solos
 Aeolus; in specubus cetera turba fremat.
 Sic Panope tumidas compescat gurgitis iras;
 Sic regat ambiguum Castor amicus iter.
 Sic, ubi in Amstelia rursus requieveris acta,
 Amplexus subeat sponsa decora tuos.

JAC. PHIL. D'ORVILLE

XI.

Viro Ornatissimo & Doctissimo

P E T R O D' O R V I L L E ,

*Quum in Leidensium Academia supremos in utroque
Jure honores consequeretur.*

Dicebam, Nil non exempla domestica possunt,
 At parvam es dictis visus habere fidem.
 Interea dum Mercurii, dum sacra capeffis
 Musica, Castalius pectora plenus aquis,
 Frater in eloquio versatus & arte forensi
 Legiferae sequitur jura sacrata Deae.
 Nec mora, praesentem Divae est expertus amorem,
 Et cinxit meritum fronde virente caput.
 Sensimus ex illo, quantos conceperis ignes,
 Sensisti stimulos non tuus ipse novos.
 Ipsa Themis dotes agnoscens pectoris alti,
 Sub signis, dixit, militet ille meis.
 Protinus ad Leges tua sese industria flexit,
 Armaque verbosi fortia, Petre, fori.
 Eia age, felici res alite fortiter acta est.
 Eia age, sperata est palma relata tibi.
 Eia age, te postunt trepidorum vota reorum,
 Sunt tibi quos armis consiliisque juves.
 Sic laudata premes cari vestigia Fratris,
 Et domui fies altera fama tuae.

Ute-

Utere sic votis, sic plausibus utere nostris;
Prosperaue aetatis tempora semper age.

DAVID HOOGSTRATANUS

XII.

Studiofissimo & Politissimo Juveni

PETRO D'ORVILLE,

a Musis Themidi initiato

S.

ECquis enim merito Musas defraudet honore:
Et studiis titulos nolit adesse suos?

Non ita Palladiae laudis velit augur Apollo;

Non Themis Aoniae sedis amica comes:

Quaecque suam toties doluerunt numina sortem,

Dum fordere nimis templa venusta vident.

Non tua, Dorvilli, sic, pulcri semine sensus

Mens adspersa, sui nescia serpit humi.

Te quamquam a teneris ad cultus arte paterna

Finxit Atlantiades erudiitque suos:

Non tamen abstraxit penitus molimine; sed te

Deliciis Musae demeruerunt suis.

Non ita te totum, pleno quae depluit auro,

Mercis inexplendae fors operosa tenet;

Quin

Quin tua Musarum se cura levamine laxet,
Quaesisque novis dotibus ornet opes:
Ornat opes, lautamque domum fundamine fulcit,
Quod nequeat vicibus sors agitare suis.
Sic quem Mnemonidae genio ad meliora rapaci
Subductum curis ad sua sacra trahunt,
Nunc Themis ad vitae producit jura beatae:
Non quae clamoso sit valitura foro;
Sed quae secessus juvet, exornetque Sororum,
Privatoque ferat commoda certa bono.
Quae tamen insoliti nifus, mixtique laboris
Haec tanta ad studium nobile caussa fuit?
An tua te virtus ad Musica castra sequacem;
Fratris an exemplum, Petre; an utrumque trahit?
Aemula Pieriae ducit te gloria palmae,
Et Genius, Fratri qui comes, ille Tibi est.
Ille per obstantes nimbos jam luce corusca
Baccifera in Pindi vertice fronde nitet.
Tu premis aequali passu vestigia, nec te
Distinct augendae spes male suada rei.
Contendisque alacer geminato pignore vires
Exferere, & vates inter habere locum.
Perge age: non dubiis effulget meta coronis,
Et favor hic, resonans plausibus, omen habet.
Certet honor meritis in carmine, certet amore
Laudis, & in segetem posteritatis eat.
Quae dubitet, nervusne sonet animosior oestro,
An venâ numeri candidiore fluant.
Dorvilli Fratres, Latius decora ampla Camenis
E Batavo a vobis sunt reditura sola.

Fa-

Fama per ambiguos securo tramite calles
 Firmet ad Aonidum culta vireta gradum.
 Ornatosque boni titulis acquique sequatur
 Laude sua, & cultu divite tuta quies.

HENR. SNAKENBURG.

XIII.

A D

Praestantissimum Ornatisimumque Juvenem

PETRUM D'ORVILLE,

Amicum integerrimum,

JCtis adscriptum.

Dorvilli, placido cui ridet lumine Phoebus,
 Cumque Jovis nato Pleiadosque Themis.
 Cui nunc cum celebri plaudit pater Amstela Rheno;
 Faustaque cui socius gaudia cunctus agit.
 Si vacat, huc oculos posito converte rubore,
 Inque tua laudes accipe luce tuas.
 Esse aliquid quicumque petant, ex artibus uni
 Pectora praeclaris fixa tenere solent.
 Et, cui contigerit placita praecllere dote,
 Gloria, vel magnae, praemia, dantur opes.

Hos

Hos juvat, abreptos auri radiantis amore,
Privatae insomnes invigilare rei.
Nec vanas agitant avido sub pectore curas :
Splendida pro gnavo lucra labore ferunt.
Divitiis alii spretis res noscere priscas,
Palladioque placet nomen habere choro.
Alter Apollinei capitur dulcedine plectri,
Nilque, nisi argutum condere carmen, amat.
Est aliis studium civilia discere jura,
Inque foro celebri verba diserta loqui.
Omnibus his sua palma datur, laudemque cupitam
Quisque refert, studiis aptaque dona suis.
Quique ea promeruit, se vertice sidera coeli
Tangere, & hac superis censet ab arte parem.
At tibi quae curis operosis digna dabuntur
Praemia, quas animo nobiliore foves ;
Cui non suffecit peregrinis posse parare
Mercibus immensas per maris aequor opes !
Has vulgus sitiit solas, miretur avarus.
Non tam stulta animi, Petre, libido tui.
Quaeris opes, studiis sed cor mollire severis
Pluris habes, mores & didicisse bonos.
Candidus hoc pudor ille probant, atque ardor honesti,
Sinceroque sedens pectore rara fides.
Divitiasque tuo proprias quaevisse labore,
Quam caecae mavis debitor esse Deae.
Hinc tibi Grajorum curae est peragrarare vireta,
Amplaque Romani pascua obire soli.
Unde tuae carpas laetissima pabula menti,
Et stabiles, quamvis fors vaga mutet, opes.

Nec

Nec studio hoc lassus generoso scandere nisu
Culmina Pierii montis ad alta paras.
Spiritus & quoties Phoebi tuus ignibus ardet,
Carmina facunda voce venusta canis;
Haereat ut merito dubius quis, carmina Fratris,
An tua ab ingenio fertiliori fluant.
Scilicet, ex aliqua Germani gloria parte
Ne superet laudes, aemule Petre, tuas,
Illi contendis pulcro certamine, doctis
Quaerat uter curis praemia plura sibi.
Sunt tituli testes hodierna luce recepti,
Quos modo juridica Frater in arte tulit.
Nec tamen hunc, quod docta probant monumenta, decorem
Indigno, Themidos Myſta, labore capis.
Hoc etenim suasit stimulans tua pectora virtus,
Actaque promeritae per sua laudis amor.
Laudis amor meritae magno te ardore replevit
Volvcre Romulei nobile juris opus;
Ac post Mercurio collatae tempora curae
In studiis noctem continuare die,
Ut penitus scires jussas a Caesare leges,
Et bene consultis quae placuere viris.
Vidit & hanc Dea justa operam, tantosque labores,
Differrique ultra non tua vota tulit:
Teque suum prono compellans numine Myſtam,
Parva tibi quamvis, praemia magna dedit.
Parva tibi haec certe sunt praemia, summus Apollo
Cui dona acceptis uberiora parat,
Atque alii, multa quis cum prece tura dedisti,
Et quorum es pactus munera saepe, Dei.

O

Hi

Hi tibi promissis si stant, ut numina oportet,
Præ multis varia dote beatus eris.

F. V. OUDENDORP.

XIV.

Viro Nobilissimo Eruditissimoque

P E T R O D' O R V I L L E,

Amico integerrimo,

Quum summis in utroque Jure honoribus insigniretur.

Q Uid fervor acer nobilis ingens,
Et cura pernox, & labor improbus,
Vigorque mentis possit altae,
Egregie tua, Petre, monstrant
Exempla: quem jam laus manet incluta,
Et fama claris tollit honoribus,
Interque sacros jam reponit
Ex merito Themis aequa mystas.
Gratantur omnes, quis tua cognita est
Virtus, honores & titulos tibi
Novos adepto, gratulantur
Et patriae pariter, Patrique.
Et nos silentes cerneret haec dies?
Non sic: canamus, plausibus & novis

Gra-

Gratantium voces sequamur,
 Tristitia in pelagus fugata.
 Jam jam vetustum da mihi Caecubum,
 Ut rore dulcis nectaris imbuar,
 Plectroque festivo celebrem
 Teque, tuamque diem, Sodalis.
 Num fallor? an me surripuit mihi,
 Atque ipsa egenum copia reddidit?
 Quum plena sit nobis tuarum
 Materia, & seges ampla laudum.
 Fecunda talis rura perambulans
 Bos, huc & illuc, quo rapit impetus,
 Vagatur, & saltus pererrans
 Ore metit dubitante gramen:
 Errorque talis florilegas apes,
 Dum prata passim roscida pervolant,
 Et mella multo e flore carpunt,
 Ambiguas tenuisse suevit:
 Nam sive mores pectoris aurei,
 Seu vis remotae rara scientiae
 Nos detinet, miramur usque,
 Et dubii pariter tenemur,
 Primumne dotes concinere ingens,
 Pectusne pura candidius nive,
 Cui nunc videre est vix secundum,
 Conveniat celebrare cantu.
 Venam polito carmine divitem,
 Doctis probatam plus vice simplici;
 Prudens tacebo, nec faventes
 Est animus memorare Musas.

Invasit ingens pectora scilicet
 Laudis cupido, non opibus vagis,
 Ast cruditis comparandae,
 Quae nequeunt periisse, chartis.
 Hinc blandientis dona pecuniae,
 Quae saepe mentes proh! pudor! abripit,
 Scientiarum incensum amore
 Flectere non potuere, nec te
 Mutare quidquam. At, propositi tenax,
 Partem dici non nimium anxio,
 Sed, quo decet, quaeris labore
 Addere opes opibus paternis;
 Partem severis rite scientiis
 Impendis, aut te, forte negotiis
 Duris fatigatum, canentem
 Pieriae recreant Camenae.
 O quam beatus jure vocaberis!
 In quem tot unum munera contulit
 Numen benignum, quemque large
 Multiplici cumulat favore.
 Quid longiori carmine te morer,
 Et vota lentus debita differam,
 Quae rite poscunt tot per annos
 Foedera amicitiae probatae?
 Ut nempe coeptis Mercurius tuis
 Adspiret; ut te provehat altius
 Favente cum Phoebos, & Dearum
 Aonidum, Themis aequa, turba.

DANIEL SIMON SIBERSMA.

XV.

XV.

Carissimo Fratri

PETRO D'ORVILLE,

Quum J. U. D. renunciaretur.

Divitiis sine fine dies noctesque parandis
 Instet, & haec animum cura perennis agat,
 Si cui felicem videatur reddere sola
 Vix domino, Frater, copia nota suo.
 At diversa tibi placuere; ac te sibi quamvis
 Vindictæ Atlantis Pleioneque nepos,
 Et patriis studeas augendis, rebus honeste,
 Quanta ferant vitæ commoda, gnarus, opes,
 Non tamen evaluit tantum pervertere sensus
 Nummorum nummis non satianda fames,
 Ut tibi dilectas possis liquisse Camenas,
 Totus & in solis sordidus esse lucris:
 Musica sed miscens peragendis otia rebus
 Jucunda recreas pectora lassæ vice,
 Atque Aganippeo curarum liber in antro
 Aspera fortunæ posse levare caves.
 Ut juvat Aoniis spatium molliter hortis,
 Purpuream pingit flos ubi semper humum!
 Et modo Apollinei mulcent quæ guttore cynci
 Aëra, miranti combibere aure sonos!
 Et modo Gorgonci saturum de fonte caballi
 Carmina Picria dicere digna lyra!

O 3

Nam

Nam tibi non parce sitienti indulgit Apollo,
Ora quibus vatum sacra rigantur, aquas.
At non contento pretiosa per otia Musas
Demeruisse, Themis demeruisse sedet.
Quaeque olim populo posuit servanda Quirino
Noscere jura tibi maxima cura fuit.
Et coeptum bene cessit opus; nec se tibi Diva
Difficilem, Musa conciliante, dedit.
Protinus at legum discussit luce tenebras,
Inque sui duxit te penetrale sacri:
En nostros, ait, Aonidum cape cultor honores;
Non mihi cum Musis gratia nulla tuis.
Parnasi, memini, quum vertice templa tenebam,
Et sacra per populos carmine jura dabam:
Tunc quum, servatis aegre Pyrrhaque viroque,
Ultri omne hominum perdidit unda genus.
Inde meos versus cessi montemque Camenis;
At vetus ille loci mansit & artis amor;
Et, si quis me adeat parili succensus amore,
Tangor, & hunc titulis praeior orno meis.
Tu modo delati non umquam oblitus honoris,
Pectore constanti jusque pioque cole,
Nec spes Attalicae valeat te flectere gazae,
Numinis ut monitus non sequerere mei:
Quemque vides nostrum tibi conciliasse favorem,
Castalidum semper fac venerere chorum.
Sint rata jussa Deae. sed erunt rata; namque futuri
Omina praeteritum non dubitanda dedit.
Sic tibi sit praesens fausto decus aliae partum,
Semper & in majus provehat almus Honor:

Sic

Sic pleno faveat dives tibi Copia cornu ;
 Sic ratibus parcat ventus & unda tuis :
 Sic Musæ studiis adspirent nobilis otii ,
 Acternetque tuæ carmina Fama lyrae :
 Sic quæ quisque tibi festiva hac luce vovebit ,
 Haec duplici reddat foenore vera Deus.

JAC. PHIL. D'ORVILLE.

XVI.

BERNARDUS MONETA

A D

JAC. PHIL. & PETR. DORVILLIOS

DE EPICEDIO IN

DAV. HOOGSTRAATANUM.

DOrvillii Fratres, ne extinctum credite Vatem :
 Vestro immortalis carmine semper erit.

XVII.

IN NUPTIAS

FRATRIS CARISSIMI

P E T R I D' O R V I L L E ,

ET LECTISSIMAE VIRGINIS

M A R I A E J A C O B A E D E B R U Y N .

Nunc Persca meis veniant talaria plantis,
 Sufficiatve suae Daedalus artis opem.
 Me quamvis Latii teneant miracula prisci,
 Hospes & aeterna verfer in urbe Remi,
 Linquentem subito terras populosque volatu,
 Secta per aërias duceret aura vias;
 Nec prius ex humeris concessa recederet ala,
 Libera quam Batavum despiceretur humus:
 Hic ubi velivolum liquido pede Nais in Yam
 Labitur, Amstelii Nais alumna patris;
 Hic ubi, Petre, tuis sponsalia ferta capillis
 Imponens, rutilam lampada quasiât Hymen:
 Et cava festivo resonant penetralia coctu,
 Et chorus & citharae voxque canora vigent,
 Quam foret haec inter necopinis dulce lacertis
 Singula desertae membra fovere domus,
 Lactantumque genis lacrimas spectare fluentes,
 Inque vicem lacrimis ora rigare piis!

Te

Te vero in primis, Pater optime, cernere averet
Usque moraturo lumine noster amor,
Dum, nova diffuso testatus gaudia vultu,
Omne firmares sacra marita bono,
Amplexusque nurum manibus natumque duabus,
Oscula divideres inter utrumque caput,
Atque haec verba dares: Exaudivere parenti
O! quoties factas numina magna preces;
Taeda tribus placuit tandem de fratribus uni.
En! minimus natu spes facis esse ratas.
Succendit tenera juvenilia pectora flamma
Qualis judiciis virgo legenda meis.
O formosa! nurus jam nunc assuesce vocari,
Incipe me jam nunc patris habere loco.
Est mihi, sitque meo longe diuturnior aevo,
Filia, quae curas allevat una senis.
Altera maturis nimium pro! occubat umbris,
Nunc etiam ficcis vix memoranda genis.
Per te grata feram tanti solatia luctus,
Moribus atque annis illius instar habes.
Per te iterum adspiciam geminas certare sorores,
Utra patrem studio sedulior colat.
Nostra bipartito pietas discurret; in ambas
Ex aequo veniet distribuenda jugo.
Nate, puellares novisti evincere fastus,
Haec est officiis reddita palma tuis.
Jam tibi sunt thalamus, castumque cubile parata,
Inferet huc niveos sponsa decora sinus.
Illic perpetuas felix Concordia sedes
Collocet, atque annis non minuendus Amor.

O f

Pul-

Pulcra domum series hinc effultura nepotum

Ante meos ludat, turba minuta, pedes.

Adfensit dictis plausu chorus omnis. at illis

Acrior exarsit tota per ossa calor.

Quidquid enim cari natis vovere parentes,

Numine non duro perficit ipse Deus.

Cernite, ut innectant geminas cervicibus ulnas,

Nec divellendis oribus ora premant!

Sic hedera in silvis quercum stringente corymbo

Implicat, aut ulmum vitis amica suam.

O bene! tam placitos quod non absconditis ignes,

Frater, & o Fratris cura venusta mei.

Discat ab exemplo, res quam sit dulcis amare,

Si quis in hac turba pectora dura gerat.

Quin nos ardoris vestri tetigere favillae,

Nec spatia immensae quid valere viae.

Et probo, sed vanis socialia foedera votis,

Coclibis & vitae tristia jura queror.

At de me exactis erroribus ille videbit,

Cui fati tabula est aerea nixa genu.

Vos, quibus interea facili net pollice Clotho

Aurea purpurea stamina ducta colo,

Collibus Idaliis vernos decerpite flores.

Conteritur nulla gratior hora mora.

JAC. PHIL. D'ORVILLE.

XVIII.

DOCTISSIMO, VIGILANTISSIMO,
AMICISSIMOQUE VIRO

PETRO D'ORVILLE, J. U. D.

ET LECTISSIMAE VIRGINI

MARIAE JACOBAE DE BRUYN,

Sponso Sponsaeque Feliciter.

Ela age nunc, Erato, Parnasia desere Tempe,
Atque hilari vultu sub mea tecta veni.
Dumque meus peragat lactissima sacra Sodalis,
Conveniens sacris dic mihi, Diva, melos.
Et, scio, non renues: vix usquam dignius illis
Par juvenum, cantu quod celebrare velis.
Scilicet aequali magnae Cythereïdos aestu
Dorviliusque tuus, Brunaque pulcra calent.
Castaque jam socii constringere foedera lecti,
Ire & in amplexus, osculaque arta parant.
Quare age nunc, Erato, genialia carmina funde,
Et mecum, o Hymen, o Hymenaeæ sona.
Quaeque mihi cecinit Sponsus, suavissima fausto
A me quum conjux omine ducta domum est,
Tu recine, effusoque refer pia pectore vota,
Ac, sim gratantum pars ego quanta, doce.
Idaliis igitur cessisti, Petre, sagittis,
Jamque foves Paphias corde volente faces;

De-

Deliciasque tori flagras haurire jugalis,
Et plus Sicaniis dulcia mella favis?
O ita! num solus vatum tu fortior ires,
Vel pueri effugeres tutior arma Dei?
Hoc nolint Charites, nolint hoc mille Lepores,
Vatibus & qui dant mollia corda, Joci.
Non hoc ipse velit Phoebus, Phoebeque Sorores.
Haec Veneris tota est rebus amica cohors.
His Amor auxiliis Nasonem vicit, & illum,
Cui spes, perpetuo lucidus igne focus.
Haec teneram docto junxere Lycorida Gallo,
Vatis & hinc Umbri Cynthia flamma fuit.
Sic quoque, dum Charites cultu, Musasque frequentas,
Poculaque Aonio plena liquore bibis,
Traxisti occultum sitienti corde venenum,
Repsit & in venas insidiosus Amor.
Ac visa adtonitus facie, qua candida pollet
Bruna, recentis herae vincula ferre cales.
Jam lacrimis precibusque rogas, & supplice vultu,
Blanda tuis votis ut velit esse locum.
Saepe etiam dulci cantu lenire puellam,
Et teneris tentas flectere corda sonis.
Illa tamen, quamvis mitissima moribus, aures
Claudit, & intactum pectus Amore gerit.
Quid tibi nunc animi est? Grajos, Latiosque poëtas,
Vulnera quis crescant, jam quoque, Petre, legis!
Majugenae an potius sacris operaris, opeſque,
Postpositis Phoebæ Pîërisinque, paras?
Et per ephemeridas melius tabulasque, furores
Sollicitae mentis posse domare putas?

Quid-

Quidquid agas, frustra est: saevus medicamina ridet
Ista, reluctantes & magis urguet Amor.
Nil superest, querula Venerem nisi voce precari,
Mitiget ut dominae ferrea corda tuae,
Ac faciles captare aditus, & tempora amica,
Quis Bruna obsequiis dulcibus apta capi est:
Et fuit apta capi: juvit tua vota Dione:
Victaque formosam dat tibi Sponsa manum.
Et nunc blanditias miscet, nunc ridet ocellis,
Purpureaeque nitent Cypridos igne genae.
Nec renuit, placito quamvis subfusa pudore,
Mutua compositis oscula ferre labris.
At tibi quanta torus promittit gaudia, quum te
Excipiet niveo Bruna venusta sinu?
Hunc, viden? hunc Hebe sternit, Charitesque, Jocique,
Ac viridi myrto pronuba Juno replet.
Alitibusque optata bonis jam vincula neſcit,
Aeternumque Hymen pectora vestra ligat.
Interea adclamant cari tibi, Sponse, poëtae,
Et Sponsae dotes laude frequente canunt.
Cumque his Sparanae, tenet & quas Amstela, Nymphae,
Ter bene sit Sponsis, pectore & ore vovent.
Itala quin etiam resonant adplausibus arva,
Quos Fratrem pietas edere rara jubet.
Firmaque dum vobis concordis gaudia vitae,
Felicisque optat pignora pulcra tori,
Illius ad vocem Tibris caput extulit alveo,
Nafonisque modos hos putat esse sui.
Sed tibi quo cantus? thalamus vos rite paratus,
Impatientsque morae te Cythera vocat.

Exue

Exue virgineum, nunc exue, Sponsa, pudorem,
 Et cupidi amplexus perfer & arma viri.
 Mater eris, quid adhuc metuis dulcissima bella?
 Quum decies rediit Cynthia, mater eris.
 Ite, agite, o Sponsi; lascivum ludite lusum,
 Plenaque det vobis gaudia blandus Hymen.
 Hic, ut crescat amor, faciat; Concordia semper
 Mitis & ut vestras excubet ante fores.
 Sic opulenta gravi ditet vos Copia cornu:
 Sic multa Juno prole benigna beet.

F. V. OUDENDORP.

XIX.

IN NUPTIIS

ORNATISSIMI JUVENIS

P E T R I D O R V I L L I I,

J U R I S C O N S U L T I,

ET LECTISSIMÆ VIRGINIS

M A R I A E J A C O B A E D E B R U Y N.

Q Uas mihi blanditias videor, quae lusibus apta
 Exaudire, novo murmura grata sono?

Fal-

Fallor? an exsultant Phoebæ præcunte Sorores,
Instituuntque novos numina prisca choros?
Docta Paphon Pindo jungit concentibus Echo,
Alternantque suas Musa Venusque vices.
Et merito: pulchro Dorvillius ardet ab igne,
Et figit facili digna tropæa Deo.
Formosas inter formosior ipsa Melaenis
Duritæ posita ducitur æqua viro.
Ut trepidat lusu circumsona turba, venustas
Dum læta comites Pronuba voce ciet,
Ducit & Aonidas Permessi a flumine Nymphas,
Quæ flores calathis ad sua festa gerunt.
Adludunt Zephyri molles, passimque Cilissos
Aura levis spirat vere tepente crocos.
Hæc aliquis dicat docto sunt ficta Poætæ,
Ne desint vati numina culta suo.
Non ita; vera loquar. Batavis immixta choreis
Hesperias jactat Musa Latina faces.
Scilicet in Latio Batavi cantantur amores,
Subjicit & doctos Tibridis ora sales.
Nec distracta loco Dorvillia Musa remoto,
Ad Fratrem Alpinas transvolat alta nives.
Dum præsens Nymphis narrat fraterna Latinis,
More novo, thalami foedera, Petre, tui.
Nostra quoque Ausonios geniali murmure tractus
Hinc gratata tibi Musa, Jacobe, petat.
Interea curis patrio de more solutæ
Amstelides, Batavi gloria magna soli,
Ludite; festivas hederis innectite myrtos;
Quaque datur, pedibus terra repulsa sonet.

Gem-

Gemmantes tellure nova rosa spargat odores,
Et Cyprio Batavas pingat honore comas.
Nempe alacer festoque die, meritoque Poëtae
Pignora laetitiae carmina poscit Amor.
Et Charites poscunt, quae dum socialia junctis
Strata parant manibus, subjiciuntque toro,
Omina spemque juvat teneris par lusibus Hebe,
Quique venit Fratri sponsor & auctor Hymen:
Unanimes sortemque novam, lactosque penates,
Praeteritique vicem temporis ore ferunt.
Nos quoque, quod meruit, quo possumus ore, secutos
Gaudia Dorvilli concinuisse juvat.
Quem patriae sedis ratio, mercatibus apta,
Trahit lucrosi commoditate fori,
Phoebus, Atlantiade invito, crescentibus annis
Musica persuasit se duce castra sequi.
Nunc oculis praedata suis sibi pulchra Melaenis
Abstulit, in leges ipsa coacta suas.
Quique prius teneros in carmine lusit amores,
Et querulo finxit vulnera lenta joco,
Nunc manifestus amat, pulchro nunc aestuat igne,
Et male fert tardas in sua vota moras.
Utque renitentem dubiamque Melacnida fastu
Virgineo vidit, difficilemque sequi,
Vota, preces, gemitus, risus confudit in unum,
Immiscens teneris mitia verba modis.
Inde faces submittit Hymen, viresque repellit,
Virgineusque bona vincitur arte pudor.
Et nunc digna equidem te conjuge, Petre, Melaenis
Inferit optato colla premenda jugo.

Colla

Colla jugo neſtenda novo, quod utrimque maritae
Efficient ſocio foedere dulce manus.
Turba frequens plaudit, dignos & tempore riſus
Immifcet votis, exhilaratque diem.
Myrtus adefſt foribus, ſed & aedes Phoebus alumnas
Hoc feſto voluit fronde nitere ſua.
Fronde nova fragrat, Majo vernante, Cupido,
Excluſasque Charis tinguunt odore roſas.
Naïdes Amſteliae Dryadas de fonte ſalutant,
Harlemiumque implet turba gemella nemus.
Praecutiunt taedas pueri, ſeſtuntque puellae
Serta, maritali conſpicienda toro.
Et qua ſponſa venit praecignis divite forma,
Praeſentes ſpirat mollior aura Deas.
Ludite felices animae, pariliſque lepore
Perpetuet Cyprius gaudia veſtra Puer.
Quid tibi nunc animi? quo tandem, Petre, voluptas
Dilata exſatiet corda petulca modo?
Pulchra Melaeni, novo jam nunc Dörvillia cultu,
Quam tua ſors multis invidioſa fuit.
Libera adhuc Sponſo cupidis neſtenda lacertis
Colla dat, obſequio Sponſa beata ſuo.
Ite pares animis, conſorti foedere lacti,
Jungite concordēs in nova vota manus.
Stricta columbinis date nexibus ora viciffim;
Et renovet fidus gaudia tuta torus.
Dulce voluptatis caſtae, victique pudoris
Virginei pretium ſit ſine labe puer.
Qui Batavos mores de te, Petre, diſcat, ametque,
Ante tuos ludat parvulus aede pedes.

P

Quac-

Quaeque suae speciem matris formosa reducat,
Sit merces culti blanda puella tori.
Fors bona perpetuet, longosque virescat in annos,
Quique fidem, longus robora firmet amor.
Nec cessent cultus, lectique jugalis honores
Alternæ requiæ Musica sacra juvent.

HENR. SNAKENBURG.

XX.

A D

F R A T R E M

P E T R U M D' O R V I L L E.

Haec tibi de nostro veniunt munuscula agello:
Debita sunt Grajo sed tamen illa solo.
Surculus ut melior sterili coalescere trunco
Edoctus, domino mitia poma tulit:
Sic utinam placeant Zmyrnaci carmina vatis,
Versa licet Latio, Frater, ab ore fluant.

XXI.

XXI.

HOMERI HYMNUS VI.

UT quondam, canimus, proles Semeleia, Liber
 Ad mare, qua viridans longe procurrerat acta,
 Contiterit, juveni similis: cui flore tegebat
 Prima juvena genas; flavi cervice capilli,
 Purpureusque humeris latis undabat amictus.
 Ecce suis ventis, sed non & numine, vecti,
 Audaces toto praedas agitare profundo,
 Adfunt Tyrrheni; puerumque in litore visum
 Nutu significant tacito, terraeque propinquant:
 Exsiliuntque, alacresque rapinam in nave reponunt.
 Namque putant aliquem magnorum e sanguine regum.
 Ergo oncrant vinclis; sed vincula nulla tenebant;
 Sponte sua manibus lapsae, pedibusque, catenae:
 Ipse renidebat glaucis securus ocellis.
 Talia Medides, clavum ratis ille regebat,
 Vidit ut, increpuit magna cum voce sodales:
 Quid, miseri, tantum nodis religare paratis
 Numen! & ipsa sacro fidit sub pondere pinus.
 Jupiter hic ipse est, pharetrave insignis Apollo,
 Neptunusve pater; neque enim mortalis in illo
 Forma, sed aqua Deis, coeli qui limina calcant.
 Quare agite, expositum jam nunc dimittite terra,
 Vimque omnem removete procul, ne motus ad iram
 Indicat pelago nimbum ventosque furentes.

P 2

Hunc

Hunc navis dominus dictis incescit amaris.
Hoc age, & optatis permittite aquilonibus alnum,
Omniaque arma move. tibi non, sed fortibus ille
Cura futura viris, atque hinc vel ad ostia Nili,
Aut Cypron, aut ad Hyperboreos penetrabit, & ultra,
Nave mea vectus; dum nomina sponte parentum
Ediderit, fratrumque, & si qua est abdita gaza.
Non frustra obtulerit tanti spem Fors bona lucri.
Dixit, & erecto deducit carbasia malo;
Ac simul a tergo complevit lintea Corus.
Trabs levis aequato pede coerula prona secabat,
Quum rerum facies oritur miranda novarum.
Dulcia per totam discurrunt vina carinam,
Nec nisi Lenaeos aër exspirat odores.
Dumque pavent, velis increfcit pampinus ipsis;
Ac passim pendet rubicundis uva racemis;
Atque hedera erranti complexa volumine malum
Lactcolis exit carchesia summa corymbis.
Transstra quoque & remos Baccheia fecta coronant.
Tum demum attoniti, terram petat ocus, omnes
Medidae inclamant. At Bacchus monstra parabat
Dira magis. Prora sed enim leo constitit ingens,
Ore immane fremens: nigrantibus hispida villis
Urfa adsurrexit medio ratis: unguibus urfa
Hinc lacerare viros uncis avet: hinc leo, flammæ
Ejectans oculis, rictus ostentat hiantes.
Exanimes fugere, pius qua puppe magister
Stabat, & una omnes densa cinxere corona.
At navis dominum leo corripit impete vasto
Insiliens, mortisque metu dant cetera saltus

In

In mare praecipites nautarum turba, fretoque
 Delphines curvi numeros auxere natantum.
 Mediden solum dextra miseratus Iacchus
 Continet, ac verbis pavitantem firmat amicis.
 Pectore solve metus, trepidae dux optime classis,
 O! animo dilecte meo, pietatis honorem
 Magnorum referam cumulatæ sorte bonorum.
 Ipse ego sum Liber, Tyrii quem filia Cadmi
 Inviçto peperit Semele formosa Tonanti.
 Bacche fave vati; nam per tua munera, per te
 Unica victuris accedit gratia chartis.

XXII.

MUSARUM VINDICTA,

A D

F R A T R E M

P E T R U M D' O R V I L L E.

DUra subalpino dum frigore bruma rigebat,
 Suadebatque Aquilo saevus amare focum,
 Accipis en, Frater, fatuum quo carmine lusi,
 Cui nomen tribuit garrula Pica, virum.
 Ac, solitus quoniam proavos jactare vetustos,
 Forfan & a Pici duxerit ille genus.

P 3

Sci-

Scilicet his avibus fuit olim humana figura;
Namque novam faciem lingua proterva dedit.
Pieros Euippes novies impleverat alvum:
Femineum toties edidit alvus onus.
Pieros Emathiis agri ditissimus oris:
Aemoniis nuribus gloria mater erat.
His animos sumsit stolidarum turba sororum:
Intumuit numero sed magis illa suo.
De grege nescio quae quum dixit forte: Sorores,
Cur teritur nobis laude juvena carens!
Non, puto, vos latuit, quae nostras saepius aures
Vulnerat, Aoniis fama relata jugis.
Illic Mnemosynes furtim concepta propago,
Quam cuperet Juno turpe perire genus!
Carminis illecebris & inani fascinat arte
Vocis Hyanteos, rustica corda, viros.
Quin e Phocæicis concurrunt urbibus illuc,
Thespiadumque adolent turis honore focos.
Nos, quas legitimis Equippe nixibus omnes
Edidit, & genitor sceptrâ decere facit,
Cur nos negligimur? Maribus sine vivere jactant;
Nos quoque virginitas non temerata juvat:
Si vox est istis, & nos cantare peritæ.
Et bene si numero, nos sumus ecce novem.
Talibus atque aliis incensæ relinquere sedes
Constituunt patrias, Pæoniosque lares.
Ac, ceu per Rhodopen quantum turba vagatur,
Pectora Bassarii plena furore Dei,
Stulta cohors, vanæ stimulante cupidine laudis,
Aonas ad montes ingrediuntur iter;

Et,

Et, vix delatae colles Heliconis ad imos,
 Thespiadum quatiunt talibus antra sonis.
 Desinite indocti plausu turgescere vulgi,
 Quod vos, Mnemonides, praedicat esse Deas:
 Credit &, illud vana dulcedine, solas
 Castalio dignum posse sonare specu.
 At, nisi iudicibus fugitis certamina Nymphis,
 Fons Aganippeus Cirrhaeque nostra forent.
 Quid faciant Musae! Stolidis certare puellis
 Turpe quidem visum: cedere turpe magis.
 Conveniunt Nymphae, divinaeque flumina jurant,
 Praefit & herbosos ordine quaeque toros.
 Tum sine sorte prior coepit longissima Chloris:
 E consanguineis stultior illa novem.
 Bella Jovis cantat, falsoque in honore Gigantas
 Ponit, & extenuat fortia facta Deum.
 Quin, postquam Briareus commovit brachia centum,
 Coelestes perhibet terga dedisse fugae.
 Jupiter, Aonidum genitor, fit dux gregis illi:
 Praeful Castalii corvus Apollo chori:
 Ibide Mercurius, latuit Semeleius hirco:
 Bucula Juno fuit: Cynthia felis erat.
 Murmure dum rauco convicia talia fundit,
 Projicit & numeris carmina trunca suis,
 Brachiaque, ut remos, contorquet, nautica pubes,
 Comploditque manus, & favet ipse sibi:
 Omnia lugebant. Titan defecit Olympum:
 Nox terram tenebris textit opaca novis:
 Atque Helicon, tamquam lugubria sumserat, ipse
 Nubibus obscuris culmina pressus erat.

Ast, ut Calliope, Musarum maxima, coepit,
Sponte sua cessit cetera turba Deae,
Et cecinit Cererem, Cererisque uberrima dona,
Leges & segetem, glande jacente, novam:
Carmine divino permulsus constitit aether,
Nec sivit rapidos axibus ire polos:
Astraque perpetuas intermiscere choreas,
Et sol purpureos lentius egit equos.
Cantibus intenti presserunt murmura Cori,
Ac tenuit fremitus aequoris unda suos.
Et medio requievit aquas Spercheos in alveo,
Et vitreo Peneus extulit amne caput.
Ad citharam auritae flexere cacumina laurus,
Et tigris oblita est & feritatis aper.
Ipse Helicon uda visus tellure levare,
Ac viridans stellis inseruisse jugum.
Calliope simulac vocalia presserat ora,
Judicibus Nymphis palma tributa Deae est:
Paeonides jussae sacris excedere lucis,
Et colere Emathias, horrida tesqua, plagas.
Sic quoque judicio concordi victa, repugnat
Improba nec cuiquam visa pudere cohors:
Quin etiam Musas dictis petiere protervis.
Non inpune tamen fundere probra fuit.
Nam nova dum pandunt os in convicia, apertis
Rictibus induci cornea rostra dolent.
Unguibus & strictis, manibusque in verbera tensis
Pinnarum subito nascitur ordo novus.
Brachiaque & nudos plumae texere lacertos,
Caudaque pro longa pendula veste fluit.

Et,

Et, color invidia liventis pectoris atra
Is fuerat, toto corpore nigror inest.
Candida at hic illic nota parva remansit, ut illas
Virgineo scires ore fuisse prius.
Raucaque garrulitas, altercandique libido
Manfit in alitibus, quae fuit ante, novis.
Quodque agili saltu transmittant corpora ramis,
Indociles una sede manere diu,
Indolis hoc veteris retinent quoque, quippe relictæ
Castalium patria quae petiere nemus.
Quodque fuere, probant, nemorum convicia, Picae,
Thespiadumque irac tot documenta volant.
Hic quoque Picarum soboles recidiva priorum,
Pierisin voluit noxius esse meis.
Nam mihi Sardoae sapiens rex jusserrat orae
Aonii gazas ipse patere laris:
Marmoribus priscis quidquid, priscisque papyris
Divite condebat bibliotheca sinu.
At stupor hic hominis, Phoebæi infamia templi,
Lustrari dignas esse negavit opes,
Nescio quas sordes oculis marcere professus;
Clausit & adposita pulpita docta sera.
Paruit irarum stimulis, hostemque profanum
Ultra fuit telis nostra Thalia suis.

JAC. PHIL. D'ORVILLE.

XXIII.

I N

P I C O N U M

BIBLIOTHECARIUM TAURINENSEM.

Quisquis ad Augustam Taurinūm veneris, hospes,
 Haec mea in attento pectore verba notes.
 Est quidam tota celeberrimus helluo in urbe.
 Vix Erisichthoniae cesserit ille gulac.
 Unde caput Rex Eridanus levat Alpe nivosa,
 Quaque tot Adriacas oribus urguet aquas,
 Hunc temere ad coenam jam dudum nemo vocarit.
 Omnes multivorum pertimere lupum.
 Hanc quoque Siceledes pestem meminere popinae.
 Sicaniis Milon finibus alter erat.
 Quem tu captata si fors dignabere mensa,
 Et solet externos arte ferire viros,
 Ponantur modici, carnes, pars magna macelli,
 Ac quantum triduo panis arator edat:
 Possit ut his primum stomachi lenire furorem.
 Non facit ad tantam pullus anasve famem.
 Hinc lepus ac perdix spaciosam abdentur in alvum,
 Factaque de turdis siqua corona tibi est.
 Miserit & felix quod si Campania pernam,
 Ventris in immensum fidet & illa cavum.
 Ceu Harpyia rapax manibus laniabit aduncis
 Singula, non avidis dentibus ulla quies.

Ille etiam quemvis superarit amystide Thracum,
Craterem statuas; non bibit ille scyphis.
Guttura percusso Danaëia dolia fundo,
Crediderit raptæ vel quis abysson aquae.
At Cereris Bacchique levis jactura videtur.
Exiles animas talia damna movent.
Quid si convivis stomachi miracula capcis
Ridiculum jubeas exhibuisse semel.
O! quoties, Venetis hæc dum spectacula præbet,
Jejuno miseras ambiit ore dapes!
Heu! heu! ni caveas, longe graviora minatur.
Non gula præcipue est pars metuenda viri.
Scorpius est tumidae nociturus cuspide caudæ;
Inque oculis fati vim basiliscus habet.
Illi lingua data est cornice loquacior omni.
Hac necat, hac lenta morte perire facit.
Dum modo mille gravi nugas sermone peroret,
Ut socias inter garrula Baucis anus.
Ac modo res pacis, discordiaque ordinet arma,
Et regum in trutina penset ineptus opes.
Et vetera Odrysiu Solymarum regna tyranno,
Proh! servire nefas! eripienda putet;
Ductoresque legens terra pelagoque futuros
Annonæ curam vindicet ipse sibi.
Ac modo Aristoteles, recinat, quæ somnia vidit,
Et chaos, & causas, & mera verba crepet.
Scitave Pythagoræ damnet delira renati,
Quod nolit tacitam pascere carne scholam.
Talibus atque aliis captum semel usque tenebit.
Desperes patriam, salvus abire domum.

Sed

Sed fuge, &c, ut fugias, qua sit cognosce figura.

Hac tibi non poterit delituisse diu.

Longus homo est, crassoque pedes abdomine tardos,

Sed tamen &c ficta cum gravitate, movet.

Non secus Aetnaeis graditur Polyphemus in oris,

Litore dum toto te, Galatea, fugat.

Nec quidquam Rhodio concedit mole colosso;

Tantus obit Creten aereus ille gigas.

Nigra superciliis umbrantur tempora nigris;

Cauda nigris setis textit equina caput.

Porrigitur nasus, quem jure proboscida dicas.

Non frustra. procul hunc uncta culina trahit.

Munia si quaeras; gerit inter poma Priapus,

Regales inter quae tenet ille libros:

Terret aves rubra metuendus falce Priapus:

Carnifici vultu furibus ille timor.

JAC. PHIL. D'ORVILLE.



L I B E R
E P I C E D I O R U M
 I N
 O . B I T U M
P E T R I D ' O R V I L L E .

I.
P E T R I D O R V I L L I
M E M O R I A ,

*Novâ ipsius carminum editione per Jacobum Philippum
 Fratrem consecrata.*

Ode.

V Iſe felices, age Muſa, ſaltus,
 Deſidi Lethe quibus errat undâ;
 Prata tranquilli celebrant choreis
 Herbida Manes.

Sicubi ſcenam viridi coronat
 Laurus obtentu, geminusve creſcit
 Hinc & hinc veſtrum ſimulante Pindum
 Aggerc collis,

Hic

Hic erit vatum locus. Eminentis
 Ceteros vincit species Homeri.
 Sceptra fert, magno sed & illa tradit
 Saepe Maroni.

Vinctus albentes edera capillos
 Teius gestit fidicen. Sonantes
 Appulus contra Latio remiscet
 Pectine chordas.

Laude pollentem plaga quae tenebit
 Cumque Dorvillum, placitos Tibullo
 Seu canat versus, docilive Flaccum
 Provocet ausu;

Nuntia laeto bona dicta vati.
 Audiat Fratrís quid amor Philippi
 Praestet, extincti decus ut rapaci
 Eximat orco.

Vatibus donec Latius manebit,
 Per novos olim reparanda casus,
 Fama, Dorvillos sua non relinquet
 Gloria Fratres;

Aureo quales radiant Olympo
 Candidi Ledaë Juvenes, suamque
 Alteri lucem, refluyente flamma,
 Focnerat alter.

JOANNES BUHERIUS.
Praefes insulatus
Senatus Burgundici.

II.

D. M.

Viri & Poëtae Eximii

P E T R I D' O R V I L L E,

S.

DOrvilii Manes, ah! flebilis umbra Poëtae,
 Umbra per Elysium nunc spatiata nemus,
 Ecquid, Persephones postquam te duxit in aulam
 Injiciens avidas Mors necopina manus,
 Et fortunatis postquam novus incola campis,
 Qua pia formosam turba pererrat humum,
 Inter & inlustres vatū comes additus umbras
 Immortale sacro concinis ore melos:
 Ulla tamen cari superest tibi cura Sodalis,
 Nec meus ex toto nunc quoque fluxit amor?
 Ecquid adhuc nostrae non despicias otia Musae,
 Et facili versus excipis aure meos?
 Non ingrata tibi pietas tunc nostra futura est,
 Quaeque fero invita dona suprema manu.
 Quidquid id est, tenuis non adspernabere dextrae
 Muncra, nec calami languidioris opus.
 At tibi quam mallem viventinectere laurum,
 Atque hederæ cultas cingere fronde comas!
 Aut, æstate nova Batavas delatus in oras,
 Lactus in amplexus, Petre, ruisse tuos!

Aut

Aut tecum Amstelia spatari lentus in umbra,
Vel, duce te, Latiae plectra movere lyrae!
Aut illic genium dulci curare Lyaeo,
Inter convictus pectora docta tui!
Fluminis ut noti viridante crepidine tecum,
Amstela sive tuo, seu pater Ya tuo,
Ingenuos inter lususque jocosque juvaret
Non tetrica serum ponere fronte diem!
Vana sed haec frustra fingentem gaudia, mortis
Nuntia turbavit litera nigra tuae.
Quae mihi confusam sic perculit aspera mentem,
Ut Jovis infesto tactus ab igne stupet.
Nam procul a caris pelago disjunctus amicis,
Nescius heu! fati dum, Petre, dego tui:
Mors tua me gravius, quia serior accidit aures,
Conficit, & luctum praegravat atra meum.
Et quia non gelido mandata cadentis ab ore
Excipere, amplexu deficiente, datum est,
Aut oculos saltem letali rore madentes
Condere, & extremum dicere voce Vale:
Nec mea quod pietas pompam comitata feretri est,
Hoc magis infelix invida fata queror.
Per mare, quod spatiis patria me distinet amplis,
Regna per aequorei mota tridente Dei;
Nereïdumque domos, & glauca cubilia, testor,
Per rapidos, sed qui vota tulere, notos:
Quum fugientem animam vicina morte trahebas,
Frærequera invitum me tenuisse pedem.
O qui me Amsteliam flentem deducat in urbem,
Sistat & ad tumuli marmora, Petre, tui!

O mea

O mea quam largos manarent lumina fluctus!
Quot lacrimas plangens ad tua busta darem!
Tunc mea, nam dolor hic faceret me sponte disertum,
Clamaret manes vox miseranda tuos.
Nec tamen haesurum premimus nunc pectore vulnus,
Sed procul in querulos solvimus ora modos.
Qua licet esse pio, pullata sordida veste
Inferias pro me Musa datura tibi est.
Nam neque Orontea tumulum conspergere myrrha,
Nec pretiosa tuo mittere vina rogo:
Nec dare Panchaei mens est mihi turis honores,
Aut Arabum cineri fiet odore tuo.
Ultima sed veri statuam monumenta doloris
Carmina, inexhaustis fletibus ora rigans.
Quae tibi sinceri cultum testentur amici,
Et memori nomen vivere corde tuum.
Sed tibi Pegasides Divae Peneïda frondem,
Lectaue de Pindi vertice dona, ferent:
Ossibus infundent latices Permessidos undae.
Hinc tumulo surget populus alba tuo;
Quae stabilem lauro crescenti misceat umbram;
Et viridi sacram tegmine cingat humum.
Ipsa Venus myrtos, Pactanaque ferta rosarum;
Albaque cum violis lilia sparget Amor.
At Critice, egregio quae decantata libello,
Diva tibi cultu semper amata pio est;
Maeviadum insulos numeros & frigida scripta,
Conditaque Arcadico carmina mille sono;
Cuncta simul tradet flammis abolenda supremis,
Non alio poterit solvere iusta modo.

Q

Ut

Ut quondam Hispani nugacia carmina vatis,
Bilbilis eximium quem stupet alta decus,
Naugerii Bembique manus solamina grata
Obtulit exsequiis, doctæ Catulle, tuis.
At tua, Phoebe, sacri quid vates cura vocatur,
Dextera si Mystras non tegat alma tuos?
Dic ubi eras? cum Dorvilio depasceret artus,
Aegraque letalis clauderet ora fitis.
An forte Aemonii ludens in vertice Pindi
Errabas bifidi per loca culta jugi?
Aut potius cantu defessus inertia somno
Membra dabas, sacrae qua fluit humor aquae?
Debueras certe venienti occurrere Leto,
Demeteret carum ne tibi falce caput;
Inque tuos iram melius converteret hostes,
Deque rudi ferret iusta tropaea grege.
Phoebe vale; egregios rapiant cum Fata Poëtas,
Heu nimium Batavi nomina rara soli!
Spissa Vacerrarum duret cum turba malorum,
Nec pereat rauco murmure rupta cohors;
Anseribus longae si dentur praemia vitae,
Funerè praccipiti si cadat albus olor;
Da veniam fasso, nam quid pius esse laborem?
Numinis Aonii nomen inane puto.
Frustra noster amor, Pimpleïdes ite Camenae,
Orgia nequicquam cur ego vana sequar!
Vestrum erat inmanes cantu exorare Sorores,
Flectere vel blanda numina dura prece.
Stamina Dorvilio nentes fatalia Parcae
Duxissent versa fila relecta colo.

Tar-

Tartareas certe non tam cito raptus ad oras
Nunc Phlegethonteum cerneret umbra lacum.
Tu quoque, cui doctas, rara virtute, solebat
Dorvilius stabili jungere amore Deas :
Eloquii lucrique potens, Cyllenie, vatem
Debueras Stygiis nunc prohibere vadis.
Nunc erat arbitrium Minoae avertere legis,
Flexanima & Ditem voce movere trucem.
Nunc erat o fidibus mulcere Acheronta canoris,
Ac fera tergemini comprimere ora canis.
Vana queror ; neque enim Fati revolubile stamen,
Ultima cum furvo venerit hora pede.
Regna Deae inimitis non exoranda querelis,
Aversaque pias respuit aure preces.
Namque animas justo si fas pensare dolore,
Aut aliena foret si redimenda salus :
Tu certe alterna Fratrem nunc morte redemptum
Tyndaridae velles restituissè modo :
Optaresque tuis Lachesis quae demeret annis,
Redderet haec Petro fila, Jacobe, tuo.
Qua licet, ille tamen per te, mihi crede, reduci,
Et quam concedunt Fata, redire viam,
Taenarii poterit fauces erumpere Avernì,
Postque obitum docti vivere in ore chori.
Collige tersa tui limata Fratris ab arte
Carmina, quae variis luserat ille modis.
Cuncta simul Famae quam primum expone theatro :
Hoc te Castalidum publica vota rogant.
Non alia poteris Manes pietate mereri,
Non alio Frater poscet honore coli.

Plaudet ab Elysiis Broukhusia Musa viretis,
 Franciaque officio Calliopea tuo.
 Hoogstratana modos demirans umbra venustos,
 Discipulo lauri cinget honore caput.
 Ingenio adsurgens cari Vlamingus amici,
 Secreti nemoris laetior antra colet.
 Nos quoque, qui sacras veneramur Apollinis artes,
 Dicemus laudes, quo decet, ore tuas.
 Fac nobis igitur redivivum cernere Fratrem,
 Derur & a docto, qua patet, orbe legi.

P. BURMANNUS. FR. F. FR. N.

III.

GRAF SCHRIFT

VOOR DEN HEERE

MR. PIETER D'ORVILLE.

Hier bergt een nijdig graf der Zanggodinnen Vriend:
 By wien Geleerdheid, Deugd, en al wat lof verdient
 Geschat werdt op zijn' prijs; door wiens ontijdig sterven
 De Kunsten haaren roemen trouwe voorspraak derven:
 Die Febus met Merkuur gelukkig heeft gepaard,
 En schielijk werdt gestuit in't midden van zijn vaart.

Doch

Doch schoon de wreede dood zo braaf een' man deedt
 sneeven,
 Zijn naam behoudt nochtans een onvergankelijk leven,
 Nu't lieflijk geluid van zijn Latijnsche lier,
 Door's Broeders edle zorg, mag klinken op't papier.

J. E. M.

IV.

IN FUNERE

P E T R I D' O R V I L L E,

J. U. D. ac Poëtae suavissimi.

Q Uales sonoro murmure limpidae
 De fonte vivo profiliunt aquae,
 Pronaeque delabuntur altas
 Per salebras & acuta saxa;
 Justo coactae donec in alveo,
 Gratum colonis flumen & adcolis,
 Per rura, per tractus & urbes
 Fructiferis spatiantur undis:
 Talis benigno fonte scaturiens
 Virtutis altae nobilis indoles
 Jam nunc labores & triumphos
 A teneris meditatur annis;

Q 3

Mox

Mox certiores dirigit inpetus,
Experta cunctos, quaque patet via
 Prodesse gaudens, patriamque
 Et populos beat arte multa.
His acta, Patrum sedulitas piis
Cives gubernat legibus, & bonum
 Pravumque iusta lance pendit:
 His stimulis agitata, virtus
Et bellicosi vis animi ruit
Dios in hostes, prodiga sanguinis
 Vitaque, & incedit per arva -
 Strage virum cumulata victrix.
Atqui nec omnis civibus inperat
Virtus, nec omnis sanguine pascitur:
 Est & quietae tuta merces,
 Quaeque sedens bene ponat horas.
Hinc Pacis artes; hinc ea, terminis
Inclusa nullis, vasta scientia
 Terraque coelique; hinc pudici
 Virginibus puerisque mores.
Et vos quis inter nomina civium
Laudata prudens transeat, o cati
 Mutare merces, ultimisque
 Divitias trahere usque ab oris?
Vobis referre est, quod patriae aurea
Cornu refundit Copia divite
 Fruges opimas, ligncosque
 Marmorci pepulere & olim
Et nunc penates: quos utinam diu
Ignota iustis damna parentibus

Non

Non inquinavissent, nepotum
Luxus, avaritiaeque pestis!
Felix, venustae qui redeuntia
Lusu camoenae seria dividit:
Non igneo curas Lyaeo
Diluit; at per odora Pindi
Tesqua insonantis fertur, apīs velut
Matina, in horto quae thyma florido
Carpens fluentum juxta amoenum,
Nil vitii trahit ore casto.
Talem, meorum cura sodalium,
Te, Petre, nuper vidimus, integrum
Vitae probrosam dulcis inter
Perniciem scabiemque lucri.
Tu rauca linquens auribus hispidis
Vernaculorum murmura carminum,
Priscae vetustatis probaeque
Aemulus, Ausoniam studebas
Pulsare docto pectine barbiton,
Spirare molles aut Elegos, quibus
Et corda mulcebas & aures,
Ingenuae monumenta Musae.
At nunc peremptum te nimium cito
Lugere fas est, quem media Atropos
E semita dejecit, unde
Lex prohibet remeare quemquam.
Lugere fas est. sed quid inutili
Lassare luctu numina juverit?
Tu nunc abisti: nos sequemur,
Seriū aut citius, sodales.

Q 4

Haec

Haec meta rerum est: tendimus huc leves.
 Plangent dolentes pectora virgines;
 Fortesque prudentesque raptum
 Nil prohibet celebrare amicum.

B. HUYDECOPER.

V.

ELEGIA

IN OBITU

PETRI D'ORVILLE,

VIRI PRAESTANTISSIMI AC POETAE EGREGII.

AD VIRUM CLARISSIMUM

JAC. PHIL. D'ORVILLE,

FRATREM EJUS CONJUNCTISSIMUM.

SI licet alloquiis interpellare dolorem,
 Ac socium lacrimis me finis ire tuis,
 Dorvilli, nostrae fautor duxque alme juventae,
 O patris aeternum nomine digne coli!
 Accipe non fictos testantia carmina luctus,
 Quaque potes, querulos perlege fronte modos.
 Hei mihi, qui motus animo! qui mente tumultus!
 Oraque quam falsae proluit imber aquae!

Ignor-

Ignoscas, variis squallet si charta lituris,
Et labat a tremula litera ducta manu.
Ipsa, vides, passis Elegeia nostra capillis
Plangit, & alternum vix trahit aegra pedem.
Scilicet eximii fatum luctura patroni,
(In cari titubant nominis ora sono)
Dorvilli fatum Petri luctura, decoris
Oblita, in populos exululata ruit.
Namque tuum vitae stamen, praeclare virorum,
Abrupit propria torrice Parca ferox!
Non animi candor, placidaeque modestia frontis,
Persephones avidas continuere manus.
Non virtutis amor, vita spectatus in omni,
Inque homines pietas profuit, inque Deum.
Non artes coluisse bonas, vel Apolline plenum
Carmine Arionias aequiparasse fides.
Te tamen, indocti captans praekoniam vulgi,
Nunquam ventosis Gloria vexit equis.
Plebs, nec plebe magis sapiens, imitentur agyros,
Quique lucri causa numina docta colunt.
Conscia sed meriti tibi mens suffecit; & aptus
Ingeniis pretium ponere si quis erat.
Quo tamen heu! miseris dotes mortalibus istae!
Cur populo cupiat quis rudis esse minus!
Numinis incassum Clarii tutela poetae
Credimur. En Phoebe proxima cura jacet.
Cynthiae, dic, Pindi quis posthac visere lucos,
Cirrhaeisque velit tura cremare focis!
Scilicet assidui merces haec una laboris,
Scilicet hoc cultus flebile munus erit:

Ut cadere ante diem, plenique in roboris aevo
Fata sacerdotes cruda subire finas!
Dum stolidum vulgus felicia tempora vitae
Transigit, in canis conspiciturque comis.
Adspice plebejo sordens ut pulvere nuper
Efferat indignum Sorte favente caput!
Turgescatque opibus, quas durus forsan avorum
Corrasit vafra non sine fraude labor!
Adspice honoratis atavum fulgentia ceris
Atria, & hostili capta tropaea solo!
Quid juvat! heredes tantae proh! numina! laudis
Degeneres, foedant nomina clara patrum.
Nemo animum pulcra torpentem firmat ab arte:
Ingenium cultu nemo decente polit.
Musa jacet: sordet doctrinae nobile donum:
Alcaque & meretrix clamque palamque juvant;
Vinaque, & nimio nascentia jurgia vino,
Inque epulis nocti continuata dies.
Et tamen ille, nefas, veteri quod stemmate natus,
Vel quia divitias vix capit ipse suas,
Magnificos, patria lugente, capescit honores,
Imperiique rudis lubrica frena regit:
Conjuge quin pulcra, multaque propagine felix
Nestoris anqosi tempora saepe vider.
At cui doctrinis animum formare severis,
Majorumque libet more vacare libris:
Cui libet antiquas nomen quaevisse per artes,
Ac patriae ingenio conciliare decus;
Respexit placido Sors hunc rarissima vultu;
Quin patitur saevae verbera saepe Deae.

At

At fuerat caruisse satis, quae cetera siveit
Commoda non aequa distribuisse manu:
Cur, Fortuna, viros lauru sacra tempora cinctos
Ante diem Stygio mergere in amne libet!
Horrida quae rerum facies! sicne ordine nullo
In pejus Superi vergere cuncta sinunt?
Barbariesne bona rursus de Mente triumphum
Ducet, & obscura pectora nocte premet;
Ac spoliata suis Phoebi sacra mystis
Cum strigibus diris noctua furva colet?
Sed quid vana queror? nimio quid concita luctu
Sollicitat magnos impia lingua Deos?
Haec fati lex est. Mors serius ocyus omnes
Falce sub horrenda subdere colla jubet.
Nec lacrimis quidquam Clotho Clothûsve Sorores;
Nec tribuit precibus trux Libitina piis.
His si pondus enim foret ullum, audita Parentis
Pro gnato fuerint fervida vota senis.
Quos gemitus, fletusque dedit cum Coniuge **Nam**,
Dum ciet haec patris nomen, at illa viri!
Tu quoque Phoebæi custos sanctissime templi,
Amstelæ qua vitreis naviger errat aquis,
Quippe animæ pars magna tuæ, vitæque voluptas,
Omniaque hic solus gaudia Frater erat,
Tu quoque, Dorvilli, supplex ad Apollinis aram
Sedisti, querula voce precatus opem.
Dumque aqua multa genis fluere, perhibetur Apollo
Ad tanti lacrimas ingemuisse viri:
Deponensque lyram manibus, laurumque capillis,
Limina funerea veste petisse Jovis:

Et

Et Lachesi, caro patrem pro vate fatigans,
 Injicere est aliquam nilus Apollo moram.
 Mota foret precibus justī mens alta Tonantis:
 At Superūm votis ferrea fata nocent.
 Quod licuit, Phoebus tribuit, laterique poëtam
 Junxit, & in Pindi fronte sedere dedit.
 Hic placidis Petri languentia pectora in ulnis
 Excipiunt Musae, membraque cara fovēt.
 Illic Virgilius, Nasoque, tenerque Tibullus,
 Et tu cum cithara, Flacce venuste, tua,
 Ac quotquot Batavis illustria nomina in oris
 Pieris argutae reddidit arte lyrae,
 Officiis vatem blandis venerantur, & una
 Promeritas laudes ore sonante canunt:
 Dum Critice, merito grates habitura poëtae,
 Cingere Daphnaca tempora fronde parat.
 Fallimur, an laeta quamvis in valle receptus
 Aeternis agitas tempora festa choris,
 Has lacrimas gemitusque tui, carissime, amici
 Cernis, & his finem me posuisse jubes?
 Adspice dilectos, non fallimur, adspice vultus,
 Quisquis in hoc mecum funere rite doles.
 Te video! tu me solito dignaris amore,
 Optime! tu blando lumine, ut ante, faves!
 Meque mones; Latiis, dabitur dum vita, Camenis,
 Actaeaeque feram munera crebra Deae!
 Consiliis parebo tuis, & murmure vulgi
 Posthabito, Aonios ture litabo focos:
 Sollicitaeque levans grata vice munia vitae,
 Otia Castaliis nostra dicabo choris:

Tu-

Tuque, licet Fatum superis inviderit oris,
 Vivus in hoc nostro pectore semper eris:
 Ac Petri vultus imitantia signa, Penatum
 Instar, perpetua religione colam.

HERM. FRANC. KETELANUS.

VI.

E L E G I A

IN OBITU

P E T R I D O R V I L I I,

J. U. D. & Poëtae Cultissimi.

MAjugenae dilecte Deo, dilecte Camenis,
 Dulce decus Charitum, Petre venuste, jaces!
 Te quoque praeripiunt juvenili Fata sub aevo,
 Parca nec abstinuit trux scelerare manum.
 Nil blandi mores, animae nil candor honestae,
 Nec multa virtus profuit arte potens.
 Nec, quae vel rabidas valuisset flectere tigres,
 A surda audita est morte canora chelys:
 Nil pia longaevi valuerunt vota Parentis,
 Uxorve, aut casto Nata puella toro:
 Nil tristes gemitus, cari lamentaque Fratris;
 Heu! saevo luctu qui tibi paene comes.

Sci-

Scilicet hac cuncti prodimus lege sub auras.
 Incertae mortis certa rapina sumus.
 At bene! vis leti te non extinguere totum;
 Nec coeco poterit condere terra sinu.
 Nobiliore tui coelum jam parte pererras,
 Divorumque canis carmina grata choro.
 Quin etiam ingenii vivent cultissima docti
 Pignora, & aeternum fama superstes erit.
 Perpetuisque lyrae resonabit Suada, leporque
 Carminibus, Critice quis tibi facta Dea est.
 Et quae plura dabis gnavi monumenta laboris,
 Tura simul Musis Mercurioque ferens.
 Colliget haec Fratris pietas & sedula cura,
 Manibus intenti sacra dicare tuis.
 Nos quoque, si quid id est, Phoebeia turba, sodales
 Solvemus cineri iusta suprema tuo:
 Ac, licet haud Pario surgat tibi marmore bustum,
 Signa tamen moesti pectoris usque geret.
 Pierii flores, laurusque Heliconide silva
 Decerptae viridi fronde sepulcra tegent.
 Nectemusque rosis violas, acserta cupresso
 Myrtea, Cecropiis & thyma lecta jugis.
 Cunctaque luminibus manante rigabimus imbre,
 Eque brevi tumulus carmine notus erit.
Amstelam quem genuit, suboles quem fovit Atlantis,
Quem Charitum manibus finxit Apollo sibi;
Dorvilius, medio Musis subreptus in aevo,
Hic jacet, Aonii cura decusque chori.

F. V. OUDENDORP.

VII.

VII.

Ε Π Ι Τ Α Φ Ι Ο Σ

ΠΕΤΡΟΥ ΔΟΡΒΙΔΛΟΥ

Π Ο Ι Η Τ Ο Τ .

Α Ιαζώ Δορβίλλον' επαίεσθε μελίκται,
 Δορβίλλος τέθνηκεν, ἀνὴρ περὶ πάντα μάλ' εἰδώς.
 Ἄι τε μὲν Πιάδες Νυμφαὶ πένθουσιν ἐπ' αὐτῷ,
 Καὶ δ' ἀλιμυρησσοῖσιν Ἀμστελὶς αἰλινὰ θρήνη·
 Κεῖνῃ, ὅταν νεκρὸν μελιγυρὺν εἰδὲκετο Πέτρον,
 Δακρυὰ θερμὰ χέουσα ποτὶ τάφον ἰσπετο γυνὴν.

Αἰαζώ τὸν Πέτρον. επαίεσθε μελίκται·
 Τῆμι μάλιστα πρέπε τὸν Βελγικὸν Οὐρεὰ θρήνην.
 Ἀμστελικοὶ μυρεσθε τὸν ἀνδρὰ παρ' ὕδασι κυανῇ,
 Καὶ γόεροι στοματέσσιν μελιζέτε πένθιμον φῶδην.
 Εἰπάτε δ' Ὀκεανῷ, Θετρίδι δὲ τε εἰπάτε, ὅτι
 Δορβίλλος τέθνηκεν, ὃς ὑμῶας ἐφύλατο θρηνητῶν.

Αἰαζώ Δορβίλλον' επαίεσθε μελίκται.
 Πᾶσα τ' επαίεσθαι λιπαρὴ πόλις· ἄστεα πάντα
 Βατταύων στοναχάτε τὸν ἡμεροῦντα πῶκτον.
 Ἑρμείας Πάφῃ τε μὲν γόουσι γόουσιν ἐκείνου,
 Καὶ Μουσῶν, Χάρτες τε κλαίουσιν καὶ αὐτὸς Ἀπόλλων.
 Αἰ' αἰ' τοὶ βοτάναι μὲν, ἐπὶν κατὰ κήπον ὄλοντο,
 Καὶ κρινὰ ευωδὴ καὶ λείρα ξύν ὑάκινθοις
 Ὑστέρων αὖ ζῶουσιν, καὶ εἰς ἔτος ἄλλο φρονταί.

Αἰαζώ

Λιαζώ Δορβίλλον' επαιζοίτε μελιχταί·
 Εστί μαρανθείσιν γε βεβαίως δένδρεσιν ελπίς,
 Και δε κοπέντα, ὅμως χαμαί αυχίς επανθήσουσι,
 Μηδε ποτ' εκλείπουσι σφιν ἐρνεα, μηδε ραδάμνα·
 Καν αυται κεινων γηρασσω' εν χθονι ριζαι,
 Τα στελεχη αναθάλλει απ' οσμης ὕδατος αυθις,
 Χ' ωσπερ ει αετιφυη ωσιν, νεα ανθεα πικει.
 'Οι δε σοφοι, δοκιμοι τε τεχναις, ηδ' εμφρονες ανδρων,
 'Οπποτε πρωτα θανουσιν, ανηκοι εν ταφῳ ακτηρῳ
 Παννυχῳ εμπης ευδουσι δεδεσμενοι ὑπνω·
 Ουδε τις ανθρωπων εις τον βιον ηλθ' ανακαμψας.

Λιαζώ Δορβίλλον. επαιζοίτε μελιχταί.

Οκυρῳς Θανατος προς τον Δορβίλλον αφῆξας
 Τρις τα βελεμνα λαβεν, και τρις κατεβαλλε χαμαζε,
 Ανερα αιδομενος· του και αν εφεισατο, ει μη
 Μαιρα τελεσσινῳος κεινω βουλεσσατ' ολεθρον.
 'Τοτατα δ' αστοργου ὑπο δεσπονης ακασθεις
 Τοξον αμμαιμακετον, καλ' ομματ' ετεινε καλυψας·
 Και μεν ὅλωσ παρα μικρον εἰς βιος ημαρτησεν.
 Αυταρ ὅμως κουφῳ τρωθεις ὁ αιδος αίστη
 Ουκ επι ὁιος εην εκφευγειν κηρα μελαιναν.

Λιαζώ τον αιδον· επαιζοίτε μελιχταί.

Τις δε μιν 'Ολλανδων εκδεχεται αξιος αλλος,
 'Ος τοσα νυν μουνος διαπρασσειν εργα δυναίτο,
 'Οσσαπερ αθανατου κεινος διεπραξε μετ' αινου;
 Δειμα δε παντας εχει, μη δευτερα εἰο φερωνται.

Λιαζώ Δορβίλλον. επαιζοίτε μελιχταί.

Αι, αι την χηραν, η τοιον ολωθεν ακοιτην.
 Ου τοσπον θρηνησεν αν' ὕλην τρυγωνα τρυγων,
 Ου τοσπον αινοπαθη 'Ηρω κατεκλαυσε Λεανδρον,

Ιχιτ-

Σχέτλιον οὐδὲ τῶσον κατοδύρατο Κυπρίῳ Ἀδωνίῳ,
 Ὅσσον ἀποφθιμένου, Ἰδῆ, ἐκινύραστο Πέτρου.
 Πλεσας αἱ καλὸν ἀνδρα, συνώλεσας ἀγλαῶν εἶδος,
 Νυμφίον αἰαζούσα. συναμαζάτε μελίκται.
 Αἰδετέκτειν ἀφελος μετὰ θήλεος ἀρρένα υἱόν,
 Ὅς γε σε πενθούσαν νυν πῶς παραμυθήσεται;
 Ἐλπίδα σοὶ παρεχών, πατερί ποτ' ἀλγυκός εἶναι.
 Νυν δ' ἀτλήτω, ἀλαστή, ἀνηκεστή γοῶν ἀχθῆ.
 Δακρυχέων δὲ σὺν ἀλγος οὐδύρομαι. Ἀλλάτε, Μούσαι,
 Ἐκός εἰην, πατέρος θρήνον, πενθός τε Φίλιππου
 Γραψάσθαι, ἀγαπήτων ἐπεὶ ἀπολωλασί Πέτρον.
 Ἀλλ' ὥς πρωτίστος γραφῶν Ἀγαμεμνονος οἶν,
 Ὅπποταν Ἰφίγενεία μορῶ ἐγγίστα γενῆται,
 Οὐ δύνατ' εἰκαῖν, μουνῶ δ' ἐνεδυσάτο πεπλῶ.
 Οὕτω καὶ ὑμῖς σῖγατε, τὰ οὐδὲ δονασθῆ
 Λεῖδειν, ὥσπερ τοῖς ἀμφοῖν ἀξία εἴη.

ΓΟΥΤΑ. ΟΘΩ ΡΕΙΖΙΟΣ.

Θ. τῇ τρίτῃ μηνός
 Ἰανουαρίου, ἐν ἔτει
 Α Ύ Δ Θ.

VIII.

G R A F S C H R I F T

Voor den, in veelerhande Geleerdheid,
uitmuntenden HEERE,

MR. PETRUS D'ORVILLE,

Overleeden te Amsteldam, den 3 van Louwmaand
1739.

Hier rust hy, die verstrekte aan Amstels kroone een'
paerle,
En Pallas met Mercuri zoo voegzaam had gepaard,
Dat oude of jonger tyd ligt niemand heeft gebaard,
Die zoo gelyk was aan den Koopman * van VAN BAER-
LE.

* *Mercator Sapiens*; zynde 't onderwerp der Redenvoeringe,
met welke de vermaarde C. van Baerle, het Doorlugtig School van
Amsteldam heeft ingewyd.

PR. DE LA RUË.

IX.

IX.

IN OBITUM

VIRI ELEGANTISSIMI INGENII, &
POLITISSIMAE ERUDITIONIS

P E T R I D' O R V I L L E

In Ipso Aetatis Robore Exstincti.

C Ontinuat gemitus nostros, variatque dolorum
Non interruptas Parca inimica vices.
Publica luctifero sonuerunt pulpita planctu,
Funere & in gemino Leida minuta stupet.
Nunc & amicitiae querulum novat Amstela murmur,
Ereptumque decus nobile Musa gemit.
Dorvili, carum Musis par nobile fratrum
Nunc caret, heu! media funere parte sui.
Abstractumque senex Pater, & cum Conjuge Proles
Conclamant, miseros consociantque modos.
Tuque, Jacobe, tuum Petrum, comitemque decusque
Abscissum lateri non superesse stupes.
Indutae Charites lugubria signa doloris,
Crinibus incomitis ad nova busta sedent.
Et tantum potuisse dolent mala numina Parcas,
Dum carpunt avida stamina pulchra manu.
Naïdes abjectis calathis, miseraeque cupressu
Deposita, lacrimis ora venusta rigant.

R 2

Nec

Nec precibus locus est; dirae inmotaeque Sorores
Deproperant celeri tristia pensa colo,
Illicitisque secant juveniles falcibus annos,
Dum patet in miseros area lata senes.
Et tu, Petre, tuo solvens indebita leto
Foenora, mortali munere functus abis!
Quem sibi Atlantiades primis formavit ab annis,
Non tenuit avidi spes male sana fori.
Sed Genius varios doctosque polivit in usus,
Pieridesque trahunt in sua castra Deae.
Quem Phoebus docuit Latios tractare Poëtas,
Et primos inter jussit habere locum.
Nempe dabat studium faciles in carmina vires,
Atque in secessus otia, lauta domus.
Hinc dociles numeri, blandoque effusa lepore
Gratia, & altisono pectine dulce melos.
Cui vita & mores culti, risusque, salesque,
Gaudiaque innocuis exhilarata jocis,
Nunc extincta jacent: inviso funere fertur,
Quod pulchro vixit robore, corpus iners.
Illa tot eximiis exulta laboribus aetas,
Illa venustatis gratia, ut umbra, perit.
Flet Pater, indignum! mutatoque ordine claudit
Lumina, & inverso fungitur officio.
Testatusque Deos frustra, votisque fatigans
Ad nati exsequias cogitur ire senex:
Nata pia, & Conjux incondita murmura fundunt,
Et planctu querulo personat aegra domus.
Liqueris, & miseros elegos, verosque dolores
Exprimis inparibus, carmina iniqua, modis:

Ni

Ni dolor abstulerit tibi publica verba, modosque
 Consumat gemitu, doctæ Jacobæ, tuo.
 Nil agimus: melior, curis exempta molestis,
 Pars Petri ridet murmura nostra tui.
 In te, Petre, tamen fructumque decusque poetæ
 Decerptum medio floris honore dolent.
 Et memori celebrant vivaces carmine laudes;
 Qua Criticen tollant sidera ad ipsa tuam.
 Meque in amicitiae nunc parte hæcisse, minuti
 Testentur numeri, moestitiamque pro bent.
 Supremumque, inter geminata negotia vero
 Expressum luctu nunc cape, Petre vale.

HENR. SNAKENBURG.

X.

Εἰς Θάνατον

ΠΕΤΡΟΥ ΔΟΡΒΙΛΙΟΥ.

Ἄνδρὸς λογιστάτη, καὶ γλυκυτάτῃ ποιητῇ, Εἰδύλλιον.

Αρχετε τὰς γοητὰς, Μῶσαι φίλαι, ἀρχετ' αἰοιδᾶς.
 Ἀδελφαὶ Μῶσαι, ὕμνῳ φίλος ὤλετο κενός·
 ὦλετο Δορβίλιος, Βαταβῶν μέλα κῦδος αἰδοῶν·
 Καὶ νῖος ὧν ἀπόλωλε, καὶ ὕμνῳ δὲ πένθος ἐλείφθη.

R 3

Αρ.

Ἀρχετε τὰς γοεῖας, Μῶσαι φίλοι, ἄρχετ' αἰδῶς.
 Τῆνω θνάσκοντος, Νύμφαι γόνυ ἱμερον ὤρσαν
 Ναΐδες, Ἀμγύλαι κλειναὶ ῥοαὶ σάσι μέλονται.
 Κήφαν, Πέτρε τάλαν, νῖος ἄχρει, ὃ γοῖε' κῦ το
 Χραίσμῃσ' ἔκιδαις, κῦ Μοισᾶν ἀγλαὰ δῶρα.

Ἀρχετε τὰς γοεῖας, Μῶσαι φίλοι, ἄρχετ' αἰδῶς.
 Τὰν λυγρὰν φωνὰν φημίστατο Μοῖρα κραταῖα.
 Ἀ μὲν σχέτλιος ἐσσί, θεὰ λίνω ἰδύνταρα,
 Ἀψάυσις λείπασ' ἀπαλάμνω, ἄχθε' ἀρέρας,
 Κῦ φείδασα σοφῶν, τοῖς τιμὰ παρ' Διὸς αἰτῶ.

Ἀρχετε τὰς γοεῖας, Μῶσαι φίλοι, ἄρχετ' αἰδῶς.
 Τῆνον φοῖβος ἀναξ ἐδιδάξατο, τῆνον ἀπ' ἀρχῆς
 Αἰ τ' Ἐτίοκλοι Χάριτες, Μοῖσαι τ' ἐφίλασαν,
 Καὶ γλυκὺ γυγνομένω ἐπὶ χεῖλεσι νέκταρ ἔχευαν,
 Ἀμβροσίαν τ' ἐρατὰν, τερπνὰν δὲ τε γὰρυν ἔδωκαν.

Ἀρχετε τὰς γοεῖας, Μῶσαι φίλοι, ἄρχετ' αἰδῶς.
 Καὶ τί νιν ἀμφαγάπασε Διὸς παῖς Παλλὰς Ἀθάνη
 Δῶκε δὲ αἰ σοφίαν, γῆθει δ' ἐνὶ μῆτιν ἔθηκεν,
 Ἡδ' ἔρον ἰδρείας, ἃ τ' ἔπρεπεν ἀνδρὶ μελιχτᾷ.

Ἀρχετε τὰς γοεῖας, Μῶσαι φίλοι, ἄρχετ' αἰδῶς.
 Καὶ νῦ κε τὸνδε θεοῖς πεφλαμένον ἔκοχα φῶτα
 Τύνη, κῆρ ὀλοά, κατάγεις δάμον Αἰδοῖς εἶσω,
 Ἀλικτὰ θαλερόν, κῆρ εἰας γῆρας ἐκίσθαι.
 Μίμνε, θεὰ φοβερά, μὴ, πότνια, καίριος ἦνθες.

Ἀρχετε τὰς γοεῖας, Μῶσαι φίλοι, ἄρχετ' αἰδῶς.
 Ως Νύμφαι λίσσονται, ἀνένευε δὲ Μοῖρ' ἀτίραμνος.
 Καδ δὲ νοησάσας ποταμῷ βοά ἤρπασε δίνα
 Τῆλε μάλ', ὡς μὴ ἴδαν, ἀπ' ἄστεος αἰξάσας.
 Ἡνίδε γὰρ Πέτρω θανατηφόρον ἄμαρ ἐπέσα
 Ἀμφὶ δὲ νιν κρυερὸς ὦν πάντοθεν αἶτο; ὑπαχθεῖ.

Ἀρχετε τὰς γοεῖρας, Μῶσαι φίλαι, ἄρχετ' αἰδᾶς.
 Ἦνθον, τοῖσι μετέπρεπ', ὁμάλαιας, ἦνθον αἰδοῖ
 Ἀλκίον ἰέντες, πότμον γόωντες ἱταίρω.
 Ἦνθε πατὴρ πολλὸς, κῆφα, μὴ πρῶτος ὄλω·
 Οὐκ εἰκός, φίλε τέκνον, ἅτάρ με πρῶτον ὀλέσθαι.

Ἀρχετε τὰς γοεῖρας, Μῶσαι φίλαι, ἄρχετ' αἰδᾶς.
 Ἦν' ἱρέεσσ' ἄλοχος, θυμαρὴς, κεν' αἰδοῖα,
 Χαίτας ἀμυσσομένα, καὶ σὲν' ἀπαλὰ πλῆσσοισα·
 Πᾶ ποκα γόσφιν ἱμεῦ, φάτ', ὦ πόσι, πᾶ ποκ' ἀφίρπη·
 Οὐ δέμεις, ὦ νηλῆς, τοι ἱμεῦ δίχα ἄλλος' ἀφίρπεν.

Ἀρχετε τὰς γοεῖρας, Μῶσαι φίλαι, ἄρχετ' αἰδᾶς.
 Ἦνθε κασίγνητος, λογίσις ἐνὶ ὄνομα κλεινόν,
 Κῆπεν, ἐπεὶ ψυχάν, φίλ' ὤμαιμε, λελόγχαμες ἴαν,
 Θῶμισυ μεῦ ψυχᾶς ξύν τοι, φίλ' ὤμαιμον, ἀπαίρει.

Ἀρχετε τὰς γοεῖρας, Μῶσαι φίλαι, ἄρχετ' αἰδᾶς.
 Ως τοί γ' ἐθήνευν, χά νηλῆας ἄνυε βυλᾶς
 Ἀτροπος, ἀκυμῶρω τε Πέτρῳ τάμε νήματα ζωᾶς.
 Γῶνάτ' αἱ λύνται, ὥχρος δὲ κατίσχε παρειάς·
 Ὀλετο Δορβίλιος, βαταβῶν μέγα κῶδος αἰδῶν·
 Ἦντε δ' ἡμῶν ἄνθος, ἄσπερος ἀπώλετο ἑλάμων.

Ἀρχετε τὰς γοεῖρας, Μῶσαι φίλαι, ἄρχετ' αἰδᾶς.
 Κεύθους τὸν περιβῶντα καθάπτεται ἀλγὶ ἀδελφόν,
 Ἀλγεα ἕκ' ἀνεκτὰ τρίτω νύ κεν εἵνεκα κήθευς.
 Κάππεσεν ἐν κονίαις, κακυτός τ' ὠρανὸν ἔξεν.

Ἀρχετε τὰς γοεῖρας, Μῶσαι φίλαι, ἄρχετ' αἰδᾶς.
 Ἀρ' ὦν χρηστὸς ἀνὴρ σοναχίζει νωλεμὶς ἀν·
 Οὐ μὲν δηλ' ἀναξ, Παρνασσὸν ὅς ἀμφιβεβασεν·
 Ἀλλ', ἐπεὶ αἰλίζιον κεν ἀτειρεὶ κατὰ μάχεσθαι,
 Τόιαν θαλπωρὰν οἱ ἐμήσατο φοῖβος Ἀπόλλων.

Λήγετε τὰς γοεῖρας, Μῶσαι, ἴτε, λήγετ' αἰδᾶς.

Εὐτὲ κεν ἐκψύχοντ' εἶδεν Πέτρον ἀργυρότοξος,
 Δὴ τότε Βέρμαννον προτιφυνέει, ὃν θεράποντα
 Καὶ φάτο, ὕμιν μὲν παρὰ Μοῖρ' ἄν λυγρὰ τέτυκται,
 Κεῖται Δορβίλιος, χῶ τάκεται ἐσλὸς ἀδελφός.
 Δάκρυα καὶ τις ὄνατο, δίκαια γάρ, ἔδ' ἔ' ὄνοσά.
 Ἀλλ' ὦρα δακρύων, χῶρα μελίσματος ἐντί.
 Λήγετε τὰς γοερᾶς, Μῶσαι, ἴτε, λήγετ' αἰοιδᾶς.
 Ἀνίκα δ' ὦν τις ἄχρευς θυμοφόρῳ ἐνδοσίς ἔσαι,
 Βάσ' ἰθι, Βέρμαννε, προτὶ τὸν τάλαν, ὡδ' ἀγορεύων.
 Ως τὴν ἐξερέει δι' ἐμὸν σόμα φοῖβος Ἀπόλλων
 Δορβίλῳ εἰν ὀλίγοις τῷ μῶ κεχερισμένη θυμῷ,
 Εγρεῦ, ὦ δαίαιε, τί τάκεαι, ὡς πυρὶ καρός;
 Ἐντὴν ἄλλ' δακρύων, χρόνος ἄλλ' ὅδε μῆδ' ἀπαυτί.
 Λήγετε τὰς γοερᾶς, Μῶσαι, ἴτε, λήγετ' αἰοιδᾶς.
 Εφθίτο τὸ φθιτὸν ἦς, τὸ δ' ἔ' ἔ' φθιτὸν αἶεν ἐσεῖται.
 Οὐδὲ γὰρ ἀθανάτων ποτ' ἐτώσια δῶρα πέφυκεν,
 Χεῖλεσι τοὶ Πέτρω ἐπὶ νίκταρος ἰκμάδα θέσσαν,
 Ἀπὸν ἴν' εὐντα μέλη ἱρὸν σόμα συχνὰ μελίσσαι.
 Λήγετε τὰς γοερᾶς, Μῶσαι, ἴτε, λήγετ' αἰοιδᾶς.
 Τῆνα πεπρωμένον ἐντὶ χρονισδέμεν, ἔ' φθινύοντα.
 Τὰ χρὴ νῦν τυ, φίλε, ξυντασσέμεν ἔ' γὰρ ἔοικεν
 Φάμαν τῷδ' ἔλφω πρότερόν τευ ἄλλον ὀφέλλειν.
 Λήγετε τὰς γοερᾶς, Μῶσαι, ἴτε, λήγετ' αἰοιδᾶς.
 Ως φάτο Λατοῖδας, χῶ δ' οὐκ ἀπίσθησεν ἀκέσας.
 Χῶ δέ τε Δορβίλιος τῷ δαίμονος αὐτίκ' ἐφετμῷ
 Κραίνει χῶ λόγια θεοπνεύσας μολπὰς ἀγανταί.

G. J. VAN SWINDEN.

XI.

E F F I G I E S

PETRI D'ORVILLE, J. U. D.

Eximii Poëtae & Mercatoris.

ECce foli natalis honor, tua fama, tuumque,
 Amstela, delictum, Petrus, & unus amor.
 Mercurii Phoebique decus, qui Numen utrumque
 Exemplo docuit posse coire suo.

De vultu Probitas placido Candorque renident.

His oculis Batavam prodit & ore fidem.

Attamen hac culti, quam cernis, Vatis imago

Major erunt, Clariis, carmina, sparsa favis:

Carmina, quae Latios spirant, Grajosque lepores:

Carmina, quae niveae pignora mentis habent.

ABRAHAMUS ARNOLDUS VAN TOL.

XII.

IN FUNERE

Viri Optimi & Eruditissimi

PETRI D'ORVILLE.

ET tu da lacrymas, quicumque hanc adspicis urnam.
 Qui jacet hic, cunctis flebilis ille jacet.

R 5

Non

Non sibi, sed patriae, sed caris vixit amicis.

Omnibus utilior, quam sibi, Petrus erat.
Candidus, & comis, verac virtutis imago:

Gloria Mercurii, Petrus, amorque sui.
Nec minus Aonidas coluit. Pulcherrima testor,
Aemula carminibus carmina, Naso, tuis.

Divitis haec venae nunquam monumenta peribunt.

Ingenio partus, morte carebit honor.

Ossa sui Phoebus gemitu defendit Alumni:

Adgemit Aonii turba canora jugi.

Indignas miserasque vices pater Amstela plorat.

Ille meus Vates, dos mea, clamat, ubi est?

Amstela, qui clarum poterit reducere Vatem,

En tua nunc solus cura, Philippus erit.

Colligat hic utinam, famaeque det aurea Fratris

Carmina. Sic redeat Petrus in ora tuus.

ABRAHAMUS ARNOLDUS VAN TOL:

XIII.

Aan den Hooggeleerden HEERE

MR. JAKOB FILIP D'ORVILLE,

Professor in de Historien &c. &c. &c.

Op het Overlyden van zyn Ed. Heer Broeder

MR. PIETER D'ORVILLE.

Τὶ φθιμένοις συναχεῦμεν ἰφ'ὕδασι, ἀνὶκ' ἀλαλασσὶν
 Τῶν παίδων αἰδὼν οὐδὲ θεοῖς δύναμις;

Anthol. lib. III. Epigr. 7.

DEelde ik in uwe vraugt, 'k zal in uw tranendeelen;
 D'Orville, aen wien myn ziel zich eeuwig houd ver-
 plicht!
 Het ga hoe 't wille, uw heil zal steeds myn geeft verblyden;
 Uw druk, gy weet het Goôn, zal steeds de myne zyn.
 Zong ik, toen u Minerve aen d'Aemstel innewyde;
 Speelde ik, toen u Dione een minlyke Ega schonk;
 Ik zal niet zwygen, maer met zang uw klagt verzellen;
 Daer gy drie lyken, u zo lief, zo waert, beschreit.
 'k Was dus uw lotgenoot, het zy 't aeloude Romen
 Uw keurig oog een' schat van gryze wondren boodt;
 Het zy 't afgryfslyk woën der Kataneesche golven
 Uw dierbær leven dreigde, en elk den moed benam.
 'k Was

'k Was dus uw lotgenoot, daer Enna, Ceres heilig,
 Zyn zalige landou noit zonder vruchten ziet :
 Ook daer de Strombolus, in 't midden van de baren,
 Een hel van vuur en vlam ten hoogen hemel dryft.
 Nau hadt gy de oogen van uw deugdelyke Vrouwe
 Geloken, 't vroom gebeente aen d'aerde toebetrouwt ;
 Of 't tweede Vruchtje, daer Lucine uw echt meê kroonde,
 Blaest zyne zuivre ziel ter veege lippen uit.
 Noch heeft uw druk geen eind. de Hemel houd in 't schen-
 ken

Van heil of ramp geen maat. daer sterft uw Broeder ook!
 En welk een Broeder ! een die u zo teer beminde,
 Van u zo teer gelieft, alleen thans al uw troost.
 Wie twyfelt of de rou oit Niobe verkeerde
 In eenen harden steen, zie u in deezen staet.
 ô Goôn, was't niet genoeg, en Vrouwe en Kint te missen!
 Te weeten, zonder dit scheen u s'mans ramp noch kleen!
 D'Orville schrei, ja schrei, myn Zangster helpt u schreien,
 En roept met flaeuwe stem, ach ! Petrus is geweest !
 Ach ! Petrus is geweest ! nu zullen Ynajaden,
 Noch Aemstelnimfen meer verlieven op zyn zang :
 Ach ! Petrus is geweest, die door zyn Roomsche snaren
 Aen Ister, Rhone, Teems en Tyber is bekend !
 Wiens ronde gulheit, geeft en aengename zeden,
 Hem 't voorwerp mackten van elks achting, van elks
 min !

Heeft dan d'ondankbaerheit ook plaets by Hemellingen,
 En zwacien wy vergeefs hun Syrisch reukwerk toe ?
 Dus is 't : zo 't anders waer, D'Orville, gy zoudt leven :
 Dit had uw Godvrucht, dit had uwe deugt verdient.

Zacht

Zacht roekelooze tong! waer voert de druk u henen?
Verschoontme ô goede Goôn! ik weet gy hebt geen
schuld.

Gy kunt uw eige krooft voor't sterven niet bevryden:
Het stale Nootlot ziet noch mensch noch Godheit aen.
Waer't in der Goden macht den Doot zyn pyl te ontruk-
ken,

Vrouw Thetis had haer Zoon voor Troje niet beschreit;
Kalliope had noit heur Orpheus zien verscheuren;

En Memnons sneuvlen had Aurore niet ontfelt.

Wyl al wat adem heeft dan vroeg of laet moet sterven,
Gelukkig die, als gy, ô Petrus, heeft geleefd!

Nu krygt uw deugt haer loon, daer gy langs rozepaden;
In ongestoorde rust, den waren wellust smaakt.

Gy ziet u door een rei van onbesmette geesten,

Uw waerdste Vrienden, teer verwelkoomt en begroet.

Marie, uw eerste liefde, omhelst u bly van zinnen;

Terwyl Vrou Ide uw doot zo jammerlyk beweent.

H. G. VAN VRYHOFF.

XIV.

IN OBITUM PRAEMATURUM

Viri Nobilissimi, Consultissimi atque Doctissimi

PETRI D'ORVILLE,

J. U. D.

Atttonitum quo me pietas temeraria ducis;
 Ut solvam vati tristia iusta meo?
 Non me Pieriis ausim miscere Poëtis,
 Ad quos praecipue pertinet ille labor.
 Hi claros celebrent illustri carmine manes,
 Hi dent funereis turea dona focis.
 Non me tam placido respexit lumine Phoebus,
 Ut numeros sperem posse placere meos.
 Nullo teste juvet vigili indulgere dolori,
 Qui mea crudeli vulnere corda fodit.
 Ah! juvet abstrusa moestum me condere silva;
 Contectumque umbris delituisse nigris.
 Hic desiderium vatis renovabit imago,
 Quam miserae menti noxque diesque refert.
 Hic justos imo fundam de pectore questus,
 Hic tepido scissos imbre rigabo sinus.
 Flebilis hic planctus caecis resonabit in antris,
 Et levis ad gemitus ingemet aura meos.

Con-

Confluet huc ingens Satyrorum turba vagorum,
Convenient istuc filvicolæque Dææ.
Egressus silvis hac me comitante caterva,
Conquerar ad ripas, turgide Trava, tuas.
Nais glauca vagis ululantes questibus auras
Audiet, ac medio proferet amhe caput.
Audiet aquoreus vicino litore Triton,
Concutietque tuba regna secunda Jovis.
Jam pariter scebunt socio cogente dolore
Et nemorum Nymphae Naiadumque chorus.
Talia curarum pleno dum corde voluto,
Corripit insolitus pectora lenta furor.
Ultrò parturiunt præcordia flebile carmen,
Dorvilli funus quale decere queat.
Haud sequor invitus, qua se furor incitat ardens,
Os reserante mihi corque movente Deo.
Quisquis amas vates, linguis animisque favetò,
Et facili questus aure notato meos.
Hocceine restabat genti tot funera passæ,
Ut subito caderet flosque decusque domus?
Heu quantum subita consumptum morte Poëtam
Nunciat a Batavo fama relata solo!
Nondum Parca potes tenero mitesceré fletu?
Nondum saeva colum sistere Parca potes?
Usque adeo nec doctrinae Libitina nitorem,
Nec Themidos clarum respicis atra decus?
Eloquar? at mea lingua stupet moerore. Silebo?
Hoc vetat in luctus officiosus amor.
Care senex! quanto furgent tua lumina fletu,
Pallida dum nati conspicias ora tui?

Quam

Quam foedo niveos conspergis pulvere crines?
Quam laceras graciles ungue rigente genas?
Parcius immaduit patrius tibi, Daedale, vultus,
Cum fleres nati tristia fata tui.
Non sic amissos foetus Philomela sub umbris
Seu veniente die seu fugiente gemit.
Fratris in amplexu Frater sua lumina claudit:
Debuit heu Fratri dicere: Frater ave.
Nec sic Sole fatae Fratrem luxere Sorores,
Quando miser celsi decidit axe poli.
Sortis ut infidae nimium quassata ruina
Alma domus damnis adgemit usque suis!
Sic erat in fatiis. supremum debuit esse,
Quod nuper vati diximus ore vale!
Scilicet a Batavis florens discesserat oris,
Emenfam ut repetat nostra Camena viam.
Nunc redit: Amstelia sed non ut gestiat acta,
Aut videat ludos, Ya sonore, tuos:
Sed misero planctu liventia brachia lasset,
Sentiat & fatiis omnia versa malis.
Non velut ante sali summas perlabitur undas,
Sed riguis undans fletibus aequor arat.
Nautica tunc pubes sonuit lactum ore celeusma,
Jam mihi singultus heu dolor ore ciet.
Ante Notus flatu tendebat vela secundo,
Arbore nunc furva carbasa pulla fluunt.
Ancora tunc flavas unco comprehendit arenas,
Ah mea nunc media fluctuat alnus aqua.
Tunc hilares puppim lactis advertimus oris,
Solvimus & liquido munera grata Deo.

Lit-

Littora mens refugit tanti nunc conscia luctus,
Velaque ab Yacis saepe retorquet aquis.
At quantum effervet stridens sub pectore vulnus,
Cum portum tandem fessa carina petit?
Egreditur navi compresso Musa dolore,
Et varium dubio tramite versat iter.
Non redimita gerit viridanti tempora lauro,
Nec Syrio pexas spargit odore comas.
Sordida sed passis lugentis more capillis
Procedit, fletu saepe rigante genas.
Nec mora, dilectas quondam defertur ad aedes,
Tum sibi, tum claris quae patuere viris.
Qua pius hic vates, florens cum duceret aevum,
Pauderat Aoniis hospita tecta Deis.
Qua trino junctae nexu lufere Sorores,
Cetaruntque virum demeruisse sibi.
Fertur & hic Phoebus Parnasi colle relicto
Dulcisonam digitis increpuisse chelyn.
At nunc, ferales ubi signant atria taxi,
Hinc procul aufugit victa dolore cohors.
Exstinctum querulo comitem flent ore Sorores;
Quaelibet in tanto funere funus habent.
Dum blandis calamos Euterpe flatibus inplet,
Mutescit subito tibia, dextra labat.
Calliopea, tibi & mens & color excidit omnis!
Et Chari, tu palma pectus utraque feris.
Fallor? an ipse sui miseratus funera vatis
Fregit Hyanteam moestus Apollo lyram.
Ignoscat placata meis accessibus umbra:
In tacitas sedes nostra Camena ruit.

S

Dor-

Dorvillum vita functum gemebunda requirit:
Dorvilli ingeminat nomen inane sui.
Dorvillum faeculi sidus circumspicit unum,
A cujus petiit lumine saepe facem.
Exfere pallidulos gelido de pulvere vultus
Ante tuum nobis rapte poëta diem.
Nam tua busta tibi quondam bene cognita Musa
Invisit, tumulo debita dona ferens.
Hei mihi! qualis eras quondam? cum Virginis astrum
Laetificos ferret sole flagrante dies.
Cum duce te laeti peteremus Belgica Tempe,
Qua campos liquido flumine Vechta premit.
Heu quantus fuit ore lepos, quae gratia verbis?
Quam faciles risus? qui sine felle sales?
Hei mihi! qualis eras, cum nos quoque numine dextro
Alliceret doctis Leida beata viris.
Aures cum patulas mulceret carmine dulci
Burmannus, docti gloria prima chori.
Cum quoque Paeoniis hortus cultissimus herbis
Deliciis caperet lumina nostra suis.
Quae non laetitiae certissima signa dabantur?
Quam fulsit roscio pulcher in ore color?
Mascula quam solido florebat robore virtus?
Nil de te licuit pertimuisse mali.
Jamque animo plures doctus praeceperat orbis
Ingenii foetus, carmina culta, tui.
Qualia nec castae peplis intexta Minervae
Vidit Cecropiae turba diserta scholae.
Quam cito sed dulces dira robigine menses
Abstulit Aoniis sors inimica viris?

Quot

Quot tenebrosa sinu spes nunc abscondit arena?
Quam varias dotes funebris urna tegit?
Paeonio quae nunc horto mala maxima poscam,
Quod tibi nil succis profuit iste suis?
Nec, fera languentes cum mors depasceret artus,
Evaluit subita membra levare lue.
Forfan at immeritum lacerarim versibus hortum,
Inque aliud recidat justior ira caput:
Fama refert, medicum pestis nescisse latebras,
Et serum auxilium sic valuisse nihil.
Sed quid agam? voluit sic lex adamantina fati.
Virtus est tantis cedere velle malis.
Ergo, licet justos, luctus minuisse juvabit,
Nec voces Superis opposuisse graves.
Dii bene! quod laudes vatam per saecula durent,
Effugiatque nigros candida fama rogos.
Sic, Dorville, tuo numquam non carmine vives,
Vulgabuntque tuum muta sepulcra decus.
Ipse tuis lucem Pollux dat versibus alter,
Atque opus ingenii proferet omne tui.
Quod superest, tibi ferta tero ex bene olentibus herbis,
Quae plexit tenera Balthica Flora manu.
En tibi narcissos, violas, mollesque hyacinthos,
En cum puniceis lilia cana rosis.
Ver tibi perpetuum suaves adspiret odores,
Eque tuo frondens aggere laurus eat.
Sic culta officio tua molliter ossa quiescant,
Sic tua tellurem sentiat umbra levem:
Sit precor hoc gratus cum munere muneris auctor.
Perpetuum salve, perpetuumque vale.

JOANNES FRIDERICUS BEHRENDT.

S 2

XV.

XV.

JAC. PHIL. D'ORVILLE,

LACRIMAE FUNEBRES.

IN EXEQUIAS

P E T R I V A N R Y N,

Soceri Optatissimi.

TU primus furvi referabas ostia busti,
 Clausa diu, foedans necopina morte penates,
 O Socer: assiduis domus hinc pulsata feretris
 Funera vix pleno conspexit quatuor anno:
 Funera nulla quibus fixissent pectore plagam
 Altius, aut flumen lacrimarum falsius ulla
 Ex prope siccato pressissent fonte genarum.
 Ipse quidem senii viridantis limina dudum
 Prima supergressus, viresque in corpore quasso
 Vix onus annorum questus sufferre molestum,
 Intrepidus fati praecepta suprema manebas.
 Hinc tibi nulla fere confectos cura per artus
 Tranquilla subiit robur renovare quiete!
 Sive forent imbres, seu sol: seu grando nivesque
 Hibernum Scythico spissassent frigore coelum,
 Vel juveni cauto vitandas prodigus auras
 Spernebas vitae. Tua pectora scilicet ardor
 Nobilis, ac gelido non extinguendus in aevo,

Usque

Usque fatigabat, ne, primo flore juventae
Credita, nunc ulla provincia parte labaret.
Exactor rigidus commissi muneris ipse
Civibus & patriae quacrebis utilis esse.
Saepe quidem, memini, dixerunt; Respice canos,
Gnave senex: lustris septem bis vita peractis
Te rude donatum sectari mollia suadet
Otia, & angustae prudentem parcere luci.
Nauta procellosum decurrere Nerea lassus
Tranquillum placido senium producit in agro.
Vive tibi jam, vive tuis. Est nata superstes
Unica, & optato per te sociata marito:
Donavit geminos tibi, pignora grata, nepotes
Focundi fortuna tori: sunt sanguine juncti:
His tempus partire tuum. Modo filia collo
Pendeat, aut genibus pueros imponat avitis.
Jam tua captabunt palmis errantibus ora,
Aut monstrante genis figent pia basia matre.
Mox sponte injicient blandas cervicibus ulnas
Nomen avi blaesio repetentes dulce susurro;
Aut, senis ante pedes puerilia ludicra mille
Ludere festivi, risusque jocosque ciebunt,
Et tibi sic aetate revocabunt gaudia vitae.
Ceu quercus, leni Zephyro spirante, cacumen
Vix agitat summum, truncoque immobilis ipsa
Horrida nec Boreae nec Cauri verbera curat:
Sic senior priscum vitae servare tenorem
Firmus, verba dedit rapidis ludibria ventis,
Propositumque ursit: donec vitalia robur
Destituit simul omne: simul subit improba Clotho

Forfice vix pressa discerpere licia vitae.
 O felix in morte senex, cui plena suorum
 Turba piis animam, defecto corpore fessam,
 Alloquiis recreare flagrant, tantumque morantur,
 Oscula dum libent pallentibus ultima labris;
 Extremumque vale, gelida vix aure receptum,
 Contingit perferre leves solamen ad umbras.

IN MORTEM

ELISABETHAE MARIAE van RYN,

CONJUGIS PIENTISSIMAE.

Ipsa loquitur.

ME quamquam juvenum pennis stellantibus agmen
 E gremio rapuit, care marite, tuo,
 Ac super uda tulit depressae nubila terrae,
 Purior excelsi qua nitet aethra poli:
 Quo nequit horrifono tonitru penetrare fagore;
 Sulphureum neque agit flamma tricuspis iter:
 Tam procul unde facem succendit nocte Diana;
 Tam procul unde die Cynthus urguet equos:
 Haud tamen oblitam taedae me finge jugalis;
 Quippe tuus memori pectore vivit amor.

Mil-

Millibus innumeris tellure recesserit aether,
Transvolat aeterno foedere junctus amor.
Nam quid inexploto tabent praecordia luctu!
Quid desiderium te liquat usque meum!
Poplite defecto plangi sola pectore vidi,
Sulcarique graves rore calente genas:
Quum Clotho dubium torqueret pollice filum,
Ac mea jam staret vellere nuda colus.
Quid perstas referata nimis pulsare sepulcra,
Atque Erebo pronam praecipitare viam?
Non possunt lacrimae manes revocare sub auras,
Aut redimi fatis fata aliena tuis.
Nec Dii longinquos tibi me pepigere per annos,
Nec Superum voto lex violanda tuo.
Quum mihi tam tenues fuerant in corpore vires,
Num speranda meis cana senecta comis!
Jamque nigram dudum quassarent lampada Parcae:
Sum mihi visa meis fortior ipsa malis:
Indigaque auxilii genitorem nata cubantem
Officiis volui demeruisse meis.
Te, Pietas, coluisse juvat, cineresque paternos
Collegisse, licet jam moriente manu.
Nam mea tum pariter ventis & fluctibus impar
Subsedit gemino pressa carina malo.
Quid prodest medicas frustra decurrere ad herbas!
Perdidit in mortem vim Panacea suam.
Quod si rex Superum, mundi qui temperat horas,
Atque animas jungit, corporibusque levat,
Majorem sub sole moram traxisse dedisset,
Conjuge te dulcis vita futura mihi.

Laus haec & socii merces est ultima lecti,
Orcus ubi invitas solvit utrimque manus,
Ut plene officii ratio sibi mutua constet,
Nec sedeat lapsis aegra querela rogis.
Mutatum cupias in me, tua pectora testor,
Quid, nisi quod vitae stamina curta meae!
Et nisi quod nuptam nimium lacrimeris ademptam,
In te mutatum nil ego, care, velim.
Fallitur aethereis qui mentibus omnia censet
Excidere, ut tepuit nigra favilla rogi,
Carorumque nihil reminisci. Scilicet istis
Exulat anxietas, cura, dolorque plagis.
At ceu sponsa, novo mox occursura marito,
Disposuit vestem disposuitque comam,
Ac dedit armillas manibus colloque monile,
Nec digitis gemmae sivit abesse decus;
Non hanc cura tamen sponso gravat illa placendi:
Quin nova diffusa gaudia fronte gerit.
Hac quoque fine tenus Superos mortalia tangunt:
Tristitiae clausa est aetheris alta domus.
Et quamvis de te nequeat mens ponere curam;
Non tuus hic vexat, sed modo mulcet amor.
Nec minus hinc laetam saturat me mensa Deorum
Ambrosiae suco nectareoque mero:
Non hinc laeta minus, choreis immixta piorum,
Exsulto, qua vox, qua lyra blanda sonat:
Aut spatior, Zephyri qua per coelestia Tempe
Sola perennantes ventilat ala rofas.
Quis fortunata semel hac in sede receptus
Non renuat terrae gaudia vana tuae!

Quod

Quod si mortales spissa caligine visus
Non premat ex imo nox oriunda chao,
Et spectare jubar possint, quod sole serenat
Clarius aeternos nostra per arva dies,
Non mala paupertas, minitansque extrema tyrannus
Ante diem toties trans Styga monstret iter:
Quam desiderium nimis acre micantia templa
Cernere, & e tenebris eripuisse caput.
At pater aeternus, coeli quum nubibus arces,
Telluremque cavis imposuisset aquis,
Aligerosque choros humanaque corda creasset,
Civibus & regio quaeque tributa suis,
Praepetibus diis jam tum concessit Olympum,
Per mare, per terras qui sua jussa ferant:
Ast hominem, quamquam cognati scandere coeli
Limina fas olim, jussit habere solum.
Neu tamen acceptis invito degat in oris,
Suspirans nitidi rura beata poli,
Sed solem lunamque suos miretur & astra,
Et quodcumque gerit daedala terra sinu,
Fulgida coeruleis praetexuit atria velis,
Quae nisi sunt certa non removenda die.
Te quoque, terra licet nunc sordeat, ire negatum
Lucet adhuc nostro qua pede pressa via.
Dulce tenellorum, genitor, par respice fratrum,
Fulcra domus, uteri pondera bina mei:
Jam jam fidereo despectes vertice vultum,
Et mora despecti gratior orbis erit.
Hi facient possim ne tota perisse videri:
In teneris tantum vultibus instar habent.

Hos mihi quum ferres, stratum fatale prementi,
Libantes gelidis oscula summa genis,
Ipsa refixa polo dejeci lumina terrae,
Ac lavit madidos fervida gutta sinus.
Nunc materna quibus mulcebas pectora dictis,
Quaeque dabas Superis testibus, adde fidem:
Fungere non tantum patris vice, fungere matris;
Mensuram gemini nominis unus habe.
Non tibi sufficiat pueros altricibus ulnis
Credere: sint gremio sarcina saepe tuo.
Neu pigeat, si blanda quies recrearit ocellos
Quaerere: si teneris fletibus ora vacent:
Si riget hic pleno nivei se nectaris haustu:
Si cupidis subigat dentibus ille dapes.
Mox ubi jam collo descenderit aurea bulla,
Ac dulci resonet multus in ore pater:
Et jam blanditias facturi infantia tendant
Brachia, cervices implicitura tuas,
Ne finito ignaros carae genetricis, & inter
Oscula consuecant nomen amare meum.
Ac bene quae merui, dum sivit Parca, renarres:
Quae mea sedulitas, quae mea cura fuit.
Ne tamen illacrimet maternis casibus, ipse
Alta serenata vulnera fronte tegas.
At praetexta togae quum concessura virili est,
[Et fias gemina prole, Jacobe, senex,
Quaeque meis Lachesis detraxit stamina fufis,
Addat ad illorum fila, tuamque colum]
Tum virtutis iter, coelo qua semita ducit,
Matris ad exemplum calcet uterque, mone.

Ut

Ut mea non fuerit seculo vitata juventas,
Captave deliciis, turba profana, tuis.
Vita sed, a fastu procul & livore remota,
Tenderit aequales demeruisse suos.
Forte tibi florens etiamnum suadeat aetas
In viduo sterilem non senuisse toro:
Atque hilari lugens Hymenaeo naenia cedat.
Quod tibi, cur fugias, fasque piumque sinunt!
Contingat, voveo, similis mihi moribus uxor;
Sola, scio, si qua est, haec placitura tibi est.
O quibus obsequiis colui te nupta maritum,
Te colat: hic illi laus imitanda mea est.
Illa, licet, flammis te non levioribus urat;
Ac foveat gremio reddita cana senem:
Fac modo te memorem carae testetur Elissae
In natos pietas non temerata meos.
Sentiat, ut de te pateat via nulla merendi,
Ni referens matrem nomine, rebus agat.
Verum seu vacuum scandet nova nupta cubile:
Sive ferar lecto sola potita tuo:
Quando suprema dies vitae feliciter actae
Occidet; ad cineres urna vehenda meos:
Ut sciat invito divulsos postuma pubes,
Quos videat fociis nolle carere rogis.
Audin'! coelestes radianti cardine valvae
Aethera concentu perstrepuere novo:
Pompaque progreditur laetum ductura triumphum,
Ac tuba coelicolas sub sua signa vocat!
Libera nulla mora est sacris accedere turmis.
Haec mea, non umbrae verba reare meae.

IN

EPICEDIORUM
IN EXITUM
PETRI D'ORVILLE,
Filii natu minoris.

PRaedulcis infans, matris Orco deditae
Munus, torique praemium casti ultimum:
Avi voluptas altera senio gravis,
Et unicum cum fratre gaudium patri,
Oblivioque grata solitudinis.
Praedulcis infans, omnibus, qui viderint,
Et singulis amoris incitabulum.
Ab ore fletus exulabat scilicet,
Lacrimaeque nunquam mite luminum jubar
Obnubilabant: at genis in blandulis
Rifus, lepores excubabant perpetim.
Quo fugit ille roscidis pomis color
Similis, & illa quo labrorum purpura?
Artus per omnes diditus vigor modo
Ut languet! ut modo torulis pingues manus
Lacertulosque vix cutis tegit aspera!
Tunc ille, qui minor e duobus fratribus
Aevo priorem provocabas robore,
Et spes secunda, at firmior domus eras?
Gemis, ejulas, & dentibus frendes, puer:
Puer miselle! quid! puer non amplius,
Sed officina cruda Mortis impiae,
Qua diriora tristium cruciatuum
In non merentem fabricatur spicula.
Latere quantum praestitisset in chao;
Quam solis almi sic videre lumina,

Cui

Cui quanta vitae portio poena haud fuit!
Quam propter istam lucis usuram brevem
Hausisse, matri quod fuit carae super,
Vitale robur anxiiis puerperae
Laboribus, patrique defixum intimis,
Ingens, acerbum, vulnus in praecordiis
Recente plaga crudius rescindere!
At non querelis hisce manes parvulos
Reos peragimus: sed trium necessitas
Tristis Sororum flebilem vocem ciet.
Tu forte Superis carus in primis, puer,
Duro licebit, at brevi tamen malo,
Omnes labores, vita quos protractior
Homini parit, compendio peregeris.
Tot mille pestes, corpori conterminas,
Incurstantes, praeter hanc, famulam necis:
Tot mille curas & graves animi cruces,
Mortem levandis saepe quis frustra vocant,
Transvectus es, simulatque portum contigit
Intrare, ventis & carentem fluctibus,
At omnium omnia gentium per secula
Isti capacem litori adpellentium.
Salve quieti cultor Elysi nove,
Salve valeque ter mihi patri & quater
Fluenta trans Stygis & lacus Acherusios.
Quod inferorum postulavit fas Deum,
Sepulcra matris ossibus confinia,
Terra levi composta, tristes sparsimus
Uventibus de lacrima multa rosis,
Concivimusque naeniam, luctus gravis
Aevum per omne pignus indelebile.

PRO

PRO EPICEDIO
IN OBITU
PETRI D'ORVILLE,
Fratris unici.

Quod germana gravem pressi sub funera lessum,
Publica nec, luctus conscia, verba dedi:
Desine mirari. querimur reparabile damnum:
Mens stupet extremis, non sua, victa malis.
Quum socerum facilem, quum fidam forte maritam,
Quum blandum puerum reddere fata queant:
Hunc mihi nulla dies, fortunaque reddere nulla,
Aut fratrem unanimum Jupiter ille valet.
In primo gemitus natorum vulnere civit,
In bis septeno facta lapis Niobe.



I N D E X

P O E M A T U M.

LIBER PRIMUS ELEGIARUM.

- I. Critice ad Petrum Burmannum. Pag. 1

LIBER SECUNDUS ELEGIARUM.

- I. Villae paternae desiderium. 17
 II. Ad amicos, ut suum natalem celebrent. 21
 III. In Obitu Hadriani Relandi. 23
 IV. Ad Jac. Phil. D'Orville, de sua vivendi ratione. 26
 V. Ad Janum Graeflandium a gravi morbo convalescentem. 33
 VI. Ad Jac. Phil. D'Orville, in Britanniam proficiscentem. 36
 VII. In nuptiis Jac. Tiewelen & Joan. Elis. vander Hagen. 39
 VIII. Jano Graeflandio, quum summos in utroque jure honores consequeretur. 41
 IX. Ad Jac. Phil. D'Orville. 43
 X. Theodoro Hogenberg, quum ecclesiae Zeistensis pastor electus esset. 46

LIBER TERTIUS ELEGIARUM.

- I. Laus Hiemis. 49
 II. Jacobo Philippo D'Orville, quum J. U. D. crearetur. 55

III. Gra

- III. Gratulatio ad Dav. Hoogstratanum. 75
 IV. Franc. Oudendorpio, Scholarum apud Neomagen-
 ses Rectori inaugurato. 61
 V. Ad Janum Graeflandium. 63
 VI. Godardo Kronenbergio, quum J. U. D. crearetur. 66
 VII. Ad Fr. Oudendorpium, quum Harlemaensium Scholarum Rector inauguraretur. 67
 VIII. Jacobo Graeflandio, summos in U. J. honores adipiscenti. 70
 IX. In Juliam. 72
 X. Expostulatio cum Musis. 74
 XI. In Nuptiis Fr. Oudendorpii & Sarae Torreniae. 76
 XII. Danieli Sim. Sibersmae, quum ad ecclesiasticum munus in pago Coudomenfi esset vocatus. 83

LIBER QUARTUS ELEGIARUM.

- I. In Amorum scriptores. 85
 II. Ad Jac. Phil. D'Orville. 88
 III. In Obitum Dav. Hoogstratani. 89
 IV. Ad Jan. Graeflandium. 93
 V. In Nuptiis Jac. Phil. D'Orville & Elifabethae Mariae van Ryn. 95
 VI. In Hypocritas. 97
 VII. Hermannō van Rynevelt, quum J. U. D. pronuntiaretur. 98
 VIII. Primus amicae occurfus. 99
 IX. D. M. Petri Vlamingii. 102
 X. Petro Burmanno, Franc. Fil. Franc. Nep. Literarum humaniorum professionem in Academia Franequerensi auspicienti. 105
 XI. Ad Jac. Phil. D'Orville, de Nihilo. 110

XII. Hu-

XII. Huberto Greg. van Vryhoff Professionem J. U. in Academia Harderovicensi auspicanti.	111
XIII. In Obitu Diderici vander Meer, ad Jeremiam vander Meer.	115
XIV. In pacem Batavorum diuturnam.	119
XV. In nuptiis Jeremiae vander Meer & Mariae Joann. Munter.	122

LIBER QUINTUS ELEGIARUM.

I. Psalmus Octavus.	127
II. Anacreontis ode prima	128
III. ——— ode duodecima.	130
IV. ——— ode quarta decima.	131
V. ——— ode vigesima.	133
VI. Imitatio Elegiae primae Alb. Tibulli.	134
VII. Q. Horatii Flacci ode nona Libri primi.	138
VIII. ——— ode octava libri secundi.	140
IX. Epigrammata versa ex Anthologia.	143
X. ——— ex Danicle Heinsio.	146

CARMINUM LIBER.

I. Christus Triumphans in Cruce, ex Joannis Vollen- hovii Belgico.	147
II. Ecloga.	174
III. Epigramma ex Anthologia.	177
IV. Ad Jeremiam vander Meer, quum J. U. D. pro- nuntiaretur.	179
V. Ad Fr. Oudendorpium, quum leporem dono mi- sisset.	181
VI. Ad puerum Roelandi van Thiel.	183
VII. Fabula ad Jac. Phil. D'Orville.	183

ADOPTIVORUM LIBER.

I. Dan. Sim. Sibersma Petro D'Orville.	185
II. Jac. Phil. D'Orville epistola ad eundem	187
III. Dan. Sim. Sibersma ad eundem	192
IV. Franc. Oudendorpius Petro D'Orville.	193
V. Jac. Phil. D'Orville, Petro D'Orville & Jano Graeflandio.	196
VI. Dan. Sim. Sibersma ad P. D'Orville.	198
VII. Jac. Phil. D'Orville Petro D'Orville J. U. D. titulum gratulato.	199
VIII. ————— Elegia ad eundem in Anglia haerentem.	200
IX. David Hoogstratanus Petro D'Orville, quum in Leidensi Academia supremos in J. U. honores consequeretur.	204
X. Henr. Snakenburg Petro D'Orville a Musis Themidi initiato.	205
XI. Fr. Oudendorpius ad P. D'Orville ICTIS adscriptum.	207
XII. Dan. Sim. Sibersma ad eundem, quum summis in U. J. honoribus insigniretur.	210
XIII. Jac. Phil. D'Orville eidem, quum J. U. D. renuntiaretur.	213
XIV. Bernardus Moneta Jac. Ph. & Petro Dorvilliis de epicedio in Dav. Hoogstratanum.	215
XV. Jac. Phil. D'Orville in nuptias P. D'Orville & Mariae Jacobae de Bruyn.	216
XVI. Fr. Oudendorpius P. D'Orville & M. J. de Bruyn sponfis.	219
XVII. H. Snakenburg in Nuptiis P. D'Orville & M. J. de Bruyn.	222
XVIII. Jac. Ph. D'Orville ad P. D'Orville.	226
XIX. ————— Homeri hymnus VI.	227
XX.	

XX. —————	Mufarum vindicta ad P. D'Orville.	229
XXI. —————	In Piconum Bibliothecarium Taurinensem.	234

EPICEDIORUM LIBER

IN

P E T R U M D' O R V I L L E.

I.	Joannis Buherii Memoria Petri D'Orville.	237
II.	P. Burmannus, Fr. Fil. Fr. Nep. D. M. ejusdem.	239
III.	Jak. Elias Michielsz. Grafschrift voor Mr. P. D'Orville.	244
IV.	Balt. Huidecoper in funere ejusdem.	245
V.	H. F. Ketelanus in obitu ejusdem ad J. P. D'Orville.	248
VI.	F. Oudendorpius in obitu ejusdem.	253
VII.	G. O. Reitzii Ἐπιτάφιος Π. Δορυβίλλου.	255
VIII.	P. de la Rue, Grafschrift voor Mr. P. D'Orville.	258
IX.	H. Snakenburg in obitum ejusdem.	259
X.	G. J. van Swinden Ἐιδύλλιον ἐπὶ θάνατον Π. Δορυβίλλου.	261
XI.	A. A. van Toll effigies Petri D'Orville.	265
XII.	————— in funere ejusdem.	265
XIII.	H. G. van Vryhoff over het afsterven van Mr. P. D'Orville aan Mr. J. P. D'Orville.	267
XIV.	J. F. Behrendt Regiomontanus in obitum ejusdem.	270
XV.	Jac. Phil. D'Orville Lacrimae in obitum Petri van Ryn.	276
XVI.	————— In mortem E. M. van Ryn.	278
XVII.	————— In exitum P. D'Orville, filii natu minoris.	284
XVIII.	————— Pro epicedio in excessum P. D'Orville Fratris.	286


ERRATA.

- Pag. 78. 10. *amarantbe. amarante.*
 Pag. 99. 1. *Naficaa. Nauficaa.*
 Pag. 110. 3. *cum. quum.*
 Pag. 131. 26. *ipse. ipsa.*
 Pag. 140. ADOPTIVORUM. EPICEDIORUM.
 Pag. 161. 3. *Βαταλῶν. Βατάλων.*
 Pag. 162. 19. *ἀ τ. ἄτς. 23. λίαι. λίῆς.*




ERRATA.

- Pag. 78. 10. *amarantbo. amarante.*
 Pag. 99. 1. *Naficaa. Nauficaa.*
 Pag. 110. 3. *cum. quum.*
 Pag. 131. 26. *ipse. ipsa.*
 Pag. 140. ADOPTIVORUM. EPICEDIORUM.
 Pag. 161. 3. *βαταλιν. Βατάλιν.*
 Pag. 162. 19. *ἀ τ'. ἄττ. 23. ἱας. ἱῆτ.*



ERRATA.


- Pag. 78. 10. *amarantbo. amarante.*
 Pag. 99. 1. *Nasicaa Nauficaa.*
 Pag. 110. 3. *cum. quum.*
 Pag. 131. 26. *ipse. ipsa.*
 Pag. 240. ADOPTIVORUM. EPICEDIORUM.
 Pag. 261. 3. *βαταλῶν. Batálōn.*
 Pag. 262. 19. *ἂ τ'. ἄτ'. 23. ἱας. ἱῆς.*



ERRATA.

- Pag. 78. 10. *amarantibz. amarante.*
 Pag. 99. 1. *Nasicaa. Nauficaa.*
 Pag. 110. 3. *cum. quum.*
 Pag. 131. 26. *ipse. ipsa.*
 Pag. 140. ADOPTIVORUM. EPICEDIORUM.
 Pag. 161. 3. *Βαταλῶν. Βατάλῶν.*
 Pag. 162, 19. *ἂ τ'. ἄτε, 23. ἱἄτ. ἱἄτ.*





86





